

TUARASCÁIL BHLIANTÚIL & RÁITIS AIRGEADAIS

2020



Here to build business.
Strategic Banking
Corporation of Ireland

FAOI SBCI

Bunaíodh Corparáid Baincéireachta Straitéiseach na hÉireann (SBCI) i mí Mheán Fómhair 2014 chun a chinntiú go mbeadh fáil ag Fiontair Bheaga agus Meánmhéide (FBManna) ar roghanna cistithe sheasmhaigh níos fadtéarmaí, ar chostas níos ísle. Mar fhoras le haghaidh spreagadh faoi úinéireacht an stáit, agus mar aon lena phiaraí Eorpacha, tá SBCI ina chuid lárnach den chreat maoinithe gnó anois. Trí thacaíocht agus cúnamh a thabhairt chun margadh éifeachtach creidmheasa a fhorbairt le haghaidh maoiniú FBM, cinntíonn sé go mbíonn fáil ag FBManna ar mhaoiniú i ndálaí margaidh éagsúla, bídís dearfach nó diúltach.

Cuireann SBCI maoiniú mórdhíola agus ráthaíochtaí ar fáil do FBManna trína chomhpháirtithe iasachtaithe ar aghaidh, ag cinntiú go mbaineann an t-iasachtaí FBM deiridh leas as a thacaíocht seachas na comhpháirtithe iasachtaithe ar aghaidh.

Ár bhFís

Is comhpháirtí maoinithe solúbtha Stáit é SBCI a sholáthraíonn tionchar dearfach do FBManna agus a thacaíonn le forbairt eacnamaíoch in Éirinn.

Ár Misean

Is é misean SBCI tacaíochtaí éifeachtacha airgeadais a sholáthar do FBManna a thugann aghaidh ar theipeanna i margadh creidmheasa na hÉireann, agus ag an am céanna iomaíocht agus nuálaíocht á spreagadh, agus a chinntiú go mbaintear úsáid éifeachtúil as na hacmhainní atá ar fáil ón Aontas Eorpach.


An Clár

Na Príomh-bhuaicphointí Gnó	1
Ráiteas an Chathaoirligh	4
Athbhreithniú an Phríomhoifigigh Feidhmiúcháin	6
Straitéis	8
Athbhreithniú Gnó	12
Foinsí Cistithe	13
Táirgí SBCI	14
Comhroinnt Rioscaí	14
Iasachtú	15
Margaíocht agus Cur Chun Cinn	19
Rannpháirtíocht le Páirtithe Leasmhara agus Piaráí	20
Forléargas ar an Margadh	20
Rialachas agus Faisnéis Chorporáideach	22
Na Stiúrthóirí	22
An Ráiteas Rialachais agus Tuarascáil na gComhaltaí Boird	25
Tuarascálacha na gCoistí	30
Bainistíocht Riosca	33
Ráitis Airgeadais	36

NA PRÍOMH- BHUAICPHOINTÍ GNÓ

Raon Geografach SBCI

Líon na n-iasachtaí: % de réir Réigiúin
An bhliain go dtí an 31 Nollaig 2020



Na Príomh-bhuaicphointí Gnó

An bhliain go dtí an 31 Nollaig 2020

€836m

Tacaíocht d'iasachtaí



€109,438

Meánmhéid lasachta



7,639

Líon na FBMananna ar tacaíodh leo in Éirinn

An leas a bhain FBMananna as saoráidí SBCI i rith 2020

72%

infheistíochta chun
an gnó a fhás




28%

caipiteal
oibre



Tá raon leathan earnálacha ag baint leas as cistiú SBCI

An bhliain go dtí an 31 Nollaig 2020



RÁITEAS AN CHATHAOIRLIGH

Ba bhliain thar a bheith dúshlánach a bhí in 2020 do gheilleagar na hÉireann agus do shochaí na hÉireann trí chéile. Bhí impleachtaí móra ag tionchar phaindéim COVID-19 do ghnóthaí, a bhfostaithe, agus inmharthanacht an gheilleagair, as ar eascair leibhéil soláthair tacaíochtaí Stáit nach bhfacthas a leithéid riamh.

Bhí an-ghá go deo in 2020 le hidirghabháil agus tacaíochtaí stáit chun an tionchar ar ghnóthaí ar fud na tíre a chúiteamh. Bhí SBCI ríthábhachtach i soláthar roinnt de na tacaíochtaí Stáit agus Eorpacha sin. Ag obair go dlúth le hionadaithe ón Roinn Fiontar, Trádála agus Fostaíochta (RFTF), an Roinn Talmhaíochta, Bia agus Mara (RTBM) agus Grúpa an Bhainc Eorpach Infeistíochta, bhí SBCI sa suíomh ceart chun leas a bhaint as a thaithí ar scéimeanna comhroinnte riosca a sholáthar chun acmhainn iasachtaithe bhreise a chur ar fáil do ghnóthaí a raibh tionchar ag COVID-19 go sonrath orthu.

I mí an Mhárta 2020, thug SBCI isteach Scéim Iasachta Caipitil Oibre COVID-19 dar luach €200 milliún ar an margadh, scéim a díródh ar ghnóthaí a raibh tionchar díreach ag an bpaindéim orthu, ar theastaigh tacaíocht caipitil oibre sholúbtha ar chostas íseal uathu chun cur in aghaidh éifeachtaí na srianta a cuireadh i bhfeidhm agus an cailleanas gnó dá mbarr agus iad a mhaolú. Cé gur chuir an scéim caipitil oibre iasachtaí le téarmaí trí bliana ar fáil, sainithníodh gur theastaigh iasachtaí le téarmaí aisíocaíochta níos faide ó ghnóthaí freisin, a scaipeadh costas an mhaoinithe thar thréimhse níos faide. I mí Iúil 2020, sheol SBCI €500 milliún breise in acmhainn comhroinnte riosca ar an margadh tríd an Scéim Iasachta d'Fhás sa Todhchaí, a thairg iasachtaí suas le deich mbliana. Chomh maith leis sin, d'oibrigh SBCI go dlúth le Ranna Rialtais i dtreo dheireadh 2020 chun Scéim Ráthaíochta Creidmheasa COVID-19 a fhorbairt agus a sheoladh. Tairgeann an Scéim sin acmhainn ráthaíochta suas le €2 bhilliún do ghnóthaí a bhfuil tionchar ag COVID-19 orthu. D'eisigh SBCI glaoch oscailte d'idirghabhálaithe airgeadais le páirt a ghlacadh sa Scéim. Fuair SBCI freagairt ollmhór ar an Scéim agus tá áthas air a fhógairt go bhfuil an Scéim ar fáil anois trí líonra ina bhfuil níos mó ná 20 comhpháirtí iasachtaithe, lena n-áirítear bainc cholúin, soláthraithe maoinithe neamhbhainc agus go leor Comhair Chreidmheasa ar fud na tíre. Reáchtálann SBCI Scéim Ráthaíochta Creidmheasa COVID-19 thar ceann na Roinne agus tá áthas air páirt a ghlacadh i soláthar na tacaíochta suntasaí Stáit sin sa ré dhúshlánach seo do ghnóthaí.

I rith 2020, thosaigh SBCI ag obair le trí chomhpháirtí bhreise: Capitalflow, SME Finance & Leasing agus Permanent TSB. Tá na comhpháirtithe nua sin riachtanach chun ceann de chroí-aidhmeanna SBCI a chomhlíonadh, is é sin iomaíocht a mhéadú agus rogha bhreise iasachtóra a sholáthar in earnáil FBManna na hÉireann. Leanann SBCI ag obair i dtreo comhpháirtithe breise a thabhairt isteach in 2021.

D'fhaomh an Roinn Airgeadais agus Bord SBCI Plean Straitéiseach 2020–2025. Leanfaidh SBCI ag díriú ar a chroí-shainordú, is é sin freastal ar riachtanais na hearnála FBManna agus nuálaíocht a fhorbairt agus a chothú do FBManna. Tá SBCI tiomanta freisin do thacú le Plean Gnímh don Aeráid an Rialtais. I bhfianaise na héiginnte a chruthaigh paidéim COVID-19, leanfaidh Bord agus Foireann Bainistíochta SBCI ag déanamh athbhreithniú ar an bPlean Straitéiseach go leanúnach chun a chinntiú go bhfuil sé oiriúnach chun freastal ar riachtanais FBManna amach anseo.

I mí Feabhra 2021, ghlac ár n-iar-Phríomhoifigeach Feidhmiúcháin, Nick Ashmore, le ról Stiúrthóir an Chiste Infheistíochta Straitéisí d'Éirinn. Bhí Nick ina chuid den chéad fhoireann a bhunaigh SBCI óna ionchorprú. Chuir sé go mór le rath agus fás SBCI in imeacht na mblianta, agus léirigh sé meon nuálach agus uailmhianach chun a fhiosrú cé an bealach is fearr a d'fhreastalódh SBCI ar mhargadh na FBManna, a spreagfadh sé iomaíocht agus a sholáthródh sé cistiú ar chostas íseal do ghnóthaí ar fud na tíre. Ba mhaith leis an mBord agus liom féin buíochtas ó chroí a ghabháil le Nick as a chuid oibre agus a dhíograis le SBCI agus guímid gach rath air ina ról nua mar Stiúrthóir an Chiste Infheistíochta Straitéisí d'Éirinn. Feidhmeoidh Ian Black (Príomhoifigeach Airgeadais agus Oibriúcháin GBCN) mar Phríomhoifigeach Feidhmiúcháin eatramhach go dtí go gceaptar comharba buan. Ba mhaith leis an mBord agus liom féin buíochtas a ghabháil le Ian as ucht glacadh leis an ról sin agus as treoir agus ceannaireacht a sholáthar sa tréimhse eatramhach seo. Is mór againn é.

De bhun próiseas earcaíochta a rinneadh tríd an tSeirbhís um Cheapacháin Phoiblí, agus i ndiaidh mholadh an Aire Airgeadais, ceapadh Marguerite McMahon ar an mBord i mí Iúil 2020. Bhí ról mar fheidhmeannach sinsearach ag Marguerite roimhe seo leis an mBanc Eorpach Infheistíochta. Cuirimid an-fháilte roimpi, agus táim féin agus an Bord ag súil le hoibriú léi agus tairbhe a bhaint as an taithí a fuair sí in imeacht na mblianta leis an mBanc Eorpach Infheistíochta.

Ach oiread le go leor gnóthaí, d'aistrigh SBCI chuig timpeallacht chianoibre i rith mhí an Mhárta 2020. Chruthaigh sé sin suíomh nach rabhamar riamh ann cheana don eagraíocht, ach chuaigh SBCI in oiriúint dó go tapa agus d'aistrigh go domhan na gcomhdhálacha agus na nglanna ar líne. Tá SBCI buíocht as an tacaíocht a thug GBCN a chuir ar ár gcumas an t-aistriú sin a chur i gcrích go saoráideach.

Ba mhaith liom buíochtas a ghabháil le mo chomh-chomhaltaí Boird, leis an bhFoireann Bainistíochta agus leis na comhaltaí foirne as a n-obair agus a ndúthracht i gcaitheamh na bliana, a bhí ar cheann de na blianta ba dhúshlánaí dár saol. Táim ag súil lena ndíograis leanúnach agus le filleadh ar ghnáthshaol de shaghas éigin i rith 2021.



BARBARA COTTER
An Cathaoirleach

ATHBHREITHNIÚ AN PHRÍOMHOIFIGIGH FEIDHMIÚCHÁIN

Bhí SBCI lárnach i bpríomhthacaíochtaí FBManna a sholáthar in 2020, i gcomhar leis an Roinn Fiontar, Trádála agus Fostaíochta, an Roinn Talmhaíochta, Bia agus Mara agus Grúpa an Bhainc Eorpaigh Infheistíochta. Forbraíodh na tacaíochtaí sin chun cistiú tábhachtach a sholáthar chun tionchar COVID-19 agus an Bhreatimeachta ar ghnóthaí a mhaolú.

I mí an Mhárta 2020, thug SBCI isteach Scéim Iasachta Caipitil Oibre COVID-19 dar luach €200 milliún ar an margadh. Tairgtear an Scéim trínár gcomhpháirtithe iasachtaithe AIB, Banc na hÉireann agus Banc Uladh. Tairgeann an Scéim iasachtaí caipitil oibre do ghnóthaí, a mhaireann idir bliain agus trí bliana, le huasráta úis 4%. Tairgtear iasachtaí ar bhonn neamhurráithe suas le €500,000. Dírítear na hiasachtaí ar ghnóthaí óna dteastaíonn tacaíocht caipitil oibre ghearrthéarmach, nó fiú gnóthaí a dteastaíonn uathu a ngnó a athrú nó a chur in oiriúint go tapa chun tionchar COVID-19 a mhaolú. Cuireadh le hacmhainn na Scéime le €37.5m breise agus beidh sí ar fáil go dtí deireadh mhí na Nollag 2021. Tacaítear leis an Scéim le frithráthaíocht ón gCiste Eorpach Infheistíochta.

Shainnadh Ranna Rialtais agus SBCI an gá atá le réiteach iasachtaithe níos fadtéarmaí freisin chun cur in aghaidh dhrochthionchar COVID-19. Sheol SBCI an Scéim Iasachta d'Fhás sa Todhchaí (FGLS) i mí an Mheithimh 2019. Arís, le tacaíocht na Ranna Rialtais agus Ghrúpa an Bhainc Eorpaigh Infheistíochta, mhéadaigh SBCI acmhainn na Scéime ó €300 milliún go €800 milliún i mí Iúil 2020. Tairgeann FGLS iasachtaí lena mbaineann téarmaí suas le deich mbliana, le ráta úis an-iomaíoch – uasráta tosaigh 4.5% d'iasachtaí faoi bhun €250,000 agus 3.5% d'iasachtaí os cionn €250,000. Cosúil le Scéim Iasachta Caipitil Oibre COVID-19, bíonn iasachtaí suas le €500,000 neamhurráithe. Tá ag éirí thar cionn leis an Scéim. Tá AIB, Banc na hÉireann, Permanent TSB agus Banc Uladh go hiomlán suibscríofa. Bhí áthas ar SBCI dhá chomhpháirtí Scéime nua a áireamh, KBC Bank (in 2020) agus Close Brothers (in 2021). Tá SBCI buíochas as an tacaíocht leanúnach a fhaightear ó Ghrúpa an Bhainc Eorpaigh Infheistíochta agus ón gCoimisiún Eorpach maidir le frithráthaíochtaí a thairiscint chun tacú leis na Scéimeanna sin.

Ba é an tríú tacaíocht thábhachtach a reáchtáil SBCI in 2020 Scéim Ráthaíochta Creidmheasa COVID-19. Soláthraíonn Rialtas na hÉireann an Scéim chun go n-éascófaí iasachtaí do Mhicrifhiontair, Fiontair Bheaga agus Mheánmhéide agus Cuideachtaí Meánchaipitlithe Beaga a raibh drochthionchar ag COVID-19 orthu, Táirgeoirí tosaigh (Talmhaíocht agus lascaireacht) ina measc. Éascaíonn Scéim Ráthaíochta Creidmheasa COVID-19 soláthar leachtachta agus caipitil oibre do ghnóthaí. Is é SBCI a reáchtálann an Scéim mar oibritheoir thar ceann an Aire Fiontar, Trádála agus Fostaíochta. I gcodarsnacht le Scéimeanna eile SBCI, soláthraíonn an Rialtas an ráthaíocht go díreach do na soláthraithe maoinithe rannpháirteacha. Mar oibritheoir, bíonn SBCI ag plé leis na soláthraithe maoinithe rannpháirteacha i ngnéithe oibriúcháin agus bainistíochta na Scéime. Tairgeann an Scéim acmhainn creidmheasa bhreise suas le €2 bhilliún, le tacaíocht ó ráthaíocht Rialtais a dháiltear trí líonra banc, soláthraithe maoinithe neamhbhainc agus Comhar Creidmheasa. Tá áthas ar SBCI a fheiceáil go bhfuil Comhair Chreidmheasa i measc comhpháirtithe iasachtaithe na Scéime anois.

Cuireadh tarraingt siar na Ríochta Aontaithe as an Aontas Eorpach i gcrích ar an 31 Nollaig 2020, i ndiaidh dheireadh na tréimhse aistrithe. Is dearfach gur comhaontaíodh Comhaontú Trádála agus Comhair idir an tAontas Eorpach agus an Ríocht Aontaithe. Ach tá tarraingt siar na Ríochta Aontaithe as an gcómhargadh ag cruthú dúshlán do ghnóthaí na hÉireann. Tá costais ardaithe agus páipéarachas breise ag na gnóthaí sin anois, a n-eascaíonn moill ar thrádáil idir an dá mhargadh as uaireanta. Leanann SBCI ag soláthar tacaíochta do ghnóthaí le Scéim Iasachta an Bhreathimeachta, a ceapadh chun ceanglais chaipitil oibre nó nuálaíocht, athrú nó oiriúnú an ghnó a chistiú chun tionchar an Bhreathimeachta a mhaolú.

In 2020, thacaigh SBCI le hiasachtú ceadaithe don bhliain, ar fud a línte táirgí, dar luach €835.7m san iomlán le 7,639 iasacht do FBManna agus meániasacht €109,438. Cuireadh iasachtaí nua ar fáil ar fud raon leathan earnálacha. I measc cuid de na hearnálacha níos mó a bhaineann leas as saoráidí SBCI tá: Talmhaíocht 29%, Mórdhíol & Miondhíol 15%, Seirbhísí Foirgníochta 11%, Seirbhísí Déantúsaíochta 9%, agus Cóiríocht agus Trádáil Bia 7%.

Léiríonn torthaí airgeadais 2020 caillteanas oibriúcháin €1.111 milliún, i gcomparáid le caillteanas €408k an bhliain roimhe sin. Léiríonn an caillteanas laghdú ar ioncam úis, de bharr laghdú ar shócmhainní iasachta go príomha mar gheall ar aisíocaíochtaí i rith na bliana agus éileamh níos

lú ar iasachtaí nua. Chomh maith leis sin, bhí méadú ar chaiteachas in 2020, mar gheall ar an gcostas a bhain le scéimeanna nua agus méadaithe a sholáthar mar fhreagairt ar ghéarcheim COVID-19.

Lean SBCI ag forbairt a fheasachta branda i gcaitheamh 2020. Bhí méadú ar chaiteachas margaíochta SBCI le haghaidh 2020, go príomha mar gheall ar an ngá leanúnach an fháil a bhí ar phríomhthacaíochtaí Stáit trí Scéimeanna SBCI a chur in iúl do FBManna.

Bhí an ghníomhaíocht meán níos dírithe ar Chainéil Mheán Sóisialta SBCI, Twitter, LinkedIn agus YouTube, ar ar baineadh leas as físeáin bheochana mhíniúcháin agus cás-staidéir FBManna chun a réimse táirgí a chur chun cinn. Lean SBCI ag plé le FBManna ar fud na tíre, trí fhreastal ar os cionn 40 seimineár gréasáin i rith na bliana.

Tháinig méadú ar líon na bhfostaithe in 2020 chun tacú leis an líon scéimeanna agus iasachtóirí ar aghaidh a bhí ag dul i méid. Tá 27 fostaí ag obair in SBCI faoi láthair. Ba bhliain dhúshlánach a bhí in 2020 dúinn ar fad agus ba mhaith liom buíochas a ghabháil le Foireann SBCI agus le Bord SBCI as a n-inoiriúnaitheacht agus díograis leanúnach le bliain anuas.




IAN BLACK
An Príomhoifigeach Feidhmiúcháin Eatramhach

STRAITÉIS

Tá straitéis SBCI fós bunaithe ar a mhisean tacaíochtaí éifeachtacha airgeadais a sholáthar do FBManna agus aghaidh a thabhairt ar theipeanna i margadh creidmheasa na hÉireann, agus ag an am céanna iomaíocht agus nuálaíocht á spreagadh, agus a chinntiú go mbaintear úsáid éifeachtúil as na hacmhainní atá ar fáil ón Aontas Eorpach.

Ár gCuspóir



Is é straitéis SBCI tacú le forbairt agus cothabháil margaidh éifeachtaigh chun creidmheas a sholáthar do FBManna in Éirinn, agus ag an am céanna a chumas freagartha a choimeád maidir le freagairt do chur isteach mór ar an margadh agus riachtanais seachadta beartais rialtais. Déanann sé é sin trí thacaíocht airgeadais a sholáthar i bhfoirm leachtacht ar chostas íseal le haghaidh soláthraithe maoinithe, trí riosca a chomhroinnt ar iasachtaí bunaidh agus trí chineálacha ionstraimí airgeadais nua agus nuálacha a fhorbairt. Tá SBCI dírithe ar thrí théama tionchair: Tús Áite do FBManna, ag tacú le forbairt an mhargaidh creidmheasa FBM níos leithne; Nuálaíocht FBManna, a thacaíonn le hiasachtaí a thabhairt do FBManna a bhfuil riosca níos airde ag baint leo ach atá ag fás ag ráta níos tapa; agus Gníomhú ar son na hAeráide, áit a bhforbróidh SBCI réitigh mhaoinithe chun aghaidh a thabhairt ar na dúshláin a bhaineann le hathrú aeráide do FBManna agus don

gheilleagar níos leithne. Baineann tacaíochtaí SBCI úsáid as tacaíocht an rialtais agus na hEorpa agus ceaptar iad chun aghaidh a thabhairt ar theipeanna sa mhargadh, chun cistiú a sholáthar do FBManna, lena n-áirítear feirmeoirí, nuair a bhíonn riachtanas beartais ann agus nuair a thacaíonn sé sin le forbairt eacnamaíoch agus iomaíocht fheabhsaithe. Is iad foireann SBCI féin a cheapann agus a sholáthraíonn na táirgí seo, i gcomhpháirtíocht lena shraith leathan de chaidreamh institiúideach i margadh na hÉireann.

Agus SBCI ag féachaint chun cinn, tá sé i gceist cur lena dhul chun cinn suntasach trí raon níos leithne tacaíochtaí a thairiscint don earnáil FBManna agus d'fhorbairt an gheilleagair, agus a inbhuanaitheacht agus a chumas féin a chothú ag an am céanna maidir le freagairt do chur isteach ar an margadh, agus bearta beartais an rialtais a chur i gcrích.

Tá sé tábhachtach a thabhairt faoi deara go bhféadfaidh forbairtí margaidh gan choinne teacht chun cinn (e.g. paidéim COVID-19) a éilíonn SBCI treo nó tosaíochtaí a athrú.

Tús Áite do FBManna



- Comhroinnt riosca ar scála mór trí bhainc
- Leachtacht neamhbhainc
- Comhroinnt riosca neamhbhainc
- Cainéal dáilte nua ar scála mór

Gníomhú ar son na hAeráide



- Chuir an Banc an Scéim Iarfheistithe Fuinnimh ar fáil d'Fhoirgnimh FBManna, Feirme agus Cónaithe
- Scéim saoraidí saincheaptha FBManna neamhbhainc

Nuálaíocht FBManna



- Ráthaíochtaí Mezzanine agus den Dara Lian do FBManna
- Ardán Iasachta Nuálaíochta FBManna

Líonraí & Caidrimh



- Cainéal Iasachtaithe ar Aghaidh
- Líonraí Piaráí
- Taighde
- Margaíocht agus Feasacht ar FBManna

Foireann Oilte le tacaíocht ó GBCN



- Cultúr Oiriúnaitheach agus Comhoibritheach
- Cumais Theicniúla agus Struchtúrtha
- Ardán Seirbhíse do Chustaiméirí/Teicneolaíochta Moil
- Bainistíocht Riosca Creidmheasa

Tacaíocht ón Rialtas & ón Aontas Eorpach



- Cistiú Céadchailteanais
- Clár Comhardaithe agus Leachtacht
- Tacaíocht ón Eoraip
- Ag obair le Ranna chun táirgí a Fhorbairt agus a Sholáthar

LÍNTE GNÓ

Iasachtú




Is é an tsamhail ghnó iasachta atá ag SBCI ná feidhmiú mar institiúid airgeadais mórdhíola chun iasachtú ar aghaidh a sholáthar. Soláthraítear maoiniú mórdhíola fadtéarmach ar chostas níos ísle d'iasachtóirí oiriúnacha ar aghaidh agus cuirtear an costas úis níos ísle ar aghaidh chuig iasachtaithe FBManna. Tá straitéis SBCI bunaithe ar phíblíne láidir a fhorbairt d'iasachtóirí féideartha chun éagsúlacht a bhaint amach sa mhargadh agus iomaíocht a spreagadh agus ag an am céanna a bheith feasach ionas nach ndéantar an margadh a shaobhadh in aon earnáil iasachta.

Comhroinnt Rioscaí



Is é an tsamhail ghnó don chomhroinnt riosca ráthaíochtaí páirtchreidmheasa a sholáthar do sholáthraithe maoinithe chun réamhíocaíocht creidmheasa le FBManna a éascú, lena n-áirítear sa chás go bhfuil fáil ar chreidmheas srianta ag teipeanna sonracha sa mhargadh timthriallach earnála nó eacnamaíoch. Baineann SBCI leas agus buntáiste as acmhainn riosca ó thacaíochtaí Stáit agus Eorpacha chun ionstraimí airgeadais a dhearadh a bhaineann úsáid éifeachtúil as caipiteal agus a fheabhsaíonn fáil FBManna ar mhaoiniú. I measc na samplaí de tháirgí comhroinnte riosca tá Scéim Iasachta Sreafa Airgid Talmhaíochta SBCI, Scéim Iasachta an Bhreitheachta, an Scéim Iasachta d'Fhás sa Todhchaí agus Scéim Iasachta Caipitil Oibre COVID-19.

Soláthar Seirbhíse



I mí Dheireadh Fómhair 2016, cheap an tAire Post, Fiontar agus Nuálaíochta (an tAire Fiontar, Trádála agus Fostaíochta anois) SBCI mar oibrítheoir agus mar bhainisteoir na Scéime Ráthaíochta Creidmheasa (CGS). Bhunaigh sé sin SBCI mar an príomhbhealach do tháirgí comhroinnte riosca (ráthaíochtaí creidmheasa) in Éirinn. Seoladh Scéim Ráthaíochta Creidmheasa athbhreithnithe le gnéithe feabhsaithe i mí Iúil 2018. Seoladh Scéim Ráthaíochta Creidmheasa COVID-19 i mí Iúil 2020 mar chuid de phacáiste spreagthaí an Rialtais, agus mhéadaigh acmhainn na scéime €2 bhilliún dá bharr.

Samhail Ghnó

Is é samhail ghnó SBCI feidhmiú mar institiúid mhórdhíola a sholáthraíonn maoiniú ar chostas níos ísle agus comhroinnt riosca d'iasachtóirí ar aghaidh i margadh gnó na hÉireann. Feidhmíonn SBCI faoi shainordú inbhuanaitheachta seachas de réir cur chuige uasmhéadaithe brabúis. Agus é ag tacú le réimsí nua a fhorbairt sa mhargadh, tá sé mar aidhm ag SBCI margadh tráchtála feidhmiúil a fhorbairt seachas margadh a fhaigheann tacaíocht stáit. Tá sé mar aidhm ag SBCI dul in oiriúint do riachtanais an mhargaidh agus tairiscintí táirgí spriocdhírthe a chruthú a bheidh solúbtha maidir le téarmaí an táirge. Cuireann sé sin ar chumas SBCI freagairt do theipeanna sonracha sa mhargadh trí thairiscintí táirgí saincheaptha. De réir mar a fhorbraíonn SBCI, glacthaí sé cur

chuige frith-thimthriallach, ag laghdú an chion den mhargadh a bhfuil sé ag tacú leis de réir mar a neartaíonn agus a mhéadaíonn an margadh i dtimpeallachtaí níos laige.

Fostaíonn SBCO foireann bheag de ghairmithe ardcháilithe chun an leas is fearr is féidir a chur ar fáil do FBManna, agus ag an am céanna a fheidhm á comhlíonadh aige maidir le táirgí agus seirbhísí a fhorbairt. Chuige sin, baineann SBCI leas as acmhainní GBCN. Is fostaithe de chuid an GBCN iad comhaltaí foirne SBCI a shanntar do SBCI, agus soláthraíonn GBCN an chuid is mó de sheirbhísí corparáideacha SBCI. Aisíocann SBCI GBCN as na seirbhísí sin a sholáthar, costais foirne ina measc.

AN CHAOI A N-OIBRÍONN SBCI



ATHBHREITHNIÚ GNÓ

I rith 2020, dhírigh SBCI ar a ghníomhaíochtaí comhroinnte riosca a leathnú chun aghaidh a thabhairt go tapa ar na dúshláin a chruthaigh paindéim COVID-19 agus trí thuilleadh forbartha a dhéanamh ar a oibríochtaí leachtachta le comhpháirtithe neamhbhainc. Seoladh Scéim Iasachta Caipitil Oibre COVID-19 i mí an Mhárta 2020 agus fógraíodh leathnú €500m breise na scéime fadtéarmaí, an Scéim Iasachta d'Fhás sa Todhchaí, i mí Iúil 2020. Sheol an Rialtas Scéim Ráthaíochta Creidmheasa COVID-19 dar luach €2bn ina dhiaidh sin i mí Mheán Fómhair 2020. Lean SBCI ag forbairt a rannpháirtíochta le hiasachtóirí ar aghaidh ionchais agus nua, ag cur saoraidí leachtachta €68m breise ar fáil do chomhpháirtithe neamhbhainc agus ag bunú caidrimh nua oibre le Capitalflow, SME Finance & Leasing agus Permanent TSB. Leanfaidh SBCI ag obair i dtreo iasachtóirí ar aghaidh nua a aimsiú chun éagsúlacht agus infhaighteacht an chistithe do FBManna a mhéadú tuilleadh.

I rith 2020, sholáthair SBCI os cionn €836m do 7,639 FBM trína línte táirgí ar fad. I measc tháirgí SBCI bhí raon cothrom iasachtaí i gceist ó thaobh na réigiún de, ó 15% san Iardheisceart go 10% sa Mheánoirthear.

Foinsí Cistithe

I rith 2020, chothaigh SBCI a chaidrimh le ceithre mhaoinitheoir, dhá shaoráid idirnáisiúnta agus dhá shaoráid náisiúnta, lenar bhain líne chistithe €680m san iomlán. Tá na saoráidí creidmheasa seo a leanas ag SBCI: €100m ó Bhanc Forbartha Chomhairle na hEorpa; €250m ón mBanc Eorpach Infheistíochta; €165m i gClár Nótaí Ráthaíochta le GBCN agus €165m ón gCiste Infheistíochta Straitéisí d'Éirinn. Baineann SBCI tairbhe freisin as cláir ráthaíochta a sholáthraíonn an Ciste Eorpach Infheistíochta agus Grúpa an Bhainc Eorpaigh Infheistíochta.

Banc Forbartha Chomhairle na hEorpa

**€100
MILLIÚN**

Bunaíodh Banc Forbartha Chomhairle na hEorpa mar bhanc forbartha iltaobhach in 1956 le sainordú tosaigh de dhéanaithe a aidsúichiú, tar éis an Dara Cogadh Domhanda, agus chun aghaidh a thabhairt ar na fadhbanna athlonnaithe agus sóisialta a tháinig chun cinn de bharr. Leathnaíodh an sainordú sin ó shin chun aghaidh a thabhairt ar fhadhbanna ginearálta sóisialta agus comhshaoil atá ag teacht chun cinn san Eoraip, lena n-áirítear tacaíocht a thabhairt do mhicrifhiontair agus d'fhiontair bheaga agus mheánmhéide ar mhaithe le caomhnú post agus cruthú post araon, trí shásraí cistithe agus ráthaíochta ar chostas íseal. Tá Éire ina ball de Bhanc Forbartha Chomhairle na hEorpa ó 2004 i leith.

An Banc Eorpach Infheistíochta

**€250
MILLIÚN**

Is é an Banc Eorpach Infheistíochta banc an Aontais Eorpaigh, a thacaíonn le teipeanna margaidh creidmheasa agus cothromais ar fud na hEorpa. Is próimhthosaíocht de shainordú an Bhainc é maoiniú agus fáil níos fearr ar mhaoiniú a sholáthar do phobal Fhiontair Bheaga agus Mheánmhéide na hEorpa. Tá soláthar cistithe do SBCI faoin gcuspóir sin de thacaíocht maoinithe do FBManna.

An Ciste Eorpach Infheistíochta

**€1,512
MILLIÚN**

Tá an Ciste Eorpach Infheistíochta ina chuid de ghrúpa an Bhainc Eorpaigh Infheistíochta. Is é an misean lárnach atá aige ná tacú le micrifhiontair, agus le fiontair bheaga agus mheánmhéide na hEorpa trí chabhrú leo maoiniú a fháil. Dearann agus forbraíonn an Ciste caipiteal fiontair agus fáis, ráthaíochtaí (COSME, InnovFin agus ráthaíochtaí saincheaptha), agus ionstraimí micreamhaoiniúcháin a dhíríonn go sonrach ar an gcuid sin den mhargadh. Sa ról sin, cothaíonn an Ciste cuspóirí an Aontais Eorpaigh chun tacú le nuálaíocht, taighde agus forbairt, fiontraíocht, fás agus fostaíocht ag gníomhú mar bhealach le haghaidh chistiú agus thionscnaimh Choimisiún an Aontais Eorpaigh.

Gníomhaireacht Bainistíochta an Chisteáin Náisiúnta

**€165
MILLIÚN**

Tá Gníomhaireacht Bainistíochta an Chisteáin Náisiúnta (GBCN) freagrach as iasachtaí a fháil thar ceann an rialtais agus as an bhFiach Náisiúnta a bhainistiú chun leachtacht a chinntiú don Státchiste agus chun an t-ualach úis sa mheántearma a íoslaghdú. Tá saoráid GBCN chuig SBCI i bhfoirm Cláir Nótaí Ráthaithe mar a ndéanfaidh GBCN infheistíocht i Nótaí Ráthaithe a eisíonn SBCI ar théarmaí comhaontaithe le haibíocht de dheich mbliana ar a mhéad.

An Ciste Infheistíochta Straitéisí d'Éirinn

**€165
MILLIÚN**

Bunaíodh an Ciste Infheistíochta Straitéisí d'Éirinn i mí na Nollag 2014 chun infheistíocht a dhéanamh ar bhonn tráchtála ar bhealach a dearadh chun tacú le gníomhaíocht gheilleagrach agus fostaíocht in Éirinn. Aistríodh sócmhainní an Chúlchiste Náisiúnta Pinsean, an ciste a bhíodh ann roimh an gCiste seo, chuig an gCiste. Cuireadh cistiú ar fáil do SBCI de bhun ordú ón Aire Airgeadais chuig Coimisiún an Chúlchiste Náisiúnta Pinsean. Is saoráid imrothlach deich mbliana é an cistiú ón gCiste Infheistíochta Straitéisí d'Éirinn a bhfuil d'acmhainn aige tiontú go caipiteal ar iarratas an Aire. I mí Dheireadh Fómhair 2020, tiontaíodh €50m den tsaoráid imrothlach go caipiteal chun tacú le hiasachtú, ráthaíochtaí agus aon chaillteanais nár tuaradh.

Táirgí SBCI

In 2020, leathnaigh SBCI a svuít táirgí chun cabhrú le haghaidh a thabhairt ar thionchar phaindéim COVID-19, agus seoladh Scéim Iasachta Caipitil Oibre COVID-19 agus leathnú €500m ar an Scéim Iasachta um Fhás sa Todhchaí (FGLS). Anuas air sin, is é SBCI oibritheoir Scéim Ráthaíochta Creidmheasa COVID-19 (COVID-19 CGS) dar luach €2bn thar ceann na Roinne Fiontar, Trádála agus Fostaíochta.

Ceapadh Scéim Iasachta Caipitil Oibre COVID-19 chun ceanglais chaipitil oibre FBManna agus nuálaíocht, athrú nó oiriúnú gnóthaí a chistiú chun tionchar COVID-19 a mhaolú. Forbraíodh an Scéim seo i gcomhpháirtíocht leis an Roinn Fiontar, Trádála agus Fostaíochta agus leis an Roinn Talmhaíochta, Bia agus Mara. Tacaíonn InnovFin Saoráid Ráthaíochta FBM leis an scéim, le tacaíocht airgeadais ón Aontas Eorpach faoi Ionstraimí Airgeadais Fís 2020.

Ceapadh an Scéim Iasachta d'Fhás sa Todhchaí chun cabhrú le FBManna infheistíochtaí fadtéarmacha a dhéanamh ina ngnóthaí agus cabhrú leo fás amach anseo trí iasachtaí d'idirseacht agus deich mbliana a sholáthar. Thacaigh an Roinn Fiontar, Trádála agus Fostaíochta, an Roinn Talmhaíochta, Bia agus Mara, an Banc Eorpach Infheistíochta agus an Ciste Eorpach Infheistíochta le leathnú na Scéime Iasachta d'Fhás sa Todhchaí. Ó seoladh é in 2019, agus ó leathnaíodh é in 2020, tá FGLS tar éis cabhrú le haghaidh a thabhairt ar bhearna i margadh na n-infheistíochtaí fadtéarmacha. Tá an leibhéal iarratas ar FGLS an-láidir go deo ó seoladh é. Baineann an scéim tairbhe as ráthaíocht ón Aontas Eorpach faoin gCiste Eorpach le haghaidh Infheistíochtaí Straitéiseacha. Léiríonn FGLS agus Scéim Iasachta Caipitil Oibre COVID-19 an ról lárnach a bhíonn ag SBCI i gcur chun cinn cuí an mhaoinithe ón Aontas Eorpach agus an tacaíocht dá réir do FBManna na hÉireann.

Soláthraíonn Rialtas na hÉireann Scéim Ráthaíochta Creidmheasa COVID-19 chun go n-éascófaí iasachtaí do Mhicrifhiontair, Fiontair Bheaga agus Mheánmhéide agus Cuideachtaí Meánchaipitilthe Beaga a raibh drochthionchar ag COVID-19 orthu. Áirítear leis sin Táirgeoirí Tosaigh – Talmhaíocht/Iascaireacht. Éascaíonn Scéim Ráthaíochta Creidmheasa COVID-19 soláthar leachtachta agus caipitil oibre do ghnóthaí. Cuireann an Scéim, a reáchtálann SBCI thar ceann an Rialtais, ar chumas iasachtaí a raibh tionchar ag COVID-19 air teacht ar chreidmheas an tráth is mó a dteastaíonn sé, trí théarmaí aisíocaíochta iasachta suas le 5.5 bliain a sholáthar.

Comhroinnt Rioscaí

I gcaitheamh 2020, dhírigh SBCI ar a chumas comhroinnt rioscaí a leathnú chun cabhrú le hiarmhairtí diúltacha geilleagracha phaindéim COVID-19 a mhaolú agus a chinntiú go mbeadh fáil ag fiontair a raibh tionchar ag an mBreatimeacht orthu ar thacaíocht cistithe. Baineadh é sin amach trí acmhainn bhreise iasachtaíthe a chruthú le haghaidh FBManna in Éirinn agus trí fheidhmiú mar bhealach do thionscnaimh maoinithe FBM na hEorpa. Forbraíodh an cumas sin tuilleadh i gcaitheamh 2020 le seoladh Scéim Iasachta Caipitil Oibre COVID-19 agus an leathnú €500m ar an Scéim Iasachta um Fhás sa Todhchaí. Anuas air sin, feidhmíonn SBCI mar oibritheoir Scéim Ráthaíochta Creidmheasa COVID-19 dar luach €2bn thar ceann na Roinne Fiontar, Trádála agus Fostaíochta. Éascaíonn comhroinnt riosca comhroinnt an riosca creidmheasa ar an bpunann iasachta fhoriomlán. Is tacaíocht thábhachtach d'iasachtóirí ar aghaidh é soláthar na comhroinnt riosca agus iad ag soláthar creidmheasa don mhargadh FBManna i rith phaindéim COVID-19.

Iasachtú

In 2020, lean SBCI ag forbairt a chaidreamh le hiasachtóirí ar aghaidh, idir reatha agus nua, ag tosú ag obair le trí iasachtóir ar aghaidh nua, Capitalflow, SME Finance & Leasing agus Permanent TSB. Leanann SBCI lena obair chun líon na n-iasachtóirí ar aghaidh a mhéadú chun éagsúlacht níos mó a sholáthar do FBManna i roghanna cistithe iomaíocha. Feabhsóidh sé sin éagsúlacht na n-iasachtóirí agus na cineálacha cistithe atá ar fáil ar mhargadh na hÉireann.

I gcás a iasachtóirí ar aghaidh ar bainc iad (AIB, Banc na hÉireann, KBC Bank, Permanent TSB agus Banc Uladh), dhírigh SBCI ar a phunann comhroinnte riosca a mhéadú, an Scéim Iasachta d'Fhás sa Todhchaí a mhéadú go €800m agus iasachtaí a sholáthar chun tacú le gnóthaí a raibh tionchar ag an mBreatimeacht agus ag paindéim COVID-19 orthu. Tá tuilleadh sonraí faoi na táirgí comhroinnte riosca ar fáil ar leathanach 18. Trína iasachtóirí ar aghaidh neamhbhainc reatha,

soláthraíonn SBCI fruilcheannach, fruilíú conartha agus léasú do FBManna incháilithe chun carranna, feithiclí tráchtála, gléasra agus sócmhainní innealra a chistiú. Cuireann SBCI cistiú ar fáil freisin chun tacú le táirgí cistithe sonrasc. In 2020, mhéadaigh SBCI freisin an cistiú mórdhíola a sholáthraíonn sé d'iasachtóirí ar aghaidh neamhbhainc, ag faomhadh €68m san iomlán do Capitalflow agus SME Finance & Leasing. Mar oibritheoir Scéim Ráthaíochta Creidmheasa COVID-19 dar luach €2bn ón Rialtas, shocraigh SBCI 23 iasachtóir ar aghaidh nua chun páirt a ghlacadh sa Scéim. Áirítear bainc, soláthraithe maoinithe neamhbhainc agus Comhair Chreidmheasa sa Scéim anois. Cinntíonn an leathnú suntasach sin ar rannpháirtithe go mbíonn fáil ag gnóthaí ar ghotha iasachtóirí ar aghaidh níos fearr.

Leanfaidh SBCI ag déanamh a dhíchill cur le héagsúlacht na dtáirgí lena dtacaíonn sé i rith 2021.



DUL CHUN CINN SBCI GO DTÍ DEIREADH NA BLIANA 2020

Nollaig 2014 €200m do Bhanc na hÉireann

Feabhra 2015 €200m do Bhainc-Aontas Éireann

Deireadh Fómhair 2015 €51m do Finance Ireland

Samhain 2015 €25m do Merrion Fleet (dúnta Iúil 2017)

Samhain 2015 Cistí breise €200m do Bhainc-Aontas Éireann

Nollaig 2015 €75m do Bhanc Uladh

2016



Bealtaine 2016 €40m do First Citizen Agri Finance

Meitheamh 2016 €45m do Bibby Financial Services Ireland

Samhain 2016 €70m do Fexco Asset Finance

Eanáir 2017 Seoladh Scéim ACLS dar luach €150m

Márta 2017 Scéim ACLS leithdháilte ina hiomláine

Meitheamh 2017 lasachtú ar aghaidh bainc curtha i gcrích

Deireadh Fómhair 2017 Fógraíodh BLS in óráid na Cáinainseise

2017



EOCHAIR

ACLS Scéim lasachta Sreafa Airgid Talmhaíochta

BLS Scéim lasachta an Bhreathimeachta

COVID-19 CGS Scéim Ráthaíochta Creidmheasa COVID-19

COVID-19 WCLS Scéim lasachta Caipitil Oibre COVID-19

FGLS An Scéim lasachta d'Fhás sa Todhchaí

Eanáir 2020 €50m do Capitalflow


Márta 2020 Seoladh COVID-19 WCLS* dar luach €200m

Aibreán 2020 €17.5m do SME Finance & Leasing

Iúil 2020 €500m breise do FGLS

Meán Fómhair 2020 Seoladh COVID-19 CGS dar luach €2bn

Samhain 2020 €50m do Permanent TSB



2020

Márta 2019 Seoladh FGLS dar luach €300m

Meitheamh 2019 Sheol Bibby Financial Services Ireland "Táirge Maoinithe Trádála" mar chuid de shaoráidí maoinithe €70m SBCI

Lúnasa 2019 Shann Moody's rátáil eistheora A2 ar SBCI den chéad uair

Meán Fómhair 2019 Saoráid €50m do KBC Bank

2019

Márta 2018 Seoladh BLS dar luach €300m

Bealtaine 2018 €25m breise do Bibby Financial Services Ireland

Iúil 2018 Seoladh CGS 2017

Deireadh Fómhair 2018 Fógraíodh FGLS in óráid na Cáinainnéise

Nollaig 2018 €75m breise do Finance Ireland

2018

*Tabhair faoi deara: De bharr éigeandáil COVID-19, aistríodh €200m ó BLS go dtí Covid-19 WCLS nua.

Scéim Iasachta an Bhreathimeachta (BLS) / Scéim Iasachta Caipitil Oibre COVID-19 (COVID-19 WCLS)

Cuirtear Scéim Iasachta an Bhreathimeachta/Scéim Iasachta Caipitil Oibre COVID-19 dar luach €300 milliún ar fáil i gcomhpháirtíocht leis an Roinn Fiontar, Trádála agus Fostaíochta, an Roinn Talmhaíochta, Bia agus Mara agus tacaíonn InnovFin Saoráid Ráthaíochta FBM léi, le tacaíocht airgeadais ón Aontas Eorpach faoi Ionstraimí Airgeadais Fís 2020. Ceapadh BLS/Covid-19 WCLS chun tacaíocht cistithe a sholáthar chun a chur ar chumas FBManna incháilithe athruithe riachtanacha a chur i bhfeidhm chun aghaidh a thabhairt ar na dúshláin a bhaineann leis an mBreathimeacht nó COVID-19. Tá an scéim ar an margadh faoi láthair agus fanfaidh sí ar oscailt go dtí deireadh mhí na Nollag 2021.

Cé atá i dteideal iarratas a dhéanamh?

D'fhonn a bheith incháilithe, ní mór do ghnó na critéir seo a leanas a chomhlíonadh:

- ✓ A bheith ina ghnó inmharthana le suas le 499 fostaí (FBManna agus Cuideachtaí Meánchaipitilthe beaga);
- ✓ A bheith faoi thionchar an Bhreathimeachta/COVID-19;
- ✓ Critéir na scéime a chomhlíonadh (critéir a bhaineann leis an mBreathimeacht/COVID-19 agus critéir InnovFin).

Príomhghnéithe na scéime

- €25,000 go €1.5m in aghaidh an fhiontair incháilithe;
- Uasráta úis 4%;
- Téarma idir 1 bhliain agus 3 bliana;
- Iasachtaí neamhurraithe suas le €500,000;
- Aisíocaíochtaí roghnacha úis amháin ar fáil ag tús na n-iasachtaí.

Is féidir leas a bhaint as iasachtaí le haghaidh

Ceanglais chaipitil oibre amach anseo chun nuálaíocht, athrú nó oiriúnú an ghnó a chistiú chun tionchar an Bhreathimeachta nó COVID-19 a mhaolú.

Bíonn faomhadh na n-iasachtaí faoi réir bheartais agus nósanna imeachta creidmheasa na soláthraithe maoinithe féin.

An Scéim Iasachta d'Fhás sa Toghcháin (FGLS)

Cuirtear an Scéim Iasachta d'Fhás sa Toghcháin ar fáil i gcomhpháirtíocht leis an Roinn Fiontar, Trádála agus Fostaíochta agus leis an Roinn Talmhaíochta, Bia agus Mara, le tacaíocht airgeadais ó Ghrúpa an Bhainc Eorpaigh Infheistíochta. Tá an scéim seo ar fáil do FBManna incháilithe agus Táirgeoirí tosaigh (Talmhaíocht/lascaireacht) chun tacú le hinfeistíochtaí straitéiseacha agus fadtéarmacha (7–10 mbliana)¹.

Cé atá i dteideal iarratas a dhéanamh?

Tá an scéim ar fáil le haghaidh:

- ✓ FBManna, Cuideachtaí Meánchaipitilthe beaga agus na Táirgeoirí tosaigh (Talmhaíocht/lascaireacht)

Príomhghnéithe na scéime

- ✓ Iasachtaí idir €25,000 agus €3m le haghaidh iasachtaíthe incháilithe;
- ✓ Téarma idir 7 mbliana agus 10 mbliana;
- ✓ Iasachtaí neamhurraithe suas le €500,000;
- ✓ Uasráta úis tosaigh 4.5% d'iasachtaí suas le €249,999 agus 3.5% d'iasachtaí ag €250,000 nó níos mó*.

Is féidir leas a bhaint as iasachtaí le haghaidh

1. Infheistíocht i sócmhainní inláimhsithe nó doláimhsithe chun críocha nuálaíochta próisis agus eagraíochta, nó
2. Infheistíocht i sócmhainní inláimhsithe agus doláimhsithe ar ghabháltais talmhaíochta atá nasctha le táirgeadh talmhaíochta príomhúil.

** Bíonn rátaí úis athraitheacha faoi réir athrú.*

Bíonn faomhadh na n-iasachtaí faoi réir bheartais agus nósanna imeachta creidmheasa na soláthraithe maoinithe féin.

1. Go deireadh 2020 bhí éileamh an-láidir ó FBManna agus ó ghnóthaí talmhaíochta ar an maoiniú fadtéarmach seo ar chostas níos ísle seo. Mar thoradh ar an éileamh sin glacadh go gasta leis an scéim agus dá bhrí sin níl mórán acmhainne fágtha. Shroich AIB, Banc na hÉireann, Permanent TSB agus Banc Uladh a dteorainneacha FGLS, ach bhí acmhainn fós ag KBC. Mar sin féin, tá raon táirgí KBC dírithe ar chustaiméirí gnó FBManna agus ní thairgeann sé cistí san earnáil Talmhaíochta.

Scéim Ráthaíochta Creidmheasa COVID-19 (Covid-19 CGS)

Sheol an Rialtas Scéim Ráthaíochta Creidmheasa COVID-19 in 2020. Ceapadh an scéim chun cabhrú le gnóthaí a raibh tionchar ag COVID-19 orthu, Táirgeoirí tosaigh ina measc, chun teacht ar chreidmheas. Feidhmíonn an scéim trí ráthaíocht 80% a sholáthar do sholáthraithe maoinithe rannpháirteacha ar iasachtaí cáilitheacha do FBManna.

Tá an Scéim ar fáil trí sholáthraithe éagsúla, lena n-áirítear bainc, soláthraithe maoinithe neamhbhainc agus Comhair Chreidmheasa.

Cé atá i dteideal iarratas a dhéanamh?

D'fhonn a bheith incháilithe, ní mór do mhicrifhiontair, FBManna, Táirgeoirí tosaigh agus Cuideachtaí Meánchaipitlithe beaga na critéir seo a leanas a chomhlíonadh:

- ✓ A bheith i mbun gníomhaíochta tráchtála;
- ✓ A bheith faoi thionchar COVID-19;
- ✓ A bheith ina thrádálal aonair, comhpháirtíocht, saincheadúnas, comharchumann nó cuideachta theoranta;
- ✓ I dtuairim an iasachtóra, togra gnó inmharthana a bheith aige;
- ✓ In ann an tsaoráid a aisíoc.

Príomhghnéithe na scéime

- Saoráidí idir €10,000 agus €1m;
- Príomh bhliantúil (anuas ar an ráta úis/táille a ghearrann an soláthraí maoinithe);
- Téarma suas le 5.5 bliain;
- Iasachtaí Téarma, Iasachtaí Éileamh, Cistiú Sonrasc, Léasú.

Bíonn faomhadh na n-iasachtaí faoi réir bheartais agus nósanna imeachta creidmheasa na soláthraithe maoinithe féin.

Margaíocht agus Cur Chun Cinn

Tá SBCI ag leanúint lena bhranda a thógáil mar thacaíocht iontaofa in ollstruchtúr airgeadais mhargadh creidmheasa na hÉireann. Is é príomhdhúshlán SBCI sa réimse seo feasacht a ardú faoin ról atá aige i soláthar a tháirgí do FBManna ar fud na hÉireann trí chomhpháirtithe iasachtaithe ar aghaidh. Féachann SBCI lena chinntiú go sroicheann a theachtaireacht raon leathan páirtithe, idir FBManna aonair agus a gcomhairleoirí agus tionscail agus chomhlachtaí Stáit. Dhírigh an obair go dtí seo ar bhranda a chruthú atá éasca a aithint, atá ábhartha do chroí-lucht spéise SBCI agus a bhfuil tionchar aige i dtimpeallacht bhranda phlódaithe.

Tá feachtas feasachta poiblí ar bun chun SBCI a mhargú agus cuimsítear ann feachtas margaíochta agus cur chun cinn, lena n-áirítear freastal ar thaispeántais trádála, comhdhálacha agus imeachtaí gnó agus feachtas sna meáin. Cuireadh na himeachtaí ar bun ar líne in 2020 agus d'fhreastail SBCI ar os cionn 40 seimineár gréasáin ag plé le FBManna agus a gcomhairleoirí. Lean feachtas meán 2020 leis an mbéim ar chainéil meán sóisialta SBCI a fhorbairt agus ar chur chun cinn a tháirgí trí chás-staidéir FBM agus mínithe scéime. Baineann SBCI úsáid as Twitter, LinkedIn agus in 2019 d'oscail sé a chainéal YouTube féin chun a aimsiú lucht féachana a mhéadú oiread agus ab fhéidir dá fheachtais sna meáin shóisialta (fuair cainéal YouTube SBCI os cionn milliún amharc i mí Aibreáin 2020).

Taifeadann Suirbhé Éileamh Creidmheasa na Roinne Airgeadais (Aibreán–Meán Fómhair 2020) feasacht ar SBCI ag 46% i measc FBManna a bhí rannpháirteach sa suirbhé, méadú 15% ar fhigiúr 2019².

² Feasacht de réir méid FBM: Micrifhiontair 36%, Fiontair Bheaga 49% agus Fiontair Mheánmhéide 60%.

Rannpháirtíocht Páirtithe Leasmhara agus Piaráí

Tá rannpháirtíocht páirtithe leasmhara tábhachtach chun a chinntiú go bhfuil gníomhaíochtaí SBCI ag teacht le beartas an rialtais agus go bhfreastalaíonn siad ar riachtanais mhaoinithe FBManna. Déanann SBCI é sin trí rannpháirtíocht agus comhoibriú rialta agus éifeachtach leis na páirtithe leasmhara go léir, lena n-áirítear FBManna, comhlachtaí ionadaíochta, comhairleoirí FBManna (e.g. ISME, SFA, IFA, etc.), ranna agus gníomhaireachtaí rialtais, iasachtóirí ar aghaidh agus maoinitheoirí/ráthóirí ar an leibhéal náisiúnta agus ar leibhéal an Aontais Eorpaigh. I rith 2020, mhéadaigh SBCI a rannpháirtíocht le FBManna trína phróiseas incháilitheachta díri do Scéim Iasachta an Bhreitheachta, Scéim Iasachta Caipitil Oibre COVID-19 agus an Scéim Iasachta d'Fhás sa Todhchaí. Tá Bainc/Institiúidí Náisiúnta le haghaidh Spreagadh nó Forbartha ar fud na hEorpa chun aghaidh a thabhairt ar theipeanna aitheanta sa mhargadh áitiúil nó réigiúnach. Cé go bhféadfadh a sainorduithe faoi seach a bheith éagsúil, ag brath ar thosaíocht dlínse, tá cuspóir comónta acu, rud a spreag cruthú grúpaí líonra láidre nó comhlachais a bhfuil béim shonrach margaidh acu. Tá SBCI ina chomhalta de NEFI (Líonra Institiúidí Airgeadais Eorpacha do FBManna), ELTIA (Cumann Infheisteoirí Fadtéarmacha na hEorpa) agus AECM (Cumann Eorpach na gCumann Ráthaíochta) agus ina rannpháirtí gníomhach i roinnt meithleacha EEFIG (Grúpa Institiúidí Airgeadais um Éifeachtúlacht Fuinnimh). Soláthraíonn na fóraim sin tacaíocht agus taithí do SBCI ó mhargaí eile, rud a bhíonn fíorluachmhar i bhforbairt a róil mar sholáthraí idirghabhálacha creidmheasa tábhachtacha i margadh na hÉireann. Soláthraíonn SBCI, mar institiúid náisiúnta le haghaidh spreagadh, bealach áitiúil do mhargadh na hÉireann chuig tionscnaimh mhaoinithe an Aontais Eorpaigh.

Forléargas ar an Margadh

Bhí dúshlán agus éiginnteacht nach bhfacthas riamh cheana le sárú ag FBManna na hÉireann i rith 2020 mar gheall ar phaindéim COVID-19 agus éifeachtaí na ndianghlasálacha, na mbeart scartha shóisialta agus na ndúntaí éigeantacha ina dhiaidh sin. Chuir an Breatimeacht agus an easpa comhaontaithe idir an tAontas Eorpach agus an Ríocht Aontaithe le héiginnteacht FBManna i rith na bliana. Léiríonn na príomhfhiigiúirí thíos na dúshlán a bhí le sárú ag FBManna i gcaitheamh 2020.

Léiríonn an margadh lucht saothair an tionchar a bhí ag COVID-19 ar gheilleagar na hÉireann. Léiríonn figiúirí na Príomh-Oifige Staidrimh go raibh ráta dífhostaíochta coigeartaithe COVID-19 le haghaidh mhí na Nollag 2020 ag 20.4% do gach duine, lena n-áirítear iad siúd ar an lócaíocht Dífhostaíochta Phaindéime³. Luainigh ráta dífhostaíochta coigeartaithe COVID-19 i gcaitheamh 2020, leis an mbuaic 30% sa dara ráithe de 2020.

Dá ainneoin sin, léiríonn an Phríomh-Oifig Staidrimh go meastar anois gur fhás an olltáirgeacht intíre 3.4% don bhliain 2020⁴. Cuirtear é sin i leith fheidhmíocht na bhfiontar ilnáisiúnta iasachta atá lonnaithe in Éirinn den chuid is mó. Is beag tionchar a bhí ag COVID-19 ar na hearnálacha cógaisíochta agus TF. Léiríonn figiúirí tosaigh na Príomh-Oifige Staidrimh le haghaidh 2020 go raibh luach €161 billiún ar onnmhairí earraí in 2020, méadú €8 mbilliún (+5%) i gcomparáid le 2019⁵. Tá geilleagar intíre na hÉireann ag cúlú, le fás diúltach -5.4% measta in 2020 (Éileamh Intíre Modhnaithe)⁶.

3 An Phríomh-Oifig Staidrimh (2021), Dífhostaíocht Mhíosúil, Nollaig 2020.

4 An Phríomh-Oifig Staidrimh (2021), Cuntais Náisiúnta Ráithiúla, Ráithe 4 2020.

5 An Phríomh-Oifig Staidrimh (2021), Onnmhairí agus Allmhairí Earraí, Nollaig 2020.

6 An Phríomh-Oifig Staidrimh (2021), Cuntais Náisiúnta Ráithiúla, Ráithe 4 2020.

Thuiriscigh an Roinn Airgeadais méadú suntasach ar fhéichiúnas poiblí in Éirinn⁷. Meastar gur mhéadaigh fiacha i gcomparáid le hollioncam náisiúnta* 108% in 2020 (€219 billiún). Léiríonn sonraí Bhanc Ceannais na hÉireann go raibh an t-iasachtú comhlán iomlán nua do FBManna le haghaidh earnálacha neamhairgeadais, neamh-eastáit réadaigh i rith na bliana go dtí an tríú ráithe de 2020 ag €4.4 billiún. Léiríonn sé sin an méid is lú iasachtaí a soláthraíodh ó lár 2016⁸. Ar bhonn bliantúil, laghdaigh na hiasachtaí gan íoc €1.8 billiún (↓ 4.6%)⁹. Amhail mí na Nollag 2020, tá taiscí ó chontrapháirtithe neamhairgeadais ag €73 billiún (↑ 18.5%).

Chuir an cúigiú cuid de gach FBM in Éirinn isteach ar iasacht sna sé mhí go mí Mheán Fómhair 2020¹⁰. D'éirigh le 55% de na hiarratais ar iasacht a rinne FBManna in Éirinn (is é 69% meán an Aontais Eorpaigh), agus bhí an ráta diúltaithe ag 11% (is é 5% meán an Aontais Eorpaigh). Níor bhraith ach 8% de FBManna na hÉireann go raibh fáil ar mhaoiniú ar an dúshlán is tábhachtaí a bhí acu. Tá sé sin cosúil go maith leis an bhfigiúr do FBManna limistéar an euro (10%). Tugtar le fios in Survey on the Access to Finance of Enterprise (SAFE) de chuid an Bhainc Ceannais Eorpaigh go bhfuil custaiméirí a aimsiú (22%) ar an bpríomhfhadhb a bhíonn le sárú ag FBManna fós, le infhaighteacht lucht saothair oilte ina dhiaidh sin (19%).

Aithníonn SBCI feidhmíocht dhearfach FBManna agus an úsáid leanúnach a bhaineann siad as maoiniú inmheánach. Dar le European Investment Bank Investment Survey 2020, cuimsíonn cistí inmheánacha 73% d'infheistíochtaí ghnólachtaí na hÉireann, a thagann le torthaí na hÉireann in 2019 (75%) agus atá os cionn mheán an Aontais Eorpaigh (62%)¹¹.

Dúirt 31% de ghnólachtaí na hÉireann go raibh siad sásta cistí inmheánacha a úsáid le haghaidh infheistíochta nó nach raibh aon ghá acu le maoiniú seachtrach. Tá sé sin fós níos airde ná meán an Aontais Eorpaigh (17%). Luaitear sa suirbhé freisin, i gcás ghnólachtaí Éireannacha, go bhfuil iasachtaí bainc (37%) agus léasú/fruilcheannach (37%) ar an dá chineál maoinithe sheachtraigh is coitianta a úsáidtear le haghaidh gníomhaíochtaí infheistíochta. Tá sé sin difriúil le meán an Aontais Eorpaigh, ina gcuimsíonn iasachtaí bainc 59% agus léasú/fruilcheannach 21% de tháirgí maoinithe sheachtraigh. Creideann SBCI go bhféadfadh maoiniú leanúnach infheistíochtaí fadtéarmacha ó mhaoiniú inmheánach nó gearrthéarmach riosca a chruthú go mbeadh bearna i leibhéil infheistíochta gnó níos fadtéarmaí. Tugadh isteach an Scéim Iasachta d'Fhás sa Todhchaí chun aghaidh a thabhairt ar an riosca sin atá ag teacht chun cinn.

Tá rátaí úis FBManna na hÉireann níos airde ná meáin limistéar an euro. Bhí an meánráta úis le haghaidh iasachtaí contrapháirtithe neamhairgeadais faoi bhun €250,000 ag 4.84% i mí na Nollag 2020 (is é 1.99% meán limistéar an euro)¹². Tá SBCI tiomanta do chinntiú go mbíonn rátaí úis iomaíocha ar fáil do FBManna in Éirinn.

Luann an Banc Eorpach Infheistíochta go raibh, roimh COVID-19, níos lú ná 20% de FBManna na hEorpa an-digitithe, i gcomparáid le beagnach 50% de na corparáidí móra. Tá glacadh na dteicneolaíochtaí digiteacha i measc ghnólachtaí an Aontais Eorpaigh ag fás anois, agus cabhróidh sé sin le FBManna teacht ar ais i ndiaidh COVID-19¹³.

7 An Roinn Airgeadais (2021), Annual Report on Public Debt in Ireland 2020.

8 Banc Ceannais na hÉireann (2019), Statistical Release: Trends in SME and Large Enterprise Credit and Deposits: Q3 2020.

9 Banc Ceannais na hÉireann (2021), Money and Banking Statistics: December 2020.

10 An Banc Ceannais Eorpach (2020), Survey on the Access to Finance of Enterprises (SAFE) in the Euro Area: April to September 2020.

11 An Banc Ceannais Eorpach (2020), European Investment Bank Investment Survey 2020.

12 Banc Ceannais na hÉireann (2021), Retail Interest Rates: December 2020.

13 An Banc Ceannais Eorpach (2021), Investment Report 2020/2021.

RIALACHAS AGUS FAISNÉIS CHORPARÁIDEACH

Stiúrthóirí



BARBARA COTTER
An Cathaoirleach

(Athcheaptha an 12 Márta 2019 ar feadh téarma cúig bliana) Comhalta den Choiste Luach Saothair

Bhí Barbara Cotter ina comhpháirtí ag A&L Goodbody, sa Roinn Baincéireachta agus Seirbhísí Airgeadais ar feadh breis agus fiche bliain. Is stiúrthóir neamhfheidhmiúcháin anois í ar chuideachtaí éagsúla, agus ball de phainéil/bhinsí éagsúla. Is céimí de chuid an Choláiste Ollscoile, Baile Átha Cliath í.



IAN BLACK
Comhalta Boird

(An Príomhoifigeach Feidhmiúcháin Eatramhach agus comhalta ex officio) Comhalta den Choiste Creidmheasa

Is é Ian Black Príomhoifigeach Feidhmiúcháin Eatramhach SBCI ó mhí Feabhra 2021. Thosaigh Ian le GBCN in 2013 mar an Stiúrthóir Airgeadais, Teicneolaíochta agus Riosca. Sular thosaigh sé le GBCN, bhí sé ina Stiúrthóir Feidhmiúcháin (Príomhoifigeach Airgeadais/ Príomhoifigeach Oibriúcháin) le KBC Bank Ireland agus é freagrach as Airgeadas, Oibríochtaí & TF, agus Bainistíocht Sócmhainní agus Dlíteanas Cisteáin. Tá sé ag obair i dtionscal na seirbhísí airgeadais ó 1988. Is Cuntasóir Cairte é, agus tá sé ina chomhalta de Chumann Cisteoirí Corparáideacha na Ríochta Aontaithe agus de Irish Tax Institute, agus tá MBA aige ó Ollscoil Chathair Bhaile Átha Cliath.



EOIN DORGAN
Comhalta Boird

(Ceaptha an 6 Meán Fómhair 2018 ar feadh téarma cúig bliana) Comhalta den Choiste Creidmheasa

Stiúrann Eoin Dorgan Rannán an Ghrúpa Euro sa Roinn Airgeadais, a thacaíonn leis an Aire Airgeadais ina ról mar Uachtarán an Ghrúpa Euro. Roimhe seo, d'fhóin sé i Rannóg Baincéireachta na Roinne, mar Chomhairleoir Speisialta don Aire Airgeadais agus mar Phreasoifigeach don Aire agus don Roinn Airgeadais. Is céimí de chuid an Choláiste Ollscoile, Baile Átha Cliath agus Choláiste na Tríonóide, Baile Átha Cliath é.



TOM MCALEESE
Comhalta Boird

(Athcheaptha an 12 Márta 2019 ar feadh téarma cúig bliana) Comhalta den Choiste Iniúcháireachta agus Riosca

Tá Tom McAleese ina Stiúrthóir Bainistíochta ar Alvarez & Marsal Europe agus ina Cheannasaí ar an gcleachtas um Athstruchtúrú Baine san Eoraip. Tá taithí breis agus 25 bliain aige i seirbhísí airgeadais. Sula ndeachaigh sé le Alvarez & Marsal, bhí sé ina Stiúrthóir Bainistíochta ag Barclays Bank Ireland plc. D'oibrigh sé roimhe seo le ABN AMRO Bank i bpoist éagsúla agus le GPA Group plc agus KPMG chomh maith. Tá Tom ina Ánra d'Institiúid na gCuntasóirí Cairte, ina Ánra d'Institiúid na mBaincírí agus ina Chomhalta d'Institiúid na gCuntasóirí Poiblí Deimhnithe. Bhí Tom ina Uachtarán ar Alumni Gnó Choláiste na Tríonóide agus ina stiúrthóir agus ina chathaoirleach iniúchta ar Chumann Tráchtála Bhaile Átha Cliath.



MARGUERITE MCMAHON
Comhalta Boird

(Ceaptha an 17 Iúil 2020 ar feadh téarma cúig bliana) Comhalta den Choiste Creidmheasa

Is stiúrthóir neamhfheidhmiúcháin í Marguerite McMahon ar SME Wholesale Finance (Funding London) London. Bhain níos mó ná leath a gairme gairmiúla de bhreis agus 30 bliain sa Bhanc Eorpach Infheistíochta sa Róimh, i Maidrid agus i Lucsamburg, le gnéithe difriúla d'iasachtú idirghafa do FBManna, i margáí na Spáinne agus na hIodáile go príomha, agus i Málta, an tSlóivéin agus an Chróit ar bhonn níos lú. Anuas air sin, tá taithí fhorleathan aici ar airgeadas san earnáil phoiblí agus phríobháideach, maoiniú struchtúrtha lena n-áirítear PPPanna, an earnáil bhaincéireachta agus nuálaíocht maoinithe agus éifeachtúlacht fuinnimh. Sular oibrigh sí leis an mBanc Eorpach Infheistíochta, b'anailísí creidmheasa í i Londain. Is céimí í Marguerite de chuid an Choláiste Ollscoile, Baile Átha Cliath, ESADE Scoil Ghnó Barcelona, agus Scoil Eacnamaíochta London.



AJ NOONAN
Comhalta Boird

(Athcheaptha an 12 Márta 2019 ar feadh téarma cúig bliana) Comhalta den Choiste Iniúcháireachta agus Riosca agus Cathaoirleach an Choiste Luach Saothair

Tá AJ Noonan ina bhunaitheoir agus ina Stiúrthóir Bainistíochta ar Rhonellen Developments. Roimhe seo bhí sé ina bhunaitheoir agus ina Stiúrthóir Bainistíochta ar Noonan Recruitment and Professional Placement Group. Bhí AJ ina Chathaoirleach ar Chumann na nGnólachtaí Beaga ó 2013 go 2016 agus tá sé fós ina chomhalta den Chomhairle Náisiúnta. Is céimí de chuid Institiúid Teicneolaíochta Bhaile Átha Cliath é.



CONOR O'KELLY
Comhalta Boird

(Athcheaptha an 12 Márta 2021 ar feadh téarma dhá bhliain) Comhalta den Choiste Luach Saothair

Is é Conor O'Kelly Príomhfheidhmeannach GBCN. Bhí sé ina Leaschathaoirleach é ar Investec Holdings (Ireland) Ltd. Roimhe sin, bhí sé ina Phríomhfheidhmeannach ar NCB Group a fuair Investec plc ina dhiaidh sin. Sula ndeachaigh sé le NCB mar Cheannasaí Ioncaim Sheasta, chaith sé 11 bhliain le Barclays Capital, áit a raibh roinnt poist ardbhainistíochta aige.



RICHARD PELLY
Comhalta Boird

(Athcheaptha an 12 Márta 2020 ar feadh téarma cúig bliana) Cathaoirleach an Choiste Creidmheasa

Bhí Richard Pelly ina Phríomhfheidhmeannach ar an gCiste Eorpach Infheistíochta. Roimhe seo bhí sé ina chomhalta d'fhoireann bainistíochta GE Capital European agus ina Stiúrthóir Bainistíochta ag Lloyds TSB. Is céimí de chuid Ollscoil Durham é agus tá sé ina chomhalta d'Institiúid na mBaincéirí.



EILIS QUINLAN
Comhalta Boird

(Athcheaptha an 12 Márta 2020 ar feadh téarma cúig bliana) Comhalta den Choiste Iniúcháireachta agus Riosca

Is ceann feadhna í Eilis Quinlan in Quinlan & Co. Accountants, ána de ACCA agus tá sí ina Stiúrthóir Cairte. Fónann sí faoi láthair mar Stiúrthóir ar Chumann Fiontar Beag agus Meánmhéide na hÉireann agus roimhe seo bhí sí ina Cathaoirleach. Ó 2011 i leith, tá Eilis ina ionadaí ar Éirinn ar Fhóram Domhanda Chumann na gCuntasóirí Deimhniithe Cairte do FBManna. Déanann sí ionadaíocht freisin ar an ACCA ar FEE, Cónaidhm na gCuntasóirí Eorpacha sa Bhruiséil. Is céimí í Eilis de chuid Coláiste Uí Ghríofa, Baile Átha Cliath, agus Ána de ACCA.

Ráiteas Rialachais agus Tuarascáil na gComhaltaí Boird

Rialachas

Ionchorpraíodh SBCI de bhun an Achta um Chorporáid Baincéireachta Straitéiseach na hÉireann 2014 ('Acht SBCI 2014') i mí Mheán Fómhair 2014, agus i mí Iúil 2016 tiontaíodh é go Cuideachta Gníomhaíochta Ainmnithe faoi Acht na gCuideachtaí, 2014. Leagtar amach feidhmeanna SBCI in alt 8 d'Acht SBCI 2014. Tá an Bord cuntasach don Aire Airgeadais. Tá an Bord freagrach as dea-rialachas a chinntiú agus déanann sé an tasc sin trí chuspóirí agus spriocanna straitéiseacha a leagan síos agus cinntí straitéiseacha a ghlacadh maidir leis na príomhcheisteanna gnó go léir. Tá an Príomhoifigeach Feidhmiúcháin agus an fhoireann ardbhainistíochta freagrach as bainistíocht, rialú agus stiúradh SBCI ó lá go lá. Caithfidh an Príomhoifigeach Feidhmiúcháin agus an fhoireann ardbhainistíochta an treo straitéiseach leathan a shocraíonn an Bord a leanúint, agus caithfidh siad a chinntiú go bhfuil tuiscint shoiléir ag comhaltaí uile an Bhoird ar na príomhghníomhaíochtaí agus príomhchinntí a bhaineann leis an eintiteas, agus ar aon rioscaí suntasacha ar dóigh go dtarlódh siad. Feidhmíonn an Príomhoifigeach Feidhmiúcháin mar idirghabhálaí díreach idir an Bord agus lucht bainistíochta SBCI.

Freagrachtaí an Bhoird

Leagtar amach feidhmeanna SBCI in alt 8 d'Acht SBCI 2014. Tá sceideal foirmiúil ann de nithe atá le forchoimeád lena gcinneadh ag an mBord. Áirítear leo sin:

- Tuarascáil Bhliantúil agus Ráitis Airgeadais
- Beartas agus Creat Bainistíochta Riosca
- Ráiteas Inghlathachta Riosca
- Plean Straitéiseach
- Buiséad
- Saoráidí maoinithe
- Tograí Creidmheasa agus Comhroinnte Riosca
- Ceapadh agus téarmaí agus coinníollacha an Phríomhoifigigh Feidhmiúcháin (tar éis dul i gcomhairle leis an Aire)
- Beartas luach saothair foriomlán

Ceanglaítear ar SBCI le hAcht SBCI 2014 ráitis airgeadais a ullmhú i leith a oibríochtaí le haghaidh gach bliana airgeadais. Ullmhaítear na ráitis airgeadais de réir FRS 102, an Caighdeán Tuairiscithe Airgeadais is infheidhme sa Ríocht Aontaithe agus i bPoblacht na hÉireann agus de réir Acht na gCuideachtaí, 2014.

Agus na ráitis airgeadais seo á n-ullmhú, éilítear ar Bhord SBCI:

- Beartais oiriúnacha chuntasaíochta a roghnú agus iad a chur i bhfeidhm go seasta,
- Breithiúnais agus meastacháin a dhéanamh atá réasúnach agus ciallmhar,
- Na ráitis airgeadais a ullmhú ar bhonn an ghnóthais leantaigh, ach amháin i gcás nach cuí sin, agus
- Aon imeacht ábhartha ó na caighdeáin chuntasaíochta is infheidhme a nochtadh agus a mhíniú.

Tá an Bord freagrach as a chinntiú go gcoimeádann SBCI, nó go socraíonn sé go gcoimeádtar, taifid imleora chuntasaíochta a mhíníonn agus a thaifeadann i gceart idirbhearta na Cuideachta, a chuireann ar a chumas gur féidir ag am ar bith sócmhainní, dlíteanais, staid airgeadais agus brabús nó cailleanas na Cuideachta a chinneadh le cruinneas réasúnta, a chuireann ar a chumas a chinntiú go gcomhlíonann na Ráitis Airgeadais agus Tuarascáil na Stiúrthóirí Acht na gCuideachtaí, 2014 agus a chuireann ar a chumas na ráitis airgeadais a iniúchadh.

Tá an Bord freagrach as buiséad ioncaim agus caiteachais agus straitéis chorporáideach SBCI a fhaomhadh. Déanann an Bord athbhreithniú ar réamhaisnéisí i gcoinne buiséid agus spriocanna i rith na bliana agus déantar athbhreithniú ar thorthaí ag deireadh na bliana. Tá an Bord freagrach freisin as a shócmhainní a chosaint agus dá bhrí sin as céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Measann an Bord go dtugann ráitis airgeadais SBCI léargas fírinneach cóir ar fheidhmíocht airgeadais agus ar staid airgeadais SBCI amhail an 31 Nollaig 2020.

Struchtúr an Bhoird

Foráiltear i mBunreacht SBCI go mbeidh beirt stiúrthóirí ar a laghad agus naonúr stiúrthóirí ar a mhéad ar an mBord, agus an Príomhoifigeach Feidhmiúcháin ar dhuine acu mar chomhalta ex-officio den Bhord. Cheap an tAire na chéad stiúrthóirí ar fhoirmiú agus ar chlárú SBCI. Féadfaidh an Bord stiúrthóirí ina dhiaidh sin a cheapadh ar ainmniúchán an Aire agus cuirfidh sé téarmaí ainmniúcháin an Aire i bhfeidhm. Ceapann an tAire an Cathaoirleach. Ní rachaidh téarma oifige stiúrthóra thar chúig bliana. Tá sonraí na stiúrthóirí reatha agus a dtréimhsí ceapacháin leagtha amach ar leathanaigh 22 go 24.

Déanann an Bord meastóireacht bhliantúil ar a fheidhmíocht féin agus ar fheidhmíocht a Choistí. In 2020, 2019, 2017 agus 2016 rinneadh an próiseas meastóireachta feidhmíochta sin go himmheánach. In 2021, mar a tharla in 2018, déanfar próiseas meastóireachta feidhmíochta an Bhoird go seachtrach. Déantar sin de réir an cheanglais faoi Fhoráil 4.6

den Chód Cleachtais chun Comhlachtaí Stáit a Rialú maidir leis an meastóireacht a dhéanamh go seachtrach gach trí bliana.

Bhunaigh an Bord trí choiste chun cabhrú leis a fhreagrachtaí a chomhlíonadh, agus tá téarmaí tagartha foirmiúla ag gach ceann díobh:

- An Coiste Iniúcháireachta agus Riosca
- An Coiste Creidmheasa
- An Coiste Luach Saothair

Tá tuilleadh eolais faoi choistí an Bhoird i dTuarascálacha na gCoistí ar leathanach 30.

Faigheann an Bord tacaíocht maidir lena fheidhmeanna ó Rúnaí an Bhoird a chomhordaíonn oibríochtaí choistí éagsúla an Bhoird chomh maith.



Sceideal Freastail, Táillí agus Speansais

Tugtar sceideal freastail ag na cruinnithe Boird agus Coiste le haghaidh 2020 thíos, chomh maith leis na táillí agus speansais a fuair gach comhalta mar chomhalta Boird nó Coiste.

Ní fhaigheann Príomhoifigeach Feidhmiúcháin GBCN, Conor O'Kelly, Príomhoifigeach Feidhmiúcháin SBCI, Nick Ashmore, ná oifigeach na Roinne Airgeadais, Eoin Dorgan, aon luach saothair maidir lena mballraíocht ar an mBord. Ní fhaigheann comhaltaí foirne aon luach saothair breise maidir le ballraíocht ar choistí.

	An Bord	An Coiste Iniúcháireachta agus Riosca	An Coiste Creidmheasa	An Coiste Luach Saothair	Táillí 2020 €	Speansais 2020 €
Líon Cruinnithe	11	5	5	2		
Nick Ashmore	11		5			
Barbara Cotter	11				€31,500	-
Eoin Dorgan	11		5		-	-
Tom McAleese	11	5			€15,750	-
Rosheen McGuckian	1/1(f)			1/1(f)	€3,162	-
AJ Noonan	11	5		2	€15,750	-
Conor O'Kelly	11			2	-	-
Richard Pelly	11		5		€15,750	€232
Eilis Quinlan	11	5			€15,750	-
Comhaltaí Foirne	3/3(f)		3/3(f)		€7,183	
Staff Members						
Ray Mangan			4		-	-

Tagraíonn (f) do líon na gcruinnithe a bhféadfaí freastal orthu de bharr na ndátaí ceapacháin

TUARASCÁIL BHLIANTÚIL & RÁITIS AIRGEADAIS SBCI – Rialachas ar lean

Athruithe ar an bPríomhphearsanra

Athcheapadh Eilis Quinlan agus Richard Pelly ar an mBord le héifeacht ón 12 Márta 2020. D'éirigh Rosheen McGuckian as mar Stiúrthóir le héifeacht ón 11 Márta 2020 agus tháinig Marguerite McMahon ina háit le héifeacht ón 17 Iúil 2020.

D'éirigh Nick Ashmore as mar Phríomhoifigeach Feidhmiúcháin le héifeacht ón 15 Feabhra 2021. Ceapadh Ian Black mar Phríomhoifigeach Feidhmiúcháin eatramhach, fad atá próiseas earcaíochta ar bun chun Príomhoifigeach Feidhmiúcháin buan a aimsiú.

Luach Saothair

Foráiltear le hAcht SBCI 2014 go sannfaidh GBCN an oiread sin dá fhoireann do SBCI de réir mar a chinneann SBCI a bheith riachtanach chun a fheidhmeanna a chomhlíonadh. Dá bhrí sin, is fostaithe de chuid GBCN iad comhaltaí foirne uile SBCI.

Tá samhail luach saothair GBCN bunaithe ar chonarthaí fostaíochta rúnda, a rinneadh a idirbheartú ceann ar cheann, le luach saothair iomaíoch atá ailínithe leis an margadh. Sa ghnáthphacáiste luach saothair, cuimsítear tuarastal ar bhonn seasta, teidlíocht phinsin agus soláthar do phá lánroghnach a bhaineann le feidhmíocht

Tá íocaíochtaí lánroghnacha a bhaineann le feidhmíocht ceaptha luach saothair a thabhairt d'fheidhmíocht eisceachtúil agus aird ar fheidhmíocht an fhostaí féin, feidhmíocht réimse freagrachta an fhostaí, agus feidhmíocht fhoriomlán SBCI. Déantar íocaíochtaí a bhaineann le feidhmíocht de réir na bparaiméadar a fhaomhann an Bord ar mholadh an Choiste Luach Saothair. Bíonn méid foriomlán na n-íocaíochtaí a bhaineann le feidhmíocht a dhéantar i leith bliain ar bith faoi réir fhaomhadh an Bhoird freisin. Ní dhearna SBCI íocaíochtaí a bhaineann le feidhmíocht in 2020.

Miondealú ar Shochair Ghearrthéarmacha Fostaithe

Cuirtear sochair ghearrthéarmacha fostaithe arbh fhiú níos mó ná €50,000 iad in 2020 i gcatagóirí de réir na mbandaí seo a leanas:

Raon	Líon Fostaithe
€50,001 go €75,000	7
€75,001 go €100,000	5
€100,001 go €125,000	2
€125,001 go €150,000	0
€150,001 go €175,000	4
€175,001 go €200,000	0
€200,001 go €225,000	0
€225,001 go €250,000	0
€250,001 go €275,000	1
Iomlán	19

Tabhair faoi deara: Chun críocha an nochtá seo, áirítear le sochair ghearrthéarmacha fostaithe a tugadh i rith 2020 tuarastal, sochair inchánach eile a íocadh le fostaithe (lena n-áirítear íocaíochtaí a bhaineann le feidhmíocht), agus íocaíochtaí eile a rinneadh thar ceann fostaithe, ach gan ÁSPC an fhostóra san áireamh.

Nochtadh a Éilítear faoin gCód Cleachtais chun Comhlachtaí Stáit a Rialú (2016)

Tá an Bord freagrach as a chinntiú gur chomhlíon SBCI ceanglais an Chóid Cleachtais chun Comhlachtaí Stáit a Rialú ("an Cód"), mar a d'fhoilsigh an Roinn Caiteachais Phoiblí agus Athchóirithe é i mí Lúnasa 2016. Éilítear an nochtadh seo a leanas de réir an Chóid.

Costais Sainchomhairleoireachta

Áirítear leis na costais sainchomhairleoireachta costas comhairle seachtraí don lucht bainistíochta agus ní áirítear leo feidhmeanna seachfhoinsithe na gnáthoibre.

	2020 €000	2019 €000
Comhairle dhlí	981	309
Comhairle airgeadais	590	298
Caidreamh poiblí/margaíocht	110	107
Acmhainní Daonna	0	16
Eile	169	1
Costais sainchomhairleoireachta iomlána	1,850	731
Costais sainchomhairleoireachta chaipitlithe	0	0
Costais sainchomhairleoireachta a cuireadh ar an Ráiteas ar Ioncam Cuimsitheach	1,850	731
Costais sainchomhairleoireachta iomlána	1,850	731

Costais Dlí agus Socruithe

B'ionann an caiteachas a tabhaíodh in 2020 maidir le costais dlí agus socruithe agus 0.

Caiteachas Taistil agus Cothabhála

Déantar catagóirí ar chaiteachas taistil agus cothabhála mar seo a leanas:

	2020 €000	2019 €000
Intíre		
- Bord	0	0
- Fostaithe	11	18
Idirnáisiúnta		
- Bord	0	1
- Fostaithe	10	15
Iomlán	21	34

Caiteachas Fáilteachais

Áirítear €2.6k sa Ráiteas ar Ioncam Cuimsitheach maidir le caiteachas fáilteachais foirne in 2020 (2019: €4.7k).

An Ráiteas ar Chomhlíonadh

Chomhlíon SBCI an Cód Cleachtais chun Comhlachtaí Stáit a Rialú, mar a d'fhoilsigh an Roinn Caiteachais Phoiblí agus Athchóirithe é, le líon teoranta oiriúnuithe/athruithe a comhaontaíodh leis an Roinn Airgeadais mar a achoimrítear thíos:

Nithe atá Forchoimeádta lena gCinneadh ag an mBord

Leagtar amach sa Chód sceideal foirmiúil ann de nithe atá le forchoimeád lena gcinneadh ag an mBord go sonrach. Seachas "leasuithe suntasacha ar shochair phinsin an Phríomhfheidhmeannaigh agus na foirne" atá ina ábhar do Bhord GBCN toisc gur fostaithe de chuid GBCN iad comhaltaí foirne uile SBCI agus go bhfuil siad ina mbail de scéim aoisliúntais GBCN, áirítear na míreanna seo a leanas i Sceideal na Nithe Forchoimeádta a leagtar amach sa Chód. Tá roinnt difríochtaí san fhoclaíocht i dtaobh na míreanna ar éadail agus diúscairt shuntasach sócmhainní agus infheistíochtaí móra agus tionscadal caipitil chun nádúr ghnó SBCI a léiriú (saoráidí maoinithe a fháil agus a dheonú).

Neamhchomhlíonadh Oibleagáidí Reachtúla

I bhfianaise an raon leathan oibleagáidí reachtúla ábhartha a bhfuil SBCI faoina réir, moltar aghaidh a thabhairt ar an gceanglas go dtabharfadh an Cathaoirleach teagmhais neamhchomhlíonta i gcás aon oibleagáidí reachtúla ar aird an Aire i gcásanna ábhartha neamhchomhlíonta amháin.

Caidreamh leis an Oireachtas, leis an Aire agus leis an Máthair-roinn

Maidir leis na forálacha sin de Chuid 8 den Chód a phléann le héadail nó diúscairt sócmhainní, breithmheas infheistíochta caipitil, bunú nó éadail fochuideachtaí, rannpháirtíocht i gcomhfhiontair agus éadail scaireanna, níl feidhm acu maidir le gníomhaíochtaí gnó SBCI mar a leagtar amach in Acht SBCI 2014 agus i mBunreacht SBCI. Leagtar amach gníomhaíochtaí sonracha i mBunreacht SBCI a bhfuil toiliú aireachta ag teastáil ina leith.

An Cód Caiteachais Phoiblí

Is dóigh go mbeidh an Cód Caiteachais Phoiblí teoranta maidir lena bhaint le SBCI toisc gurb iad a phríomhghníomhaíochtaí cistiú a fhoinsiú, agus maoiniú fadtéarmach, ar chostas íseal a sholáthar d'institiúidí iasachtaithe ar aghaidh lena dháileadh trí chreidmheas a sholáthar d'iasachtaithe FBM agus saoráidí comhroinnte riosca a leathnú. Má bhíonn, agus nuair a bheidh, SBCI ag plé le tionscadail chaipitil nó cláir nua caiteachais reatha, comhlíonfaidh sé forálacha ábhartha an Chóid Caiteachais Phoiblí.

Luach Saothair agus Aoisliúntas

Foráiltear le hAcht SBCI 2014 go sannfaidh GBCN an oiread sin dá fhoireann do SBCI de réir mar a chinneann SBCI a bheith riachtanach chun a fheidhmeanna a chomhlíonadh. Dá bhrí sin, is fostaithe de chuid GBCN iad comhaltaí foirne uile SBCI.

Faomhann Príomhfheidhmeannach GBCN, a dhéanann ionadaíocht ar GBCN mar fhostóir, cúrsaí luach saothair maidir le fostaithe GBCN a shanntar do SBCI de réir critéar agus socrúithe maoirseachta a chomhaontaítear le SBCI ó am go chéile. Maidir leis na critéir sin agus na socrúithe maoirseachta, tá Coiste Luach Saothair bunaithe ag Bord SBCI agus tá beartas foirmiúil luach saothair curtha i bhfeidhm aige. Agus forálacha an Chóid maidir le luach saothair á gcomhlíonadh aige, ghlac SBCI na forálacha a bhaineann le comhlachtaí Stáit tráchtála, a cuireadh in oiriúint i bhfianaise a struchtúir rialachais agus tuairiscithe faoi leith agus a shamhail luach saothair.



Tuarascálacha na gCoistí

Tuarascáil an Choiste Iniúcháireachta agus Riosca

Is é ról an Choiste Iniúcháireachta agus Riosca cabhrú leis an mBord lena maoirseacht ar:

- cáilíocht agus sláine na ráiteas airgeadais; athbhreithniú agus monatóireacht ar éifeachtacht na gcóras rialaithe inmheánaigh; an próiseas iniúcháireachta inmheánaí agus an t-athbhreithniú ar aschuir ón iniúcháir seachtrach, an tArd-Reachtair Cuntas agus Ciste;
- creat bainistíochta riosca SBCI lena n-áirítear goile riosca a leagan síos; monatóireacht ar chloí le rialachas riosca agus a chinntiú go ndéantar rioscaí a shainaithint, a mheasúnú, a bhainistiú agus a thuairisciú i gceart.

Bíonn triúr comhaltaí neamhfheidhmiúcháin ar an gCoiste a cheapann an Bord. Is iad comhaltaí an Choiste faoi láthair:

- Tom McAleese, an Cathaoirleach
- Eilis Quinlan
- AJ Noonan

Tháinig an Coiste le chéile cúig huaire in 2020.

Tuairisciú Airgeadais

D'athbhreithnigh an Coiste na dréacht-ráitis airgeadais agus mhol sé iad don Bhord. Díriú an t-athbhreithniú ar na modhanna cuntasaoíochta, ar Acht na gCuideachtaí, 2014 agus ar shoiléire agus iomláine na nochtuithe de réir na gcaighdeán cuntasaoíochta is infheidhme, agus forálacha ábhartha an Chóid Cleachtais chun Comhlachtaí Stáit a Rialú. Rinne an Coiste athbhreithniú freisin ar an Ráiteas Rialachais agus ar Thuarascáil na gComhaltaí Boird, agus ráitis ar bhainistíocht riosca lena gcur san áireamh i dTuarascáil Bhliantúil SBCI. Mar chuid dá athbhreithniú ar na ráitis airgeadais, bhuail an Coiste le hionadaithe ó Oifig an Ard-Reachtair Cuntas agus Ciste chun a Thuarascáil ar Thorthaí Iniúchta a phlé.

Rialuithe Inmheánacha

Rinne an Coiste athbhreithniú ar éifeachtacht an chórais rialaithe inmheánaigh. Rinne sé athbhreithniú freisin ar an Ráiteas ar Rialú Inmheánach le cur san áireamh i ráitis airgeadais 2020 agus mhol sé don Bhord é. Bhí an

t-athbhreithniú bunaithe ar thuarascáil ón lucht bainistíochta maidir leis na dearbhuithe a bhí sa Ráiteas agus freisin le Clár Oibre mionsonraithe an Choiste, lena n-áirítear iniúchóireacht inmheánach agus tuarascálacha riosca rialta.

Iniúchóireacht Inmheánach

Fuair an Coiste tuairiscí rialta ón iniúchóir inmheánach. Rinne sé athbhreithniú ar na príomhthorthaí ó thoradh athbhreithnithe iniúchóireachta inmheánaí aonair a cuireadh i gcrích faoi phlean iniúchóireachta inmheánaí riosca-bhunaithe 2020 agus rinne sé monatóireacht ar chur i bhfeidhm mholtáí na hiniúchóireachta. D'fhaomh sé plean iniúchóireachta inmheánaí 2021. D'fhaomh sé freisin an plean iniúchóireachta inmheánaí agus d'fhaomh sé Cairt Iniúchóireachta Inmheánaí lena húsáid in SBCI. Rinne an Coiste athbhreithniú ar éifeachtacht an iniúcháir inmheánaigh. Buaileann an Coiste go príobháideach le Ceannasaí Iniúchóireachta Inmheánaí GBCN gan an lucht bainistíochta uair sa bhliain ar a laghad.

Iniúchóireacht Sheachtrach

Is é an tArd-Reachtair Cuntas agus Ciste iniúcháir seachtrach SBCI. Rinne an Coiste athbhreithniú ar an bplean iniúchóireachta seachtraí, na príomhréimsí fócais agus téarmaí rannpháirtíochta na hiniúchóireachta. Rinne sé monatóireacht freisin ar fhreagairtí an lucht bainistíochta ar thorthaí an iniúcháir sheachtraigh a d'eascair as an iniúchóireacht ar ráitis airgeadais 2019. Buaileann an Coiste go príobháideach leis an iniúcháir seachtrach gan an lucht bainistíochta uair sa bhliain ar a laghad.

Riosca

Rinne an Coiste athbhreithniú agus d'fhaomh nuashonruithe ar roinnt beartas riosca ar leith, agus mhol sé nuashonruithe don Bhord, mar a fhoráiltear dó faoin mBeartas agus Creat Bainistíochta Riosca. D'fhaomh sé an Plean Bainistíochta Riosca do 2021 freisin agus rinne sé monatóireacht ar an dul chun cinn le hais phlean 2020. Fuair sé tuairiscí rialta ar rioscaí SBCI agus na rialuithe atá i bhfeidhm chun rioscaí a mhaolú. Buaileann an Coiste go príobháideach leis an gCeannasaí Riosca gan an lucht bainistíochta uair sa bhliain ar a laghad.

Comhlíonadh agus Nochtadh Cosanta

Rinne an Coiste athbhreithniú ar leordhóthanacht agus slándáil shocruithe SBCI dá fhoireann agus dá chonraitheoirí chun ábhar imní a tharraingt anuas agus d'fhaomh sé

nuashonruithe ar an Tuairisciú ar "Éagóiritheoireacht" agus ar an mBeartas um Nochtadh Cosanta. Rinne an Coiste athbhreithniú freisin ar an mBeartas Cosanta Sonraí agus ar an Ráiteas Príobháideachais, agus d'fhaomh sé iad, agus mhol sé an Measúnú Riosca Gnó agus an Beartas i gCoinne Sciúradh Airgid don Bhord. Fuair sé an tuarascáil bhliantúil ón Oifigeach Cosanta Sonraí agus Comhlíonta agus rinne sé athbhreithniú ar na seirbhísí a dhéanann Comhlíonadh GBCN. Buaileann an Coiste le Ceannasaí Comhlíonta GBCN gan an lucht bainistíochta uair sa bhliain ar a laghad.

Athbhreithnithe ar lasachtóirí ar Aghaidh

Fuair an Coiste tuairiscí rialta ón soláthraí seirbhíse seachtrach KPMG maidir le hAthbhreithnithe ar lasachtóirí ar Aghaidh. D'fhaomh sé Plean Athbhreithnithe na nlasachtóirí ar Aghaidh le haghaidh 2021. Rinne sé athbhreithniú ar na príomhthorthaí ó thoradh Athbhreithnithe Aonair na nlasachtóirí ar Aghaidh a cuireadh i gcrích faoin bplean agus rinne sé monatóireacht ar chur i bhfeidhm mholtáí KPMG.

Eile

Rinne an Coiste athbhreithniú ar a théarmaí tagartha agus mhol sé leasuithe don Bhord. Thug sé faoi athbhreithniú freisin ar a éifeachtacht féin agus thuairiscigh sé don Bhord faoin athbhreithniú sin. Faomhadh tosaíochtaí an Choiste i leith 2021 mar chuid dá Chlár Oibre le haghaidh 2021.

Tuarascáil an Choiste Creidmheasa

Is é ról an Choiste Creidmheasa cabhrú leis an mBord athbhreithniú agus faomhadh a dhéanamh ar chinntí creidmheasa, agus maoirseacht agus monatóireacht a dhéanamh ar riosca creidmheasa.

Bíonn triúr comhaltaí Boird neamhfheidhmiúcháin ar an gCoiste, agus comhaltaí atá ina gcomhaltaí foirne sinsearacha den SBCI nó GBCN. Bíonn an Príomhoifigeach Feidhmiúcháin ina chomhalta freisin. Is iad comhaltaí an Choiste faoi láthair:

- Richard Pelly, an Cathaoirleach (Comhalta Boird)
- Eoin Dorgan (Comhalta Boird)
- Marguerite McMahon (Comhalta Boird)
- Ian Black (an Príomhoifigeach Feidhmiúcháin eatramhach agus Comhalta Boird)
- Ray Mangan (comhalta foirne SBCI)

TUARASCÁIL BHLIANTÚIL & RÁITIS AIRGEADAIS SBCI – Rialachas ar lean

Ceapadh Marguerite McMahon mar chomhalta den Choiste Creidmheasa le héifeacht ón 22 Deireadh Fómhair 2020. D'éirigh Nick Ashmore as an gCoiste le héifeacht ón 15 Feabhra 2021, i ndiaidh dó éirí as mar Phríomhoifigeach Feidhmiúcháin SBCI. Ceapadh Ian Black mar Phríomhoifigeach Feidhmiúcháin eatramhach SBCI, agus de réir Théarmaí Tagartha an Choiste, ceapadh é mar chomhalta den Choiste, le héifeacht ón 26 Feabhra 2021.

Tháinig an Coiste Creidmheasa le chéile cúig huaire in 2020. Ba é an phríomhghníomhaíocht a bhí aige ná athbhreithniú a dhéanamh ar thograí creidmheasa mionsonraithe ón lucht bainistíochta. Rinne sé athbhreithniú freisin ar na hathbhreithnithe creidmheasa bliantúla ar iasachtóirí ar aghaidh a rinne an lucht bainistíochta.

Rinne an Coiste athbhreithniú freisin ar a théarmaí tagartha agus mhol sé roinnt leasuithe don Bhord.

Tuarascáil an Choiste Luach Saothair

Cabhraíonn an Coiste Luach Saothair leis an mBord maidir le cúrsaí luach saothair i leith fhostaithe GBCN a shanntar do SBCI de réir na gcritéar agus na socruithe maoirseachta a comhaontaíodh le GBCN. Tá an Bord freagrach as Beartas Luach Saothair foriomlán SBCI agus bíonn a chuid freagrachtaí á dtreorú ag comhairle agus moltaí an Choiste Luach Saothair.

Bíonn triúr comhaltaí neamhfheidhmiúcháin ar an gCoiste a cheapann an Bord. Is iad comhaltaí an Choiste faoi láthair:

- AJ Noonan (An Cathaoirleach)
- Conor O'Kelly
- Barbara Cotter

Ceapadh AJ Noonan mar Chathaoirleach an Choiste amhail an 26 Feabhra 2021 agus ceapadh Barbara Cotter ar an gCoiste freisin, le héifeacht ón 26 Feabhra 2021.

Tháinig an Coiste le chéile faoi dhó in 2020. Comhaontaíodh nach n-íocfaí aon íocaíocht a bhaineann le feidhmíocht le haghaidh 2020, mar gheall ar thionchar phaindéim COVID-19.



Bainistíocht Riosca

Bíonn sé mar aidhm ag SBCI riosca a bhainistiú ar bhealach eolach agus réamhghníomhach, de réir a Bheartais agus a Chreata Bainistíochta Riosca agus a Ráitis Inghlacthachta Riosca, ionas go mbeidh leibhéal an riosca a nglactar leis ag teacht lena bhunghníomhaíocht ghnó, agus go dtuigeanann agus go bhfuil SBCI in ann tionchar aon riosca a d'fhéadfadh teacht chun cinn a bhainistiú nó a iompar. Comhlíonann SBCI forálacha bainistíochta riosca an Chóid Cleachtais chun Comhlachtaí Stáit a Rialú (2016).

In 2020, rinne an Coiste Iniúcháireachta agus Riosca agus an Bord athbhreithniú rialta ar an gClár Riosca, agus fuair an Bord nuashonruithe rialta maidir le bainistíocht riosca agus rioscaí arda agus rioscaí a bhí ag teacht chun cinn.

Róil agus freagrachtaí

An Bord

Tá an Bord freagrach as an inghlacthacht riosca a leagan síos agus as maoirsiú agus stiúradh na gníomhaíochta bainistíochta riosca ar fud SBCI. Shainordaigh an Bord go ndéanfaí bainistíocht riosca a chomhtháthú agus a leabú in atmaisféar agus i gcultúr SBCI agus glacadh leis sin ar fud SBCI; bíonn gach comhalta d'fhoireann SBCI freagrach as athbhreithniú rialta a dhéanamh ar an gclár riosca agus a dhearbhu ina n-aonar go bhfuil na rialuithe luaite i bhfeidhm.

An Coiste Iniúcháireachta agus Riosca

Bíonn an Coiste Iniúcháireachta agus Riosca freagrach as maoirseacht a dhéanamh ar chur i bhfeidhm Bheartas agus Chreat Bainistíochta Riosca SBCI agus as a chinntiú go soláthraíonn samhail rialachais bainistíochta riosca SBCI leibhéil iomchuí neamhspleáchais agus dúshláin. Tuairiscíonn an Coiste Iniúcháireachta agus Riosca don Bhord.

Trí Líne Cosanta

An Chéad Líne Chosanta

Tá Beartas agus Creat Bainistíochta Riosca SBCI bunaithe ar shamhail na dtrí líne cosanta. Laistigh den tsamhail sin, is iad foireann SBCI agus an ardbhainistíocht (an chéad líne chosanta) a thabhaíonn na rioscaí agus a bhíonn ina n-úinéir orthu.

An Dara Líne Chosanta

Soláthraíonn feidhm Riosca SBCI agus feidhmeanna rialaithe eile (an dara líne cosanta) maoirseacht neamhspleách agus dúshlán oibiachtúil don chéad líne cosanta. Soláthraíonn siad monatóireacht agus tuairisciú riosca freisin.

An Tríú Líne Chosanta

Feidhmíonn an fheidhm Iniúcháireachta Inmheánaí mar chuid den tríú líne chosanta trí dhearbhu neamhspleách, réasúnta, riosca-bhunaithe a sholáthar do na príomhpháirtithe leasmhara maidir le chomh fóna agus atá córas bainistíochta riosca SBCI, a rialachas agus dheardh agus éifeachtacht oibríochta na timpeallachta rialaithe inmheánaigh.

Iniúcháireacht

De réir na gceanglas reachtúil, déanann an tArd-Reachtaire Cuntas agus Ciste iniúchadh ar SBCI. Bainistíonn feidhm Iniúcháireachta Inmheánaí GBCN próiseas iniúcháireachta inmheánaí SBCI agus ceapadh gnólacht seachtarach, KPMG faoi láthair, chun obair iniúcháireachta inmheánaí a thuairisciú do Cheann Iniúcháireachta Inmheánaí GBCN.

Príomhrioscaí

Bíonn SBCI neamhchosanta ar réimse leathan rioscaí a d'fhéadfadh tionchar a imirt ar a fheidhmíocht airgeadais agus oibríochta. Leis an mBeartas agus Creat Bainistíochta Riosca bunaithe na próisis chun riosca a shainaithint, a mheasúnú, a thuairisciú agus a mhaolú. Shainaithin SBCI na príomhrioscaí seo a leanas a d'fhéadfadh drochthionchar a bheith acu ar a chuspóirí a bhaint amach. Ina theannta sin, coimeádann SBCI Clár Riosca cuimsitheach ina sainaithnítear na rioscaí ar fad atá os comhair SBCI, lena n-áirítear riosca macra-airgeadais, riosca polaitiúil, riosca leachtachta, riosca ráta úis agus riosca clú i measc rioscaí eile.

TUARASCÁIL BHLIANTÚIL & RÁITIS AIRGEADAIS SBCI – Rialachas ar lean

Riosca	Cur síos ar an Riosca	Beart Maolaithe Rioscaí
Riosca Straitéiseach	Bíonn SBCI ag brath ar éileamh ó iasachtóirí ar aghaidh agus ó ghnóthaí chun a phríomhchuspóir straitéiseach a chomhlíonadh maidir le creidmheas breise a sholáthar d'fhiontair in Éirinn. Má theipeann air a tháirgí a struchtúrú go cuí agus straitéis seachadta oiriúnach a úsáid, tá an baol ann nach nglacfaidh iasachtóirí ar aghaidh páirt mar a bhí beartaithe agus nach mbeidh fonn ar ghnóthaí na táirgí a thairgtear a fháil.	Maolaítear an riosca sin trí rannpháirtíocht ghníomhach le grúpaí páirtithe leasmhara, éagsúlacht i dtáirgí SBCI lena chinntiú go dtugtar aghaidh ar riachtanais iasachtóirí ar aghaidh agus FBManna, agus feachtais mhargaíochta réamhghníomhacha chun feasacht a ardú faoi SBCI agus a tháirgí.
Riosca Creidmheasa	Bíonn SBCI neamhchosanta ar an riosca go mainneoidh contrapháirtí a oibleagáidí agus go mainneoidh sé a fhiach a aisíoc go hiomlán, agus go mbeidh cailiteanais do SBCI dá bharr. Bíonn SBCI neamhchosanta ar riosca creidmheasa (i) mar gheall ar a iasachtaí d'iasachtóirí ar aghaidh agus (ii) maidir lena scéimeanna comhroinnte riosca, mar gheall ar iasachtaí a thugtar do thairbhíthe deiridh atá ráthaithe ag SBCI. Mhéadaigh an riosca creidmheasa i rith na bliana airgeadais mar gheall ar an drochthimpeallacht eacnamaíoch a d'eascair as paidéim COVID-19 agus tionchar an Bhreathimeachta ar fhiontair na hÉireann.	I measc na mbeart maolaithe atá i bhfeidhm maidir leis an riosca sin tá dícheall cuí roimh aon chinntí iasachta, monatóireacht agus athbhreithniú leanúnach ar shaoráidí iasachtaíthe ar aghaidh, chomh maith le hathbhreithniú rialta ar chomhlíonadh na gcúnant agus na ngealltanais faoi seach. I measc na mbeart eile tá tuairiscíú ráithiúil ina ndéantar monatóireacht ar na leibhéil riosca fhoriomlána sa phunann, lena n-áirítear anailís ar na príomhtháscairí riosca a mhionsonraítear sa Ráiteas Inghlacthachta Riosca agus measúnú ar riosca creidmheasa a dhéanann an Coiste Creidmheasa agus an Bord.
Riosca Oibriúcháin	Bíonn SBCI neamhchosanta ar raon rioscaí oibriúcháin a eascraíonn as na daoine, na córais agus na próisis a bhfuil baint acu lena chuspóirí a bhaint amach. I measc na bpríomhrioscaí oibriúcháin tá teipeanna córais, earráidí próisis, ró-spleáchas ar dhaoine aonair lárnacha, mainneachtain nósanna imeachta a leanúint, earráidí tuairiscithe, etc., a bhféadfadh, dá mbarr, go dteipfeadh ar SBCI ar deireadh a chuspóirí a bhaint amach agus go ndéanfaí damáiste suntasach dá chlú.	Maolaítear an riosca sin trí thacaíocht oibríochta agus seirbhísí a sholáthraíonn GBCN, dá bhforáiltear faoi Acht SBCI, agus trí chloí leis na beartaí agus na nósanna imeachta ábhartha. Tá córais agus próisis nua faoi réir athbhreithniú cuimsitheach agus fhaomhadh an údaráis chuí agus úsáidtear modheolaíocht láidir bainistíochta tionscadal chun tionscadail nua a bhainistiú. Tá SBCI ag cothú loga próisis sealadach le haghaidh aon phróiseas sealadach a chuirtear i bhfeidhm mar gheall ar phaindéim COVID-19.
Riosca maidir le hAcmhainní a Chur ar Fáil	Is cuideachta bheag é SBCI a bhíonn ag brath ar lucht gairme speisialtachta oilte chun a chuspóirí reachtúla a chomhlíonadh. Tá an baol ann nach mbeadh na hacmhainní cuí ag SBCI ó thaobh dóthain daoine a bheith aige ag a bhfuil an taithí agus an saineolas cuí, agus go dteipfeadh air a chuspóirí a bhaint amach dá bharr.	I measc na mbeart maolaithe riosca atá i bhfeidhm don riosca sin tá faomhadh plean foirne bliantúil ag Bord SBCI, agus sannadh foirne atá cáilithe go cuí ó GBCN. Fostaíonn SBCI foireann chonartha shealadach, nó soláthraithe seirbhíse seachfhoinsithe, de réir mar is gá. Tá oiliúint agus forbairt foirne mar chuid de chlár bainistíochta feidhmíochta leanúnach SBCI.
Riosca Comhlíonta	Bíonn gníomhaíochtaí SBCI faoi réir rialacha Státchabhrach an Aontais Eorpaigh agus rialacháin eile agus tá an baol ann go dteipfidh ar SBCI na rialacha sin agus rialacháin eile a chomhlíonadh, agus go ndéanfar dochar do chlú nó cúrsaí airgeadais SBCI dá bharr. Tá an dóchúlacht go dtarlódh an riosca sin íseal, ach d'fhéadfadh an tionchar a bheith ard dá dtarlódh sé.	Maolaítear an riosca sin trí chomhairle dhlí agus chomhlíonta inmheánach agus sheachtrach a fhostú, dearadh táirgí chun a chinntiú go gcomhlíontar dlíthe agus rialacháin ábhartha, agus trí chloí le beartaí agus nósanna imeachta ábhartha.

Tuarascáil ar Éifeachtúlacht Fuinnimh

Is fostaithe de chuid GBCN iad comhaltaí foirne SBCI a shanntar do SBCI. Feidhmíonn SBCI as Foirgneamh Dhuga an Státchiste, Cé an Bhalla Thuaidh, Baile Átha Cliath 1. I dTuarascáil Éifeachtúlachta Fuinnimh GBCN, sonraítear úsáid fuinnimh ar fud na n-áitreabh sin agus foilsítear í le Tuarascáil Bhliantúil GBCN.



RÁITIS AIRGEADAIS CHORPARÁID BAINCÉIREACHTA STRAITÉISEACH NA HÉIREANN

Don bhliain dar chríoch
an 31 Nollaig 2020

An Clár

Eolas faoin gCuideachta agus Eolas Eile	37
Tuarascáil na Stiúrthóirí	38
Ráiteas ar Fhreagachtaí na Stiúrthóirí	41
An Ráiteas ar Rialú Inmheánach	42
Tuarascáil an Ard-Reachtair Cuntas agus Ciste	44
Aguisín leis an Tuarascáil	45
An Ráiteas ar Ioncam Cuimsitheach	47
An Ráiteas ar an Staid Airgeadais	48
An Ráiteas ar Athruithe ar Chothromas	49
An Ráiteas ar Shreabhadh Airgid	50
Nótaí a Ghabhann leis na Ráitis Airgeadais	51

Eolas faoin gCuideachta agus Eolas Eile

Stiúrthóirí

Barbara Cotter (An Cathaoirleach)
 Nicholas Ashmore (An Príomhoifigeach Feidhmiúcháin,
 a d'éirigh as an 15 Feabhra 2021)
 Ian Black (An Príomhoifigeach Feidhmiúcháin eatramhach,
 a ceapadh an 15 Feabhra 2021)
 Eoin Dorgan
 Tom McAleese
 Rosheen McGuckian (A d'éirigh as an 11 Márta 2020)
 Marguerite McMahon (A ceapadh an 17 Iúil 2020)
 AJ Noonan
 Richard Pelly
 Eilis Quinlan
 Conor O'Kelly

Rúnaí na Cuideachta

Macken McNicholas

Oifig Chláraithe

Duga an Státhiste
 Cé an Phoirt Thuaidh
 Baile Átha Cliath 1
 D01 A9T8

Baincéirí

Citibank
 1 Cé an Phoirt Thuaidh
 Baile Átha Cliath 1
 D01 T8Y1

Banc Ceannais na hÉireann
 Sráid Wapping Nua
 Cé an Phoirt Thuaidh
 Baile Átha Cliath 1
 D01 F7X3

Iniúcháir

An tArd-Reachtair Cuntas agus Ciste
 3A Sráid an Mhéara Uachtarach
 Baile Átha Cliath 1
 D01 PF72

Tuarascáil na Stiúrthóirí

Cuireann Stiúrthóirí Chorporáid Baincéireachta Straitéiseach na hÉireann ("an Chuideachta" nó "SBCI") a dtuarascáil agus ráitis airgeadais iniúchta i láthair maidir leis an mbliain airgeadais dar chríoch an 31 Nollaig 2020 ("an bhliain airgeadais").

Príomhghníomhaíochtaí

Bunaíodh an Chuideachta de bhun an Achta um Chorporáid Baincéireachta Straitéiseach na hÉireann, 2014 ("Acht SBCI 2014") agus ionchorpraíodh é faoi Acht na gCuideachta 1963 go 2013 ar an 12 Meán Fómhair 2014, agus tiontaíodh ina chuideachta gníomhaíochta ainmnithe é faoi Acht na gCuideachtaí, 2014 ar an 28 Iúil 2016. Baineann an Chuideachta leas as foinsí cistithe Éireannacha agus idirnáisiúnta chun tacú le soláthar creidmheasa d'fhiontair in Éirinn. Déantar é sin trí tháirgí leachtacht agus comhroinnt riosca a sholáthar d'iasachtóirí ar aghaidh tríú páirtí. Is gá do na hiasachtóirí ar aghaidh sin na ráta úis agus téarmaí creidmheasa níos tairbhiúla a chur ar aghaidh chuig fiontair in Éirinn ansin.

Díríodh príomhghníomhaíochtaí SBCI i rith na bliana airgeadais ar scéimeanna breise comhroinnte riosca a sholáthar chun creidmheas a sholáthar d'iasachtaithe i bhfiontair bheaga agus mheánmhéide ("FBManna") agus iasachtaithe i gCuideachtaí Meánchaipitlithe Beaga in Éirinn chun aghaidh a thabhairt ar na dúshláin a bhain le paidéim COVID-19, an Breatimeacht, agus riachtanais infheistíochta fadtéarmaí.

Áiríodh leis na gníomhaíochtaí a bhain le táirgí nua Scéim Caipitil Oibre COVID-19 ("CWCS") a sholáthar chun caipiteal oibre a sholáthar do ghnóthaí a raibh tionchar ag COVID-19 orthu (i gcomhar le Scéim Iasachta an Bhreathimeachta, "BLS", tagraítear do BLS agus CWCS cónasctha mar "BLS/CWCS"), an méadú €500 milliún ar an Scéim Iasachta d'Fhás sa Tódhchaí ("FGLS") chun iasachtaí infheistíochta fadtéarmaí a sholáthar, agus cur i bhfeidhm agus reáchtáil Scéim Ráthaíochta Creidmheasa COVID-19 nua ("CCGS"), dar luach €2 bhilliún, thar ceann an Aire Fiontar, Trádála agus Fostaíochta.

Athbhreithniú gnó

Is cuid de Thuarascáil na Stiúrthóirí í Tuarascáil Bhliantúil 2020. Tugtar breac-chuntas i Ráiteas an Chathaoirligh agus in Athbhreithniú an Phríomhoifigigh Feidhmiúcháin sa Tuarascáil Bhliantúil ar fhorbairt agus ar fheidhmíocht SBCI i rith na bliana airgeadais agus ar theagmhais shuntasacha a tharla sa tréimhse sin. Tá tuilleadh faisnéise faoi straitéis agus samhail ghnó SBCI sa chuid ar Straitéis den Tuarascáil Bhliantúil agus tá athbhreithniú cuimsitheach ar oibríochtaí SBCI sa chuid faoi Athbhreithniú Gnó.

I rith na bliana airgeadais, dhírigh SBCI ar a thrí líne ghnó a fhorbairt, is é sin iasachtú, comhroinnt riosca agus soláthar seirbhísí. Lean SBCI ag déanamh dul chun cinn ar a ghnó iasachtaithe trí chreidmheas breise a réamhioc le hiasachtóirí ar aghaidh agus rinneadh forbairt agus dáileadh ar tháirgí nua comhroinnte riosca. Lean an Chuideachta ag reáchtáil na Scéime Ráthaíochta Creidmheasa ("CGS") freisin agus chuir sé tús le reáchtáil CCGS nua thar ceann an Aire Fiontar, Trádála agus Fostaíochta. I rith na bliana airgeadais, léiríonn siad seo a leanas na príomhthorthaí feidhmíochta:

- Tús curtha le Scéim Iasachta Caipitil Oibre COVID-19 dar luach €250m mar fhreagra ar phaindéim COVID-19;
- FGLS méadaithe chun iasachtaí breise suas le €500m a éascú do FBManna agus Cuideachtaí Meánchaipitlithe Beaga le haghaidh infheistíocht fadtéarmach;
- Scéim Ráthaíochta Creidmheasa COVID-19 a chuimsigh iasachtaí suas le €2 bhilliún ar fáil d'fhiontair a raibh tionchar ag COVID-19 orthu;
- €836 milliún d'iasachtaí ar chostas níos ísle a réamhioc iasachtóirí ar aghaidh le FBManna;
- €45 milliún a réamhioc SBCI lena iasachtóirí ar aghaidh ar mhaithe le hiasachtú ar haghaidh le FBManna;
- Aisiocaíochtaí €148 milliún ar phríomhshuim iasachtaí a rinne iasachtóirí ar aghaidh le SBCI;
- Scairchaipiteal breise €50 milliún a d'íoc an tAire Airgeadais isteach sa Chuideachta.

Príomhrioscaí agus príomh-éiginnteachtaí

Is iad príomhrioscaí agus príomh-éiginnteachtaí SBCI:

Riosca Straitéiseach

Bíonn SBCI ag brath ar éileamh ó iasachtóirí ar aghaidh agus ó ghnóthaí chun a phríomhchuspóir straitéiseach a chomhlíonadh maidir le creidmheas breise a sholáthar d'fhiontair in Éirinn. Má theipeann air a tháirgí a struchtúru go cuí agus straitéis seachadta oiriúnach a úsáid, tá an baol ann nach nglacfaidh iasachtóirí ar aghaidh páirt mar a bhí beartaithe agus nach mbeidh fonn ar ghnóthaí na táirgí a thairgtear a fháil.

Riosca creidmheasa

Bíonn SBCI neamhchosanta ar an riosca go mainneoidh contrapháirtí a oibleagáidí agus go mainneoidh sé a fhiach a aisíoc go hiomlán, agus go mbeidh caillteanais do SBCI dá bharr. Bíonn SBCI neamhchosanta ar riosca creidmheasa (i) mar gheall ar a iasachtaí d'iasachtóirí ar aghaidh agus (ii) maidir lena scéimeanna comhroinnte riosca, mar gheall ar iasachtaí a thugtar do thairbhíthe deiridh atá ráthaithe ag SBCI. Mhéadaigh an riosca creidmheasa i rith na bliana airgeadais mar gheall ar an drochthimpeallacht eacnamaíoch a d'eascair as paindéim COVID-19 agus tionchar an Bhreitheachta ar fhiontair na hÉireann.

Riosca maidir le hAcmhainní a Chur ar Fáil

Is cuideachta bheag é SBCI a bhíonn ag brath ar lucht gairme speisialtachta oilte chun a chuspóirí reachtúla a chomhlíonadh. Tá an baol ann nach mbeadh na hacmhainní cuí ag SBCI ó thaobh dóthain daoine a bheith aige ag a bhfuil an taithí agus an saineolas cuí, agus go dteipfeadh air a chuspóirí a bhaint amach dá bharr.

Riosca Comhlíonta

Bíonn gníomhaíochtaí SBCI faoi réir rialacha Státchabhrach an Aontais Eorpaigh agus rialacháin eile agus tá an baol ann go dteipfidh ar SBCI na rialacha sin agus rialacháin eile a chomhlíonadh, agus go ndéanfar dochar do chúlú nó cúrsaí airgeadais SBCI dá bharr. Tá an dóchúlacht go dtarlódh an riosca sin íseal, ach d'fhéadfadh an tionchar a bheith ard dá dtarlódh sé.

Bainistíocht riosca airgeadais

Bíonn SBCI neamhchosanta ar rioscaí creidmheasa, margaidh, leachtachta, caipitil agus comhdhlúthachta i rith a ghnáthghnó. Tá tuilleadh sonraí maidir le beartas na Cuideachta agus an chaoi a mbainistítear na rioscaí sin i Nóta 15 a ghabhann leis na ráitis airgeadais.

Stiúrthóirí

Is iad seo a leanas na daoine a bhí ina Stiúrthóirí ar an gCuideachta ag am ar bith i rith na bliana airgeadais:

Barbara Cotter (An Cathaoirleach)

Nicholas Ashmore (d'éirigh as an 15 Feabhra 2021)

Ian Black (ceapadh an 15 Feabhra 2021)

Eoin Dorgan

Tom McAleese

Rosheen McGuckian (A d'éirigh as an 11 Márta 2020)

Marguerite McMahon (A ceapadh an 17 Iúil 2020)

AJ Noonan

Richard Pelly

Eilis Quinlan

Conor O'Kelly

Leasanna na Stiúrthóirí

Ní raibh aon leas tairbhiúil ag na Stiúrthóirí sa Chuideachta i rith na bliana airgeadais ná amhail deireadh na bliana airgeadais (féach ar Nóta 28). Is leis an Aire Airgeadais amháin scairchaipiteal eisithe na Cuideachta (féach ar Nóta 23).

Taifid chuntasaíochta imleora

Cinntíonn na Stiúrthóirí go gcomhlíontar oibleagáidí na Cuideachta maidir le taifid chuntasaíochta a choinneáil mar a éilítear faoi ailt 281 go 285 d'Acht na gCuideachtaí, 2014, trí úsáid a bhaint as pearsanra cuntasaíochta cáilithe agus córais agus nósanna imeachta cuí, mar a leagtar amach sa Ráiteas ar Rialú Inmheánach. Coinnítear na taifid chuntasaíochta in oifig chláráithe na Cuideachta ag Duga an Státchiste, Cé an Bhalla Thuaidh, Baile Átha Cliath 1, D01 A9T8.

TUARASCÁIL BHLIANTÚIL & RÁITIS AIRGEADAIS SBCI – Tuarascáil na Stiúrthóirí ar lean

Torthaí agus díbhinní

Leagtar amach na torthaí don bhliain airgeadais agus staid gnóthaí na Cuideachta sa Ráiteas ar Ioncam Cuimsitheach agus sa Ráiteas ar an Staid Airgeadais faoi seach.

Níor íoc an Chuideachta aon díbhinní i rith na bliana airgeadais lena scairshealbhóir aonair, an tAire Airgeadais, agus níl sé i gceist aige aon díbhinn a íoc le haghaidh na bliana airgeadais seo.

Teagmhais tar éis na tréimhse tuairiscithe

Féach ar Nóta 29 de na ráitis airgeadais.

Iniúcháir

Is é an tArd-Reachtair Cuntas agus Ciste iniúcháir na Cuideachta de bhua alt 19 d'Acht SBCI 2014. Go bhfios do na Stiúrthóirí ar fad, níl aon fhaisnéis ábhartha iniúchta ann nach bhfuil ar eolas ag an Ard-Reachtair Cuntas agus Ciste de bhun alt 330(1)(a) d'Acht na gCuideachtaí, 2014.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



Ian Black

An Príomhoifigeach
Feidhmiúcháin Eatramhach
Corparáid Baincéireachta
Straitéiseach na hÉireann



Barbara Cotter

An Cathaoirleach
Corparáid Baincéireachta
Straitéiseach na hÉireann

22 Aibreán 2021

Ráiteas ar Fhreagrachtaí na Stiúrthóirí

Ceanglaíonn dlí na gcuideachtaí ar na Stiúrthóirí ráitis airgeadais na Cuideachta a ullmhú do gach bliain airgeadais. Chinn na Stiúrthóirí na ráitis airgeadais a ullmhú de réir FRS 102, is é sin, an Caighdeán Tuairiscithe Airgeadais infheidhme sa Ríocht Aontaithe agus in Éirinn ("creat tuairiscithe airgeadais ábhartha") agus de réir Acht na gCuideachtaí, 2014.

Faoi dhlí na gcuideachtaí, ní féidir leis na Stiúrthóirí na ráitis airgeadais a fhaomhadh seachas má tá siad sásta go dtugann siad léargas fírinneach cóir ar shócmhainní, ar dhliteanais agus ar staid airgeadais na Cuideachta ag deireadh na bliana airgeadais agus ar bhrabús nó ar chaillteanas na Cuideachta don bhliain airgeadais, agus go gcomhlíonann siad ar gach slí eile Acht na gCuideachtaí, 2014.

Agus na ráitis airgeadais seo á n-ullmhú acu, ceanglaítear ar na Stiúrthóirí:

- Beartais oiriúnacha chuntasaíochta a roghnú agus iad a chur i bhfeidhm go seasta;
- Breithiúnais agus meastacháin a dhéanamh atá réasúnach agus ciallmhar;
- Na ráitis airgeadais a ullmhú ar bhonn an ghnóthais leantaigh, ach amháin i gcás nach cuí sin;
- A lua ar ullmhaíodh na ráitis airgeadais de réir na gcaighdeán cuntasaíochta infheidhme, na caighdeáin sin a shainaithint, agus an tionchar a bhí ag aon imeacht ábhartha ó na caighdeáin sin agus an chúis leis an imeacht ábhartha a lua.

Tá na Stiúrthóirí freagrach as a chinntiú go gcoimeádann an Chuideachta, nó go socraíonn sí go gcoimeádtar, taifid imleora chuntasaíochta a mhíniú agus a thaifeadann i gceart idirbhearta na Cuideachta, a chuireann ar a chumas gur féidir ag am ar bith sócmhainní, dliteanais, staid airgeadais agus brabús nó caillteanas na Cuideachta a chinneadh le cruinneas réasúnta, a chuireann ar a chumas a chinntiú go gcomhlíonann na ráitis airgeadais agus tuarascáil na Stiúrthóirí ceanglais Acht na gCuideachtaí, 2014 agus a chuireann ar a chumas na ráitis airgeadais a iniúchadh.

Tá na Stiúrthóirí freagrach freisin as sócmhainní na Cuideachta a chosaint agus dá bhrí sin tá dualgas orthu céimeanna réasúnacha a ghlacadh chun calaois agus neamhrialtachtaí eile a chosc agus a bhrath.

Tá na Stiúrthóirí freagrach as cothabháil agus as iontaofacht na faisnéise airgeadais agus eile a bhíonn ar shuíomh gréasáin na Cuideachta (www.sbc.gov.ie). D'fhéadfadh go bhfuil reachtaíocht in Éirinn a rialaíonn ullmhú agus scaipeadh ráitis airgeadais éagsúil ó reachtaíocht i ndlínsí eile.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



Ian Black

An Príomhoifigeach
Feidhmiúcháin Eatramhach
Corparáid Baincéireachta
Straitéiseach na hÉireann



Barbara Cotter

An Cathaoirleach
Corparáid Baincéireachta
Straitéiseach na hÉireann

22 Aibreán 2021

An Ráiteas ar Rialú Inmheánach

An Raon Freagrachta

Thar ceann Bhord Stiúrthóirí SBCI (an "Bord"), aithnímid an fhreagracht atá ar an mBord as a chinntiú go ndéantar córas éifeachtach rialaithe inmheánacha a choinneáil agus a reáchtáil. Cuireann an fhreagracht sin ceanglais an Chóid Cleachtais chun Comhlachtaí Stáit a Rialú (2016) san áireamh.

Cuspóir an Chórais Rialaithe Inmheánaigh

Ceaptar an córas rialaithe inmheánaigh chun riosca a bhainistiú ar leibhéal inghlactha, seachas deireadh a chur leis ar fad. Ní féidir leis an gcóras ach deimhniú réasúnta agus ní deimhniú iomlán a sholáthar go gcosnaítear sócmhainní, go n-údaraítear agus go ndéantar taifeadadh ceart ar idirbhearta, agus go seachnaítear earráidí ábhartha nó neamhrialtachtaí nó go n-aimseofaí iad laistigh de thréimhse thráthúil.

Tá an córas rialaithe inmheánaigh, a thagann leis an treoir a d'eisigh an Roinn Caiteachais Phoiblí agus Athchóirithe, i bhfeidhm in SBCI don bhliain dar chríoch an 31 Nollaig 2020 agus suas go dtí dáta faofa na ráiteas airgeadais.

An Cumas Dul i nGleic le Riosca

Tá Coiste Iniúchóireachta agus Riosca ag SBCI ar a bhfuil comhaltaí neamhfheidhmiúcháin an Bhoird, ag a bhfuil taithí airgeadais agus iniúchóireachta, agus feidhmíonn duine acu mar Chathaoirleach an Choiste. Tháinig an Coiste le chéile cúig huaire in 2020.

Déanann an Coiste maoirseacht ar ghníomhaíochtaí iniúchóireachta inmheánaí SBCI, atá bunaithe ar chláir oibre a mhol feidhm iniúchóireachta inmheánaí Ghníomhaireacht Bainistíochta an Chisteáin Náisiúnta ("GBCN") agus a d'fhaomh an Coiste. Tugann feidhm iniúchóireachta inmheánaí GBCN faoi ghníomhaíochtaí iniúchóireachta inmheánaí SBCI.

Cuireann GBCN seirbhísí áirithe airgeadais, acmhainní daonna, dlí, iniúchóireachta inmheánaí, riosca, comhlíonta agus soláthair ar fáil do SBCI, dá bhforáiltear faoi alt 10 d'Acht SBCI 2014, agus de réir mar atá comhaontaithe sa Chomhaontú Seirbhíse idir GBCN agus SBCI. Dá bhrí sin, bíonn SBCI ag brath go suntasach ar na rialuithe

a fheidhmíonn GBCN. Tá córas rialaithe inmheánaigh cuimsitheach forbartha ag GBCN agus déantar aon seirbhís a chuirtear ar fáil do SBCI faoin gComhaontú Seirbhíse a chur ar fáil de réir chórais rialaithe inmheánaigh GBCN. Tá litir faighte ag SBCI ó GBCN ina ndeimhnítear go raibh córas rialaithe inmheánaigh GBCN i leith na seirbhísí a cuireadh ar fáil do SBCI ag obair go héifeachtach i ndáil leis an mbliain dar chríoch an 31 Nollaig 2020.

Creat Riosca agus Rialaithe

Tá córas bainistíochta rioscaí curtha i bhfeidhm ag SBCI lena sonraítear agus lena dtuairiscítear rioscaí buntábhachtacha agus na gníomhartha bainistíochta a dhéantar chun aghaidh a thabhairt orthu agus, oiread agus is féidir, na rioscaí sin a mhaolú.

Tá Clár Rioscaí i bhfeidhm lena sonraítear na rioscaí buntábhachtacha éagsúla a bhíonn roimh SBCI agus measadh agus grádaíodh iad sin de réir a shuntasais is bhíonn siad. Má aithnítear rioscaí, cuirtear rialuithe i bhfeidhm chun an rioscaí sin a bhainistiú agus a mhaolú. Déanann (i) an Coiste Iniúchóireachta agus Riosca athbhreithniú ráithiúil ar an gClár Rioscaí agus déanann (ii) Bord na Stiúrthóirí athbhreithniú air uair amháin gach bliain airgeadais ar a laghad. Baintear úsáid as toradh na n-athbhreithnithe sin chun acmhainní a phleanáil agus a leithdháileadh lena chinntiú go mbainistítear rioscaí go sásúil. Éilítear ar an bhfoireann bainistíochta fianaise a thabhairt go ráithiúil go bhfuil na rialuithe a shonraítear sa Chlár Rioscaí i bhfeidhm agus éifeachtach, chomh fada agus is eol dóibh.

Sa Chlár Rioscaí, (i) tugtar mionsonraí faoi na rialuithe agus gníomhartha a theastaíonn chun rioscaí a mhaolú agus (ii) sanntar freagracht as na rialuithe agus na gníomhartha sin a reáchtáil ar chomhaltaí foirne sonracha. Deimhnímid go bhfuil na gnéithe seo a leanas sa timpeallacht rialaithe:

- Nósanna imeachta tuairiscithe le haghaidh na bpríomhphróiseas gnó;
- Córais a chinntíonn slándáil na gcórais teicneolaíochta faisnéise agus cumarsáide;
- Athbhreithniú agus measúnú rialta ar shócmhainní airgeadais;
- Córas cuimsitheach buiséadaithe le n-áirítear buiséad bliantúil a athbhreithníonn agus a fhaomhann an Bord;
- Athbhreithnithe rialta ar thuarascálacha airgeadais tréimhsiúla a shonraíonn feidhmíocht airgeadais in aghaidh réamh-mheastachán;

- Disciplíní foirmiúla bainistíochta tionscadail;
- Cloí le Tuairisciú a dhéanamh ar 'Éagóiritheoireacht' agus an Beartas um Nochtadh Cosanta agus an Beartas Frithchalaíse.

COVID-19

Thosaigh paindéim COVID-19 go luath in 2020, agus rinneadh roinnt athruithe dá barr ar an timpeallacht oibre agus rialaithe, le cianoibriú agus oibriú fóirúil ina ngnáthchleachtas oibre in SBCI anois. Mar thoradh air sin, thug SBCI isteach roinnt athruithe nósanna imeachta agus rialaithe a taifeadh agus a cuireadh i bhfeidhm. Bhí próisis áirithe a athraíodh nó a tugadh isteach mar gheall ar COVID-19 faoi réir athbhreithniú iniúchóireachta inmheánaí freisin. Tá na rialuithe, iad siúd a bhí ann cheana féin agus iad siúd a tugadh isteach mar gheall ar phaindéim COVID-19, fós éifeachtach.

Monatóireacht agus Athbhreithniú Leanúnach

Bunaíodh nósanna imeachta foirmiúla chun monatóireacht a dhéanamh ar phróisis rialaithe. Cuirtear easnaimh rialuithe in iúl dóibh siúd atá freagrach as gníomh ceartaitheach a dhéanamh agus don lucht bainistíochta agus don Bhord, nuair is ábhartha, go tráthúil. Deimhnímid go bhfuil na córais leanúnacha mmonatóireachta seo a leanas i bhfeidhm:

- Sainithníodh príomhrioscaí agus rialuithe lena mbaineann agus cuireadh próisis i bhfeidhm chun monatóireacht a dhéanamh ar réachtáil na rialuithe sin agus aon easnamh a shainithnítear a thuairisciú;
- Bunaíodh socruithe tuairiscithe ag gach leibhéal mar ar sannadh an fhreagracht as bainistiú airgeadais; agus Déanann an lucht ardbhainistíochta athbhreithnithe rialta ar thuarascálacha bliantúla/tréimhsiúla feidhmíochta agus airgeadais a léiríonn feidhmíocht i gcomparáid le buiséid/réamh-mheastacháin.

Soláthar

De bhun shamhail ghnó SBCI, tugann GBCN tacaíocht do SBCI maidir le cúrsaí soláthair. Cloíonn SBCI le Beartas Soláthair GBCN (atá foilsithe ar a shuíomh gréasáin) agus lena nósanna imeachta gaolmhara, a thagann leis na treoirlínte reatha ón Oifig um Sholáthar Rialtais.

I gcúinsí áirithe meastar go bhfuil sé iomchuí eisceachtaí atá údaráithe go cuí ón mBeartas agus na Nósanna Imeachta a cheadú (i.e. gan próiseas tairisceana iomaíoch a réachtáil) i ndáil le seirbhísí, soláthairtí nó oibreacha lena mbaineann luach atá faoi bhun thairseacha an Aontais Eorpaigh,

mar shampla, ar chúiseanna rúndachta, coimhlintí leasa, práinne, chun cearta maoinne intleachtúla a chosaint, aon fhoinsé soláthair amháin, etc. Faomhann an Príomhoifigeach Feidhmíocháin na heisceachtaí sin, agus ní hionann iad agus soláthar neamhchomhlíontach.

I rith na bliana airgeadais 2019, d'fhaomh an Príomhoifigeach Feidhmíocháin eisceacht soláthair dar luach €0.036m (i.e. faoi bhun thairseach an Aontais Eorpaigh le haghaidh conarthaí seirbhíse) chun a chinntiú go bhfostódh SBCI oibrítheoir margaidh aitheanta agus creidiúnach chun rátaíil chreidmheasa neamhspleách a shannadh do SBCI. Meastar go gcosnóidh an tseirbhís sin thart ar €0.116m sa tréimhse 2020–2023.

Athbhreithniú ar Éifeachtacht

Dearbhaímid go bhfuil nósanna imeachta i bhfeidhm ag SBCI chun monatóireacht a dhéanamh ar éifeachtacht a nósanna imeachta um bainistiú agus rialú rioscaí. Bíonn monatóireacht agus athbhreithniú SBCI ar éifeachtacht an chórais rialaithe inmheánaigh á dtreorú ag obair fheidhm iniúchóireachta GBCN, an Coiste Iniúchóireachta agus Riosca a mhaoirsíonn an obair, an lucht ardbhainistíochta laistigh de SBCI a bhíonn freagrach as an gcreat rialaithe inmheánaigh a fhorbairt agus a chothabháil agus an tArd-Reachtaire Cuntas agus Ciste.

Deimhnímid gur thug an Bord faoi athbhreithniú bliantúil ar an gcóras rialaithe inmheánaigh in don bhliain dar chríoch an 31 Nollaig 2020.

Fadhbanna Rialaithe Inmheánaigh

Níor sainithníodh aon laigí i gcóras an rialaithe inmheánaigh maidir leis an mbliain dar chríoch an 31 Nollaig 2020 a d'éileodh nochtadh sna ráitis airgeadais.



Barbara Cotter

An Cathaoirleach
Corparáid Baincéireachta
Straitéiseach na hÉireann



Tom McAleese

Cathaoirleach an Choiste
Iniúchóireachta agus Riosca
Corparáid Baincéireachta
Straitéiseach na hÉireann

22 Aibreán 2021

Tuarascáil an Ard-Reachtair Cuntas agus Ciste

Tuarascáil le cur faoi bhráid Thithe an Oireachtais: Corparáid Baincéireachta Straitéiseach na hÉireann

Tuairim faoi na ráitis airgeadais

Tá iniúchadh déanta agam ar ráitis airgeadais Chorporáid Baincéireachta Straitéiseach na hÉireann (an cuideachta) don bhliain dar chríoch an 31 Nollaig 2020 mar a éilítear faoi fhorálacha an Acht um Chorporáid Baincéireachta Straitéiseach na hÉireann, 2014. Is éard atá sna cuntais an ráiteas ar ioncam cuimsitheach, an ráiteas ar an staid airgeadais, an ráiteas ar athruithe ar chothromas, an ráiteas ar shreabhadh airgid agus na nótaí gaolmhara, lena n-áirítear achoimre ar bheartais shuntasacha chuntasaíochta.

I mo thuairimse,

- tugann na ráitis airgeadais léargas fírinneach cóir ar shócmhainní, ar dhliteanais agus ar staid airgeadais na cuideachta amhail an 31 Nollaig 2020 agus ar a hioncam agus a caiteachas le haghaidh 2020
- ullmhaíodh na ráitis airgeadais i gceart de réir Chaighdeán Tuairiscithe Airgeadais (FRS) 102 – an Chaighdeán Tuairiscithe Airgeadais infheidhme sa Ríocht Aontaithe agus i bPoblacht na hÉireann, agus
- ullmhaíodh na ráitis airgeadais i gceart de réir Acht na gCuideachtaí, 2014.

Bunús na tuairime

Thug mé faoi m'iniúchadh ar na ráitis airgeadais de réir na gCaighdeán Idirnáisiúnta ar Iniúchadh (ISAnna), mar a fheidhmíonn Eagraíocht Idirnáisiúnta na nArd-Institiúidí Iniúcháireachta iad. Déantar cur síos ar mo chuid freagrachtaí faoi na caighdeáin sin san aguisín leis an tuarascáil seo. Níl baint ná páirt agam leis an gcuideachta agus tá na freagrachtaí eithe eile atá orm de réir na gcaighdeán comhlíonta agam.

Creidim gur leor agus gur iomchuí an fhianaise iniúchta a fuair mé chun bunús a thabhairt do mo thuairim.

Tátail maidir le gnóthas leantach

Mar a thuairiscítear san aguisín leis an tuarascáil seo, bainim tátal as ar

- chomh hiomchuí agus atá sé go n-úsáidfeadh na stiúrthóirí bonn an ghnóthais leantaigh sa chuntasaíocht, agus
- an bhfuil éiginnteacht ábhartha ann maidir le himeachtaí nó dálaí a d'fhéadfadh amhras suntasach a chruthú i leith chumas na cuideachta leanúint ar aghaidh mar ghnóthas leantach.

Níl aon rud le tuairisciú agam ina leith sin.

Tuairim ar ábhar a ordaítear faoi Acht na gCuideachtaí, 2014

Bunaithe ar an obair a rinneadh le linn na hiniúcháireachta, agus ar an obair sin amháin, tuairiscím go bhfuil an méid seo a leanas fíor, dar liom:

- tá an fhaisnéis a thugtar i dtuarascáil na stiúrthóirí ag teacht leis na ráitis airgeadais, agus
- ullmhaíodh tuarascáil na stiúrthóirí de réir Acht na gCuideachtaí, 2014.


Fuair mé an fhaisnéis ar fad agus gach míniú a mheasaim a bheith riachtanach chun críocha m'iniúchta. Is é mo thuairim go raibh taifid chuntasaíochta na cuideachta leordhóthanach chun go bhféadfaí na ráitis airgeadais a iniúchadh go héasca agus i gceart, agus go dtagann na ráitis airgeadais leis na taifid chuntasaíochta.

Ina theannta sin, éilíonn Acht na gCuideachtaí, 2014 orm a thuairisciú mura ndéantar, i mo dtuairim féin, luach saothair agus idirbhearta stiúrthóirí a nochtadh de réir mar a éilíonn ailt 305 go dtí 312 den Acht. Níl aon rud le tuairisciú agam ina leith sin.

Tuairisciú ar fhaisnéis seachas na ráitis airgeadais, agus ar ábhar eile

Chuir na stiúrthóirí faisnéis áirithe eile i láthair i dteannta na ráiteas airgeadais. Cuimsítear ansin an tuarascáil bhliantúil, lena n-áirítear an ráiteas rialachais agus tuarascáil na gcomhaltaí Boird, tuarascáil na stiúrthóirí, an ráiteas ar fhreagrachtaí na stiúrthóirí agus an ráiteas ar rialú inmheánach. Déantar cur síos san aguisín leis an tuarascáil seo ar mo chuid freagrachtaí maidir le tuairisciú ar fhaisnéis dá leithéid, agus ar ábhar áirithe eile a dtuairiscím orthu mar eisceacht.

Níl aon rud le tuairisciú agam ina leith sin.



Séamus Mac Carthaigh
An tArd-Reachtair Cuntas agus Ciste
5 Bealtaine 2021

Aguisín leis an Tuarascáil

Freagrachtaí na stiúrthóirí

Mar a shonraítear sa ráiteas rialachais agus i dtuarascáil na gcomhaltaí Boird, tá na stiúrthóirí freagrach as

- ullmhú na ráiteas airgeadais i bhfoirm a fhorordaítear faoi Acht na gCuideachtaí, 2014
- a chinntiú go dtugann na ráitis airgeadais léargas fírinneach cóir de réir FRS102
- rialtacht na n-idirbheart a chinntiú
- measúnú a dhéanamh an bhfuil úsáid bhonn an ghnóthais leantaigh sa chuntasaíocht iomchuí, agus
- cibé rialú inmheánach a chinneann siad atá ag teastáil chun gur féidir ráitis airgeadais a ullmhú atá saor ó mhíráiteas ábhartha, cibé acu de bharr calaoise nó earráide.

Freagrachtaí an Ard-Reachtaire Cuntas agus Ciste

Éilítear orm faoi alt 19 den Acht um Chorporáid Baincéireachta Straitéiseach na hÉireann, 2014 iniúchadh a dhéanamh ar ráitis airgeadais na cuideachta agus tuairisciú ina leith sin do Thithe an Oireachtais.

Is é mo chuspóir agus an t-iniúchadh ar bun dearbhú réasúnta a fháil an bhfuil na ráitis airgeadais ar an iomlán saor ó mhíráiteas ábhartha de bharr calaoise nó earráide nó nach bhfuil. Is leibhéal ard dearbhaithe é dearbhú réasúnta, ach ní chinntíonn sé go dtabharfaidh iniúchadh a dhéantar de réir na ISAnna míráiteas ábhartha faoi deara i gcónaí más ann dó. Féadfaidh míráitis eascairt as calaois nó earráid agus meastar go bhfuil siad ábhartha dá bhféadfaidís go réasúnta, astu féin nó le chéile, tionchar a imirt ar chinntí geilleagracha úsáideoirí ar bhonn na ráiteas airgeadais sin.

Mar chuid d'iniúchadh de réir na ISAnna, úsáidim breithiúnas gairmiúil agus coinním amhras gairmiúil i rith an iniúchta. Dá réir sin,

- sainaitnínm agus déanaim measúnú ar rioscaí míráitis ábhartha ar na ráitis airgeadais, cibé mar gheall ar chalaois nó earráid; ceapaim agus tugaim faoi nósanna imeachta iniúcháireachta a fhreagraíonn do na rioscaí sin; agus faighim fianaise iniúchta atá leordhóthanach agus iomchuí chun bunús a thabhairt do mo thuairim. Tá an riosca nach n-aimseofar míráiteas ábhartha mar gheall ar chalaois níos airde ná ceann mar gheall ar earráid, toisc go bhféadfadh go mbeadh baint ag

claonpháirteachas, brionnú, ábhar a fhágáil ar lár d'aon turas, míléirithe, nó sárú rialaithe inmheánaigh le calaois.

- faighim tuiscint ar rialú inmheánach a bhaineann leis an iniúchadh chun nósanna imeachta iniúchta a cheapadh atá iomchuí do na cúinsí, ach ní chun tuairim a léiriú ar éifeachtacht na rialuithe inmheánacha.
- Déanaim measúnú ar chomh hiomchuí is atá na beartais chuntasaíochta a úsáidtear agus ar chomh réasúnta is atá na meastacháin chuntasaíochta agus an nochtadh lena mbaineann.
- Bainim tátal as ar chomh hiomchuí is atá sé bonn an ghnóthais leantaigh a úsáid sa chuntasaíocht agus, bunaithe ar an bhfianaise iniúchta a fuarthas, an bhfuil éiginnteacht ábhartha ann maidir le himeachtaí nó dálaí a d'fhéadfadh amhras suntasach a chruthú i leith chumas na cuideachta leanúint ar aghaidh mar ghnóthas leantach. Má bhainim de thátal as go bhfuil éiginnteacht ábhartha ann, éilítear orm aird a tharraingt i mo thuarascáil ar an nochtadh lena mbaineann sna ráitis airgeadais nó, mura bhfuil an nochtadh sin leordhóthanach, mo thuairim a athrú. Tá mo thátail bunaithe ar an bhfianaise iniúchta a fuarthas go dáta mo thuarascála. Ach d'fhéadfadh teagmhais nó dálaí amach anseo a chur faoi deara ar an gcuideachta gan leanúint ar aghaidh mar ghnóthas leantach.
- déanaim measúnú ar chur i láthair, struchtúr agus ábhar foriomlán na ráiteas airgeadais, lena n-áirítear aon nochtadh, agus an léiríonn na ráitis airgeadais na hidirbhearta agus imeachtaí bunúsacha ar bhealach a chuireann faisnéis i láthair go cóir.

Bím i mbun cumarsáide leo siúd atá freagrach as cúrsaí rialachais maidir le, i measc rudaí eile, raon feidhme agus sceideal beartaithe an iniúchta agus torthaí suntasacha iniúchta, lena n-áirítear aon easnaimh shuntasacha sa rialú inmheánach a shainaitnínm i rith m'iniúchta.

Faisnéis seachas na ráitis airgeadais

Ní chuimsím mo thuairim ar na ráitis airgeadais an fhaisnéis eile a chuirtear i láthair sna ráitis sin, agus ní chuirim aon chineál tátal dearbhaithe ina leith in iúl. Maidir le m'iniúchadh ar na ráitis airgeadais, éilítear orm faoi na ISAnna an fhaisnéis eile a chuirtear i láthair a léamh agus, dá réir sin, a mheas an bhfuil an fhaisnéis eile neamhréireach go hábhartha leis na ráitis airgeadais nó le heolas a fhagtear i rith an iniúchta, nó más cosúil go ndearnadh míráiteas ábhartha ar bhealach ar bith eile.

TUARASCÁIL BHLIANTÚIL & RÁITIS AIRGEADAIS SBCI – Aguisín leis an Tuarascáil ar lean

Má bhainim de thátal as an obair a dhéanaim go bhfuil míráiteas ábhartha ar an bhfaisnéis eile sin, éilítear orm é sin a thuairisciú.

Tuairisciú ar ábhar eile

Déantar m'iniúchadh trí thagairt do na léirbhreithnithe speisialta a bhaineann le comhlachtaí Stáit maidir lena mbainistíocht agus lena bhfeidhmiú. Tuairiscím má shainaithním ábhar ábhartha eile ann maidir leis an gcaoi a ndearnadh gnó poiblí.

Agus an t-iniúchadh ar bun agam, féachaim le fianaise a fháil ar rialtacht na n-idirbheart airgeadais. Tuairiscím má shainaithním aon chás ábhartha nár caitheadh airgead poiblí chun na gcríoch a bhí i gceist nó nach raibh na hidirbhearta de réir na n-údarás a rialaíonn iad.

An Ráiteas ar Ioncam Cuimsitheach

Don bhliain dar chríoch an 31 Nollaig 2020

	Nóta	2020 €000	2019 €000
Ioncam úis	5	4,160	5,273
Speansas úis	6	(425)	(298)
Glan-ioncam úis		3,735	4,975
Ioncam eile	7	6,440	4,020
Speansais oibriúcháin	8	(11,286)	(9,403)
Caillteanas oibriúcháin		(1,111)	(408)
Caillteanas don bhliain		(1,111)	(408)
Ioncam cuimsitheach eile		–	–
Ioncam cuimsitheach iomlán don bhliain airgeadais		(1,111)	(408)

Is bunchuid de na ráitis airgeadais iad na nótaí a théann leo.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



Ian Black

An Príomhoifigeach Feidhmiúcháin Eatramhach
Corparáid Baincéireachta Straitéiseach na hÉireann



Barbara Cotter

An Cathaoirleach
Corparáid Baincéireachta Straitéiseach na hÉireann

22 Aibreán 2021

An Ráiteas ar an Staid Airgeadais

amhail an 31 Nollaig 2020

	Nóta	2020 €000	2019 €000
Sócmhainní neamhreatha			
Sócmhainní doláimhsithe	11	258	550
Infheistíochtaí	12	3,538	-
Sócmhainní airgeadais – iasachtaí agus infháltais	13	345,000	406,450
		348,796	407,000
Sócmhainní reatha			
Sócmhainní airgeadais – iasachtaí agus infháltais	13	107,370	148,977
Infháltais eile	17	2,556	1,023
Airgead agus coibhéisí airgid	14	37,451	31,902
		147,377	181,902
Creidiúnaithe; suimeanna dlite laistigh de bhliain amháin			
Cistiú agus iasachtaí	18	33,333	54,167
Dlíteanais eile	19	67,536	50,820
		100,869	104,987
Glansócmhainní reatha			
		46,508	76,915
Sócmhainní iomlána lúide dlíteanais reatha			
		395,304	483,915
Creidiúnaithe; suimeanna dlite i ndiaidh bliain amháin			
Cistiú agus iasachtaí	18	316,667	454,167
Glansócmhainní			
		78,637	29,748
Caipiteal agus cúlcistí			
Scairchaipiteal glaoite á chur i láthair mar chothromas	23	85,000	35,000
Caillteanais choimeádta		(6,363)	(5,252)
Cothromas iomlán			
		78,637	29,748

Is bunchuid de na ráitis airgeadais iad na nótaí a théann leo.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:


Ian Black

An Príomhoifigeach Feidhmiúcháin Eatramhach
Corparáid Baincéireachta Straitéiseach na hÉireann

22 Aibreán 2021


Barbara Cotter

An Cathaoirleach
Corparáid Baincéireachta Straitéiseach na hÉireann

An Ráiteas ar Athruithe ar Chothromas

Don bhliain dar chríoch an 31 Nollaig 2020

	Nóta	Scair- chaipiteal €000	Caillteanais choimeádta €000	Cothromas iomlán €000
Iarmhéid amhail an 1 Eanáir 2019		35,000	(4,844)	30,156
Ioncam cuimsitheach iomlán don tréimhse		-	(408)	(408)
Iarmhéid amhail an 31 Nollaig 2019		35,000	(5,252)	29,748
Eisiúint scairchaipitil	23	50,000	-	50,000
Ioncam cuimsitheach iomlán don bhliain		-	(1,111)	(1,111)
Iarmhéid amhail an 31 Nollaig 2020		85,000	(6,363)	78,637

Is bunchuid de na ráitis airgeadais iad na nótaí a théann leo.

Faofa agus údaraithe lena n-eisiúint ag an mBord Stiúrthóirí agus sínithe thar a cheann:



Ian Black

An Príomhoifigeach Feidhmiúcháin Eatramhach
Corparáid Baincéireachta Straitéiseach na hÉireann

22 Aibreán 2021



Barbara Cotter

An Cathaoirleach
Corparáid Baincéireachta Straitéiseach na hÉireann

An Ráiteas ar Shreabhadh Airgid

amhail an 31 Nollaig 2020

	Nóta	2020 €000	2019 €000
Sreafaí airgid ó ghníomhaíochtaí oibriúcháin			
Réamhíocaíochtaí príomhshuime iasachtaí agus infháltas		(45,000)	(45,000)
Aisiocaíochtaí príomhshuime iasachtaí agus infháltas a fuarthas		147,900	116,650
Fáltais úis		5,042	5,082
Íocaíochtaí úis		(670)	(246)
Costais riaracháin a aisghabhadh		186	341
Ioncam eile a fuarthas		529	252
Éilimh frithráthaíochta		584	-
Aisghabhálacha ráthaíochta na Scéime Talmhaíochta		128	-
Íocaíochtaí ráthaíochta Scéim Iasachta an Bhreitheamh		(764)	(245)
Íocaíochtaí ráthaíochta na Scéime Talmhaíochta		(95)	(366)
Íocaíochtaí fóirdheontais na Scéime Talmhaíochta		(614)	(1,192)
Speansais oibriúcháin a íacadh		(9,018)	(7,875)
Glansreabhadh airgid ó ghníomhaíochtaí oibriúcháin		98,208	67,401
Sreafaí airgid ó ghníomhaíochtaí infheistíochta			
Ceannach sócmhainní doláimhsithe	11	(4)	(132)
Ceannach infheistíochtaí	12	(3,538)	-
Glanmhéid airgid a úsáideadh i ghníomhaíochtaí infheistíochta		(3,542)	(132)
Sreafaí airgid ó ghníomhaíochtaí maoinithe			
Eisiúint scairchaipitil	23	50,000	-
Iasachtaí cistithe a aisíocadh		(158,300)	(76,515)
Cistiú ón Aire Talmhaíochta, Bia agus Mara		2,705	-
Cistiú ón Aire Fiontar, Trádála agus Fostaíochta		16,478	1,470
Glanmhéid airgid a úsáideadh i ghníomhaíochtaí maoinithe		(89,117)	(75,045)
Glan-mhéadú/(laghdú) ar airgead agus coibhéisí airgid		5,549	(7,776)
Airgead agus coibhéisí airgid amhail an 1 Eanáir		31,902	39,678
Airgead agus coibhéisí airgid amhail an 31 Nollaig	14	37,451	31,902

Nótaí leis na Ráitis Airgeadais

1. Eintiteas tuairiscithe

Is cuideachta atá cláraithe agus sainchónaitheach in Éirinn é SBCI. Bunaíodh an Chuideachta de bhun an Achta um Chorporáid Baincéireachta Straitéiseach na hÉireann 2014 agus ionchorpraíodh é faoi Achtanna na gCuideachtaí 1963 go 2013 leis an uimhir cláraithe 549539 ar an 12 Meán Fómhair 2014. Baineann an Chuideachta leas as foinsí cistithe náisiúnta agus idirnáisiúnta chun tacú le soláthar creidmheasa d'fhiontair in Éirinn trína iasachtóirí ar aghaidh.

Tiontaíodh an Chuideachta go cuideachta gníomhaíochta ainmnithe faoi Acht na gCuideachtaí, 2014 ar an 28 Iúil 2016. Is leis an Aire Airgeadais amháin an scairchaipiteal eisithe. Tá oifig chláráithe na Cuideachta ag Duga an Státhiste, Cé an Bhalla Thuaidh, Baile Átha Cliath 1, D01 A9T8.

2. An Ráiteas ar Chomhlíonadh

Ullmhaíodh ráitis airgeadais na Cuideachta don bhliain airgeadais dár chríoch an 31 Nollaig 2020 de réir FRS 102, an Caighdeán Tuairiscithe Airgeadais atá i bhfeidhm sa Ríocht Aontaithe agus i bPoblacht na hÉireann, a eisiúnn an Chomhairle um Thuairisciú Airgeadais sa Ríocht Aontaithe lena úsáid i bPoblacht na hÉireann, tar éis cinneadh a dhéanamh rialacha aitheantais agus tomhais IAS 39 Ionstraimí Airgeadais: Aitheantas agus Tomhas a chur i bhfeidhm agus de réir Acht na gCuideachtaí, 2014.

3. Meastacháin agus breithiúnais chuntasaíochta chriticiúla

Éilíonn ullmhú na ráiteas airgeadais i gcomhréir le FRS 102 go n-úsáidtear meastacháin agus toimhdí a théann i bhfeidhm ar mhéideanna tuairiscithe na sócmhainní agus na ndlíteanas. Déantar meastóireacht leanúnach ar mheastacháin agus breithiúnais agus bíonn siad bunaithe ar roinnt tosca, lena n-áirítear ionchais maidir le teagmhais amach anseo a chreidtear a bheith réasúnta sna cúinsí sin.

Creideann an lucht bainistíochta go bhfuil na toimhdí bunúsacha a úsáidtear cuí agus go léirítear go cothrom an staid airgeadais agus na torthaí airgeadais i ráitis airgeadais na Cuideachta. Cuirtear síos ar réimsí lena mbaineann (i) leibhéal níos airde breithiúnais nó castachta, agus (ii) réimsí ina bhfuil toimhdí agus meastacháin suntasach i gcás na ráiteas airgeadais anseo thíos:

3.1 Príomhfhoinsí meastachán agus breithiúnas

Is iad seo a leanas na príomhthoimhdí a bhaineann le teagmhais amach anseo, agus príomhfhoinsí éiginnteachta eile sna meastacháin ag deireadh na tréimhse tuairiscithe a bhféadfadh baol mór a bheith ag baint leo ó thaobh suimeanna glanluacha na sócmhainní agus na ndlíteanas sa chéad bhliain airgeadais eile a choigeartú go hábhartha.

3.1.1 Measúnú ar bhearnú iasachta

I gcomhréir le ceanglais IAS 39 de réir mar a cheadaíonn FRS 102, déanann an Chuideachta athbhreithniú ar a phunann iasachtaí le haon chomhartha bearnaithe ag dáta an ráitis ar an staid airgeadais a aimsiú. Agus cinneadh á dhéanamh ag SBCI ar cheart caillteanas bearnaithe a thaifeadadh sa Ráiteas ar Ioncam Cuimsitheach ar an dáta tuairiscithe, úsáideann sé foinsí inmheánacha agus seachtracha eolais lena mheas cibé acu an bhfuil aon chomhartha ann go bhféadfadh sócmhainn a bheith bearnaithe (i gcomhréir le IAS 39.59). D'fhéadfaí an méid seo a leanas a áireamh leis na comharthaí sin:

- deacracht shuntasach airgeadais an iasachtaí;
- sárú conartha, ar nós mainneachtain in íocaíochtaí úis nó in íocaíochtaí príomhshuime;
- bronnadh lamháltais ar an iasachtaí ar chúiseanna eacnamaíocha nó dlí a bhaineann le deacrachtaí airgeadais an iasachtaí nach mbreithneofaí murach sin;
- i gcás inar dócha go mbeadh an t-iasachtaí i bhféimheacht nó go dtabharfaidh sé faoi atheagrú airgeadais eile.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

3.1.1 Meastacháin agus breithiúnais chuntasaíochta chriticiúla (ar lean)

Má tá aon fhianaise oibiachtúil ar bhearnú ann déanann SBCI ríomh mionsonraithe bearnaithe ar gach iasacht ceann ar cheann chun a chinneadh ar cheart caillteanas bearnaithe a aithint. Déantar méid an chaillteanas bearnaithe a thomhas mar an difríocht idir suim ghlanluacha na hiasachta agus luach reatha na sreafaí airgid measta lascainithe ag bunráta éifeachtachais na hiasachta i gcomhréir le IAS 39. Déanann lucht bainistíochta SBCI, lena n-áirítear an Ceannasaí Riosca, Airgeadais agus Oibríochtaí, agus an Príomhoifigeach Feidhmiúcháin, athbhreithniú agus faomhadh ar an measúnú. Féach ar Nóta 13 le haghaidh shuim ghlanluacha na n-iasachtaí.

3.1.2 Measúnú ar ráthaíocht airgeadais

Ar gach dáta tuairiscithe, breithníonn SBCI, i leith na ráthaíochtaí airgeadais atá eisithe aige, an dócha go ndéanfar íocaíochtaí faoi gach ráthaíocht le go n-aithneofar dliteanas airgeadais i gcomhréir le FRS 102.21. Chun dóchúlacht íocaíochta faoi chonradh ráthaíochta a mheasúnú, déanann an Chuideachta athbhreithniú ar aon sonraí ábhartha chun méid na n-iasachtaí atá i mbaol mainneachtana agus i mbaol a bheith faoi réir éilimh ó iasachtóir ar aghaidh a mheasúnú.

Aithnítear dliteanas airgeadais d'aon éilimh dhóchúla, is féidir a thomhas go hiontaofa, i dtaifid chuntasaíochta SBCI. Má aithnítear dliteanas airgeadais, agus má tá méid an dliteanas airgeadais níos mó ná an tsuim ghlanluacha, is gá coigeartú a dhéanamh leis an dliteanas airgeadais a léiriú agus an difríocht a aithint sa Ráiteas ar Ioncam Cuimsitheach. I gcás nach n-aithnítear dliteanas airgeadais, nochtar dliteanas teagmhasach sna ráitis airgeadais don tsuim iomlán atá iníoctha faoi chonarthaí ráthaíochta airgeadais SBCI. Féach ar Nótaí 24 agus 25.

3.1.3 Saolré úsáideach acmhainne doláimhsithe

Déantar an muirear i leith amúchadh tréimhsiúil a dhíorthú tar éis meastachán a chinneadh ar shaolré ionchais úsáideach sócmhainne agus an luach iarmharach measta ag deireadh a saolré. Dá n-athrófaí saolré ionchais sócmhainne nó a luach iarmharach, d'athródh an muirear amúchta. Cinneann an lucht bainistíochta saolré ionchais sócmhainní na Cuideachta agus déanann siad athbhreithniú ar a n-oiriúnacht uair sa bhliain ar a laghad. Tá na saolréanna bunaithe ar thaithí stairiúil ar shócmhainní cosúla chomh maith le hionchais faoi theagmhais amach anseo, a d'fhéadfadh tionchar a imirt ar a saolré. Féach ar Nóta 11 le haghaidh shuim ghlanluacha na Sócmhainní doláimhsithe.

3.2 Breithiúnais chuntasaíochta shuntasacha nuair atá beartais chuntasaíochta á gcur i bhfeidhm

Toisc go mbaineann breithiúnas an lucht bainistíochta le meastachán a dhéanamh ar dhóchúlacht na dteagmhais amach anseo, d'fhéadfadh na torthaí iarbhir a bheith difriúil leis na meastacháin sin, rud a d'fhéadfadh dul i bhfeidhm ar mhéideanna tuairiscithe na sócmhainní agus na ndliteanas amach anseo. Seachas na meastacháin (féach ar Nóta 3.1 thuas), níor iarradh ar an gCuideachta aon bhreithiúnais shuntasacha bhreise a dhéanamh nuair a bhí a bheartais chuntasaíochta á gcur i bhfeidhm aige.

4. Beartais shuntasacha chuntasaíochta

4.1 Bunús an ullmhúcháin

Ullmhaítear na ráitis airgeadais ar bhonn an ghnóthais leantaigh agus tá an Bord sásta go leanfaidh an Chuideachta mar ghnóthas leantach go ceann i bhfad. Ina thuairim ar cé acu an bhfuil cuntasáíocht ar bhonn an ghnóthais leantaigh cuí nó nach bhfuil, thug an Bord aird ar fheidhmeanna SBCI mar a leagtar amach in Acht SBCI 2014 agus i mBunreacht SBCI, agus creideann sé go bhfuil sé réasúnta a cheapadh, mar gheall ar chuspóir na reachtaíochta, go ndéanfaidh an Stát bearta cuí chun a chinntiú go mbeidh an Chuideachta in ann a shainordú a chomhlíonadh.

Is iad feidhmeanna na Cuideachta, i measc nithe eile, creidmheas breise a chur ar fáil agus soláthar creidmheasa bhreise a chur chun cinn ar bhealach stuama d'fhiontair nó daoine eile sa Stát, FBManna go háirithe, agus chun maoiniú a chur ar fáil do thionscadail a chuireann forbairt gheilleagrach an Stáit chun cinn.

4.1 Bunús an ullmhúcháin (ar lean)

Tá gníomhaíochtaí na Cuideachta faoi réir tosca riosca, lena n-áirítear rioscaí creidmheasa, leachtachta, chomhdhlúthacht an mhargaidh agus caipitil. Rinne an Bord athbhreithniú ar na tosca riosca sin agus ar gach eolas ábhartha chun measúnú a dhéanamh ar chumas na Cuideachta leanúint ar aghaidh mar ghnóthas leantach. Déanann an Bord agus an Coiste Iníúcháireachta agus Riosca athbhreithniú ar phríomhghnéithe de ghníomhaíochtaí na Cuideachta ar bhonn leanúnach agus déanann siad athbhreithniú, nuair is cuí, ar na toimhdí criticiúla a fheidhmíonn mar bhonn agus taca a straitéisí fadtéarmacha.

Cuirtear na ráitis airgeadais i láthair in euro (€), airgeadra feidhmiúil agus cur i láthair na Cuideachta. Luaitear na figiúirí a léirítear sna ráitis airgeadais ina mílte €, mura sonraítear a mhalairt. Seasann '000' nó 'k' do mhílte agus seasann 'm' do mhilliúin, má úsáidtear iad. Mar a cheadaítear faoi mhír 4 i Sceideal 3 d'Acht na gCuideachtaí, 2014, d'oiriúnaigh na Stiúrthóirí na socruithe agus na ceannteidil agus na fo-cheanteidil a éilítear ar bhealach eile le Formáid Cuntais Brabúis agus Caillteanais 1 agus Formáid Ráiteas an Chláir Comhardaithe 1 toisc go n-éilíonn nádúr speisialta ghnó na Cuideachta go ndéanfaí a leithéid d'oiriúnú.

4.2 Bunús tomhais

Ullmhaíodh na ráitis airgeadais faoin gcoinbhinsiún costais stairiúil.

4.3 Ioncam agus speansas úis

Aithnítear ioncam agus speansas úis le haghaidh na n-ionstraimí airgeadais ar fad sa Ráiteas ar Ioncam Cuimsitheach trí úsáid a bhaint as modh an Ráta Éifeachtaigh Úis (REÚ). Is é modh REÚ an modh le costas amúchta sócmhainne airgeadais nó dliteanais airgeadais a ríomh agus an t-ioncam úis nó an speansas úis a dháileadh sa tréimhse ábhartha airgeadais. Is é REÚ an ráta lena ndéantar íocaíochtaí nó fáiltais airgid thirim amach anseo a lascainiú go beacht thar shaolré ionchais na hionstraime airgeadais go suim ghlanluacha ghlan na sócmhainne airgeadais nó an dliteanais airgeadais. Agus REÚ á ríomh ag an gCuideachta, déanann sé sreafaí airgid a mheas, ag cur téarmaí conarthacha uile na hionstraime airgeadais san áireamh.

Nuair a dhíscríobhtar sócmhainn airgeadais mar thoradh ar chaillteanas bearnaithe, aithnítear ioncam úis ag úsáid an ráta úis a úsáideadh chun na sreafaí airgid amach anseo a lascainiú chun an caillteanas bearnaithe a thomhas.

Déantar ioncam úis a fhaightear ó iasachtaí a thugtar d'iasachtóirí ar aghaidh a chur i gcuntas mar chuid de ghníomhaíochtaí oibriúcháin sa Ráiteas ar Shreabhadh Airgid mar gur croí-fheidhm de chuid na Cuideachta é iasachtú ar aghaidh.

Cuirtear ioncam úis a fhaightear ó iasachtaí a eisiúint an Chuideachta i gcuntas laistigh de na gníomhaíochtaí oibriúcháin sa Ráiteas ar Shreabhadh Airgid agus rangaítear é mar ús ioncaim eile i Nóta 5.

Cuirtear speansas úis a íoctar ar iasachtaí ó mhaoinitheoirí i láthair mar chuid de na gníomhaíochtaí oibriúcháin sa Ráiteas ar Shreabhadh Airgid. Déantar speansas úis a íoctar ar thaiscí airgid thirim agus táirgí bainistíochta airgid thirim a chur i láthair mar chuid de na gníomhaíochtaí oibriúcháin sa Ráiteas ar Shreabhadh Airgid agus rangaítear iad mar speansas úis eile i Nóta 6.

4.4 Ioncam eile

Déanann SBCI costais a aisghabháil ón Aire Fiontar, Trádála agus Fostaíochta ("an tAire FTF") agus/nó ón Aire Talmhaíochta, Bia agus Mara ("an tAire TBM"), mar (i) oibrítheoir CGS agus CCGS (Nóta 15.8), (ii) de bhun Scéim Iasachta an Bhreathimeachta agus Scéim Iasachta Caipitil Oibre COVID-19 (Nóta 15.7), (iii) de bhun na Scéime Talmhaíochta (Nóta 15.6), agus (iv) de bhun na Scéime Iasachta d'Fhás Todhchaí (Nóta 15.9), bunaithe ar aisíocaíocht na gcostas a thabhaíonn SBCI agus sin amháin.

Déantar cistiú a sholáthraíonn an tAire TBM agus/nó an tAire FTF do SBCI i gcomhar leis na scéimeanna a fhuascailt don Ráiteas ar Ioncam Cuimsitheach de réir mar a thabhaítear costais a bhaineann leis na scéimeanna. Aithnítear an méid i gcomhréir le FRS 102 Cuid 24 Deontais Rialtais.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

4.5 Costais inaisíoctha le GBCN

De réir alt 10 d'Acht SBCI 2014, soláthraíonn GBCN seirbhísí agus córais ghnó agus tacaíochta do SBCI mar aon le foireann a shannadh d'fheidhmeanna SBCI. Aithnítear costais inaisíoctha le GBCN ar bhonn fabhráithe. Aisghabhann GBCN na speansais sin ó SBCI ag a gcostas. Tá tuilleadh eolais ar chostais inaisíoctha le GBCN i Nóta 8.2.

4.6 Ionstraimí airgeadais

Aithníonn agus tomhaiseann an Chuideachta a shócmhainní airgeadais agus a dhliteanais airgeadais de réir IAS 39 mar a cheadaítear le FRS 102. Cinneann an Chuideachta aicmiú a ionstraimí airgeadais tráth a n-aithnítear iad den chéad uair.

4.7 Sócmhainní airgeadais

Iasachtaí agus infháltais

Is iad na hiasachtaí agus infháltais na sócmhainní airgeadais neamhdhíorthacha lena ngabhann íocaíochtaí seasta nó inchinntithe nach luaitear i margadh gníomhach. Tráth an aitheantais tosaigh, tomhaistear na hiasachtaí ag luach cóir móide costais incriminteacha idirbhirt dhíreach atá inchurtha go díreach le heisiúint na hiasachta. Tomhaistear ina dhiaidh sin iad ag a gcostas amúchta trí úsáid a bhaint as Modh RÉÚ mar a shonraítear i Nóta 4.3.

Infheistíochtaí

Infheistíochtaí in ionstraimí cothromais neamhluaite nach bhfuil praghas margaidh luaite acu i margadh gníomhach, agus nach féidir a luach cóir a thomhas go hiontaofa, tomhaistear iad ag costas lúide bearnú.

4.8 Dliteanais airgeadais

Cistiú agus iasachtaí

Is iad an cistiú agus iasachtaí na hiasachtaí sin a tharraingíonn an Chuideachta anuas óna mhaoinitheoirí chun tacú lena ghníomhaíochtaí iasachtaithe ar aghaidh. Aithníonn an Chuideachta na hiasachtaí sin ina Ráiteas ar an Staid Airgeadais ar an dáta ar tarraingíodh anuas an iasacht. Tomhaistear na hiasachtaí sin ar dtús ag luach cóir móide costais incriminteacha idirbhirt dhíreach atá inchurtha go díreach le heisiúint an dliteanais airgeadais. Tomhaistear ina dhiaidh sin iad ag a gcostas amúchta trí úsáid a bhaint as Modh RÉÚ mar a shonraítear i Nóta 4.3.

4.9 Dí-aithint sócmhainní agus dliteanas airgeadais

Dí-aithnítear sócmhainní airgeadais nuair a thagann deireadh leis na cearta conartha chun na sreafaí airgid a fháil ó na sócmhainní sin, nó nuair a aistrítear na sócmhainní agus nuair a aistrítear go substaintiúil gach riosca agus luach saothair a bhaineann le húinéireacht na sócmhainní freisin. Dí-aithnítear dliteanais airgeadais nuair a fhuasclaítear iad nó nuair a chuirtear ar ceal ar bhealach eile iad.

4.10 Bearnú sócmhainní airgeadais

Ag deireadh gach tréimhse airgeadais, déanann an Chuideachta measúnú ar an bhfuil fianaise oibiachtúil ann go bhfuil sócmhainn airgeadais nó grúpa sócmhainní airgeadais, tomhaiste ag a (g)costas amúchta, bearnaithe.

I gcás iasachtaí agus infháltas, déantar méid an chaillteanais bearnaithe a thomhas mar an difríocht idir suim ghlanluacha na sócmhainne agus luach reatha na sreafaí airgid measta amach anseo lascainithe ag bunráta éifeachtach úis na sócmhainne. Aithnítear suim an chaillteanais bearnaithe sa Ráiteas ar Ioncam Cuimsitheach.

Déantar measúnú oibiachtúil ar na hiasachtaí do gach iasachtóir ar aghaidh i gcomhair fianaise ar bhearnú ag deireadh na tréimhse airgeadais.

4.10 Bearnú sócmhainní airgeadais (ar lean)

Áirítear le fianaise oibiachtúil go bhfuil sócmhainn airgeadais bearnaithe:

- Deacracht shuntasach airgeadais an iasachtóra ar aghaidh;
- Neamhchomhlíonadh an iasachtóra ar aghaidh i gcás a chúnant agus ghealltanais iasachta faoi seach, agus aon téarmaí agus coinníollacha eile a chuireann SBCI i bhfeidhm;
- Sáruithe conarthacha, ar nós mainneachtana nó faillí ar íocaíochtaí úis nó ar aisíocaíochtaí príomhshuime;
- Comharthaí go mbeidh an t-iasachtóir ar aghaidh i bhféimheacht nó go dtabharfaidh sé faoi atheagrú airgeadais eile.
- Athruithe diúltacha ar stádas an iasachtaí mar gheall ar dhálaí diúltacha geilleagracha go náisiúnta nó go háitiúil nó athruithe diúltacha ar dhálaí tionsclaíochta.

Aithníonn SBCI ioncam úis tar éis bearnú trí úsáid a bhaint as an ráta úis a úsáideadh chun na sreafaí airgid amach anseo a lascainiú nuair a bhí an bearnú sin á thomhas. Má laghdaíonn an caillteanas bearnaithe mar gheall ar theagmhas a tharlaíonn i ndiaidh aithint an bhearnaithe, i dtréimhse airgeadais ina dhiaidh sin, aisiompaítear an caillteanas bearnaithe a aithníodh roimhe sin go comhréireach. Aithnítear méid an aisiompaithe sa Ráiteas ar Ioncam Cuimsitheach.

Sa chás nach bhfuil aon dóchúlacht bhreise ann go ngnóthófar luach de réir na leabhar iasachta, nó cuid d'iasacht, díscríobhann SBCI an méid nach bhfuil inghnóthaithe in aghaidh an chaillteanais bearnaithe lena mbaineann (i.e. sa chas seo, ní bhíonn aon mhuirear breise ar an Ráiteas ar Ioncam Cuimsitheach). Ní mór do Bhord SBCI (nó Coiste údaráithe ábhartha) díscríobh méideanna iasachta a fhaomhadh. Laghdaíonn aisghabhálacha ina dhiaidh sin ar mhéideanna a díscríobhadh roimhe sin méid an lamhálaís do bhearnú iasachta go comhréireach sa Ráiteas ar Ioncam Cuimsitheach.

4.11 Ráthaíochtaí airgeadais

Is conarthaí ráthaíochta airgeadais iad conarthaí a éilíonn ar an gCuideachta íocaíochtaí sonraithe a dhéanamh chun aisíocaíocht a thabhairt don tairbhí as caillteanas a thabhaíonn an tairbhí mar go mainníonn féichiúnaí sonraithe íocaíochtaí a dhéanamh nuair atá siad dlite i gcomhréir le téarmaí oibleagáide fiachais. D'eisigh SBCI ráthaíochtaí chuig iasachtóirí ar aghaidh i leith gach ceann díobh seo a leanas: (i) Scéim Iasachta Tacaíochta Sreafa Airgid na Talmhaíochta ("an Scéim Talmhaíochta") (Nóta 15.6), (ii) Scéim Iasachta an Bhreathimeachta ("BLS") agus Scéim Iasachta Caipitil Oibre COVID-19 ("CWCS") (Nóta 15.7) agus (iii) an Scéim Iasachta d'Fhás sa Todhchaí (Nóta 15.9).

Aithnítear na ráthaíochtaí airgeadais sin ar dtús ag luach cóir ar an dáta a dtugtar an ráthaíocht. I ndiaidh aitheantas a thabhairt den chéad uair, déantar dliteanais na Cuideachta faoi na ráthaíochtaí sin a thomhas ag cibé acu is airde, an méid a aithníodh ar dtús lúide, nuair is cuí, amúchadh carntha agus an meastachán is fearr ar an gcaiteachas a theastaíonn le haon oibleagáid airgeadais a shocrú a thagann chun cinn de bhun na ráthaíochtaí ag deireadh na bliana airgeadais.

Cinntear an meastachán is fearr ar chaiteachas i gcomhréir le FRS 102.21. Freagraíonn dliteanais ráthaíochta airgeadais don chostas a bhaineann le hoibleagáid a shocrú, arb ionann é agus an caillteanas measta, a mheastar bunaithe ar na tosca agus an t-eolas ábhartha ar fad atá ar fáil don Chuideachta ag deireadh na bliana airgeadais. Léirítear dliteanais airgeadais a eascraíonn as conradh ráthaíochta airgeadais mar fhorálacha le haghaidh dliteanais sa Ráiteas ar an Staid Airgeadais.

Déantar aon mhéadú nó laghdú ar an dliteanais airgeadais a bhaineann le ráthaíochtaí airgeadais, seachas glaonna ráthaíochta a íoc, a aithint sa Ráiteas ar Ioncam Cuimsitheach. I gcúinsí nuair nach gá dliteanais airgeadais a aithint, nochtar dliteanais teagmhasach sna ráitis airgeadais don mhéid iomlán iníochta faoi chonarthaí ráthaíochta airgeadais SBCI (Nóta 24).

4.12 Frithráthaíochtaí

Sa chás ina meastar go n-aisíocfar an caiteachas ar fad, nó cuid de, a theastaíonn chun dlíteanas ráthaíochta airgeadais a íoc, de bhun comhaontú frithráthaíochta, aithneofar an aisíocaíocht nuair atá sé beagnach cinnte go bhfaighfear an aisíocaíocht sin má shocraíonn an Cuideachta an oibleagáid.

Aithníonn an Chuideachta aisíocaíocht mar shócmhainn ar leithligh. Déanann an Cuideachta an muirear caillteanais bearnaithe do dhlíteanas na ráthaíochta a ghlanluacháil leis an gcion inghnóthaithe sa Ráiteas ar loncam Cuimsitheach. Sa chás nach n-aithneofaí aisghabháil den chineál sin, nochtfar sócmhainn theagmhasach sna ráitis airgeadais don mhéid iomlán atá inghnóthaithe faoi chonarthaí frithráthaíochta SBCI (Nóta 25). Tá SBCI tar éis tabhairt faoi fhrithráthaíochtaí leis an gCiste Eorpach Infheistíochta de bhun gach ceann díobh seo a leanas: (i) Scéim lasachta Tacaíochta Sreafa Airgid na Talmhaíochta (Nóta 15.6), (ii) Scéim lasachta an Bhreathimeachta agus Scéim lasachta Caipitil Oibre COVID-19 (Nóta 15.7) agus (iii) an Scéim lasachta d'Fhás sa Todhchaí (Nóta 15.9).

4.13 Airgead agus coibhéisí airgid

Is iad airgead agus coibhéisí airgid na hinfheistíochtaí gearrthéarmacha fóirleachtacha atá innhalartaithe go héasca go suimeanna airgid ar eolas agus atá faoi réir riosca neamhshuntasach athraithe ar an luach.

Iompraítear airgead agus coibhéisí airgid ag costas amúchta sa Ráiteas ar an Staid Airgeadais.

Léirítear sa Ráiteas ar Shreabhadh Airgid na hathruithe ar airgead agus ar choibhéisí airgid a d'eascair as gníomhaíochtaí oibriúcháin, ó ghníomhaíochtaí infheistíochta agus ó ghníomhaíochtaí maoinithe i rith na bliana airgeadais. Tuairiscítear na sreafaí airgid ó ghníomhaíochtaí oibriúcháin leis an modh díreach, ina nochtar aicmí móra fáiltas comhlán airgid agus íocaíochtaí comhlána.

4.14 Sócmhainní doláimhsithe

Tá sócmhainní doláimhsithe comhdhéanta de bhogearraí a fuair an Chuideachta. Tomhaistear iad ag a gcostas lúide amúchadh carntha agus aon chaillteanais bearnaithe charntha. Ní dhéantar caipitliú ar chaiteachas ar shócmhainní bogearraí ina dhiaidh sin ach amháin nuair a chuireann sé leis na tairbhí eacnamaíocha a bheidh ann amach anseo atá leabaithe sa tsócmhainn shonrach lena mbaineann sé. Cuirtear gach caiteachas eile leis na costais de réir mar a thabhaítear é.

Amúchtar bogearraí sa Ráiteas ar loncam Cuimsitheach de réir méid chothroim thar a saolré úsáideach mheasta, ón dáta a bhfuil siad ar fáil lena n-úsáid. Is ionann saolré úsáideach mheasta bhogearraí reatha SBCI agus cúig bliana.

Déantar athbhreithniú ar mhodhanna amúchta, saolréanna ionchais agus luachanna iarmharacha ar gach dáta tuairiscithe, agus déantar iad a choigeartú más cuí. Glacann SBCI leis gurb ionann luach iarmharach a shócmhainní doláimhsithe agus nialas ach amháin sna cásanna seo a leanas:

- tá gealltanais ann ó thríú páirtí an tsócmhainn a cheannach ag deireadh a saolré ionchais; nó
- tá margadh gníomhach ann don tsócmhainn; agus:
 - Is féidir luach iarmharach a chinneadh trí thagairt don margadh sin; agus
 - Is dócha go mbeidh an margadh sin fós ann ag deireadh shaolré ionchais na sócmhainne.

Ar gach dáta tuairiscithe, déanann an Chuideachta athbhreithniú ar shuim ghlanluacha a bhogearraí chun a chinneadh an bhfuil aon chomhartha bearnaithe ann. Má bhíonn aon chomhartha dá leithéid ann, bíonn na sócmhainní sin faoi réir athbhreithniú bearnaithe. Cuimsítear san athbhreithniú bearnaithe comparáid idir suim ghlanluacha na sócmhainne agus a méid inghnóthaithe. Cinntear an méid inghnóthaithe agus cibé acu is airde de luach cóir lúide costais diúscartha na sócmhainne agus a luach úsáide.

4.14 Sócmhainní doláimhsithe (ar lean)

Ríomhtar luach úsáide trí shreafaí airgid measta amach anseo atá infhaighte mar thoradh ar úsáid leanúnach na sócmhainne, lena n-áirítear iad siúd a eascraíonn as a diúscairt deiridh, a lascainiú ag ráta margadh-bhunaithe lascaine ar bhonn réamhchánach. Ba cheart go léireodh an ráta lascaine sin an measúnú margaidh reatha ar amluach an airgid agus na rioscaí a bhaineann go sonrach leis an tsócmhainn nach bhfuil meastacháin ar shreabhadh airgid amach anseo coigeartaithe ina leith.

Díscriobhtar luach de réir na leabhar na mbogearraí de réir mhéid aon bhearnaithe agus aithnítear an cailtteanas sin sa Ráiteas ar Ioncam Cuimsitheach sa tréimhse airgeadais ina dtarlaíonn sé. Féadfar cailtteanas bearnaithe a aithníodh roimhe sin a aisiompú i bpáirt nó ina iomláine mura bhfuil na cúiseanna a bhí leis an gcaillteanas bearnaithe i gceist níos mó. Déantar measúnú i ngach tréimhse le seiceáil an raibh aon chomharthaí ann nach bhfuil an cailtteanas bearnaithe ann níos mó nó ar laghdaigh sé. Ní mhéadófar suim ghlanluacha na sócmhainne ach go dtí an méid a shroichfeadh sí mura n-aithneofaí an bearnú bunaidh.

4.15 Infháltais eile

Déantar infháltais eile atá dlite laistigh de bhliain amháin a thomhas ag an méid airgead tirim nár lascainiú nó comaoin eile a cheaptar a gheofar.

4.16 Forálacha

Aithnítear foráil má tá oibleagáid dhlíthiúil nó inchiallaithe reatha ag an gCuideachta mar thoradh ar theagmhas a tharla roimhe sin is féidir a mheas go hiontaoifa, agus gur dóigh go mbeadh eas-sreabhadh tairbhí eacnamaíocha ag teastáil chun an oibleagáid a shocrú.

Má bhíonn an tionchar ábhartha, cinntear forálacha trí na sreafaí airgid a bhfuiltear ag súil leo amach anseo a lascainiú ag an ráta réamhchánach a léiríonn measúnuithe margaidh reatha ar amluach an airgid agus, nuair is cuí, ar na rioscaí a bhaineann go sonrach leis an dlíteanas.

4.17 Dlíteanais theagmhasacha

Is oibleagáidí féideartha iad dlíteanais theagmhasacha nach ndeimhneofar ach nuair a tharlaíonn teagmhais éiginnte amach anseo nó oibleagáidí reatha sa chás go bhfuil aistriú tairbhe eacnamaíche éiginnte nó nach féidir meastachán iontaoifa a dhéanamh air. Ní aithnítear dlíteanais theagmhasacha ach nochtar iad sna nótaí a ghabhann leis na ráitis airgeadais seachas má bhíonn an dóchúlacht go n-aistreofaí an tairbhe eacnamaíoch fórbheag. Féach ar Nóta 24.

4.18 Sócmhainní teagmhasacha

Is iad na sócmhainní teagmhasacha na sócmhainní féideartha a eascraíonn as teagmhais a tharla cheana agus nach ndearbhófar gurb ann dóibh ach amháin má tharlaíonn nó mura dtarlaíonn teagmhas éiginnte amháin nó níos mó amach anseo, teagmhais nach bhfuil faoi smacht iomlán an eintitis. Ní aithnítear sócmhainní teagmhais ach nochtar iad sna ráitis airgeadais nuair is dóigh go mbeidh insreabhadh tairbhí eacnamaíocha ann. Má bhíonn réadú ioncaim beagnach cinnte ansin aithnítear an tsócmhainn lena mbaineann. Féach ar Nóta 25.

4.19 Léasú

Gearrtar cíosanna faoi léasanna oibriúcháin de réir méid chothroim thar téarma an léasa, go dtí an Ráiteas ar Ioncam Cuimsitheach de réir FRS 102 Cuid 20 Léasanna.

4.20 An príomhphearsanra bainistíochta

Is iad na comhaltaí Boird, an Príomhoifigeach Feidhmiúcháin agus an fhoireann ardbhainistíochta a thuairiscíonn go díreach don Phríomhoifigeach Feidhmiúcháin príomhphearsanra bainistíochta SBCL. Féach ar Nóta 8.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

5. Ioncam úis

	2020 €000	2019 €000
Ús ar iasachtaí agus infháltais	4,093	4,904
Ioncam úis eile	67	369
	4,160	5,273

Baineann ús ar iasachtaí agus infháltais le hioncam úis ó iasachtaí a chuirtear ar fáil d'iasachtóirí ar aghaidh. Baineann ioncam úis eile le hús diúltach a saothraíodh ar na nótaí iasachta a d'eisigh an Chuideachta do GBCN (Nóta 26.2).

6. Speansas úis

	2020 €000	2019 €000
Speansas úis eile	425	298

Baineann speansas úis eile le hús diúltach a íocadh ar airgead sealbhaithe i dtaisce.

7. Ioncam eile

	Nóta	2020 €000	2019 €000
Costais CGS agus CCGS a aisghabhadh	7.1	1,494	290
Aisghabháil chostais riaracháin BLS/CWCS	7.2	1,486	656
Aisghabháil chostais riaracháin na Scéime Iasachta d'Fhás sa Todhchaí	7.2	959	1,060
Aisghabháil chostais riaracháin na Scéime Talmhaíochta	7.2	322	373
Aisghabháil fóirdheontas úis na Scéime Talmhaíochta	7.2	687	1,608
Ioncam frithráthaíochta airgeadais	7.3	-	33
Ioncam táille ráthaíochta	7.3	1,305	-
Ioncam ilghnéitheach		187	-
		6,440	4,020

7.1 Costais CGS agus CCGS a aisghabhadh

De bhun comhaontú dar dáta an 13 Deireadh Fómhair 2016, arna leasú agus arna athshonrú ar an 14 Bealtaine 2019, idir an tAire FTF agus SBCI (an “Comhaontú Comhair CGS”), ghlac SBCI le ról oibritheoir CGS thar ceann an Aire FTF. Faigheann SBCI íocaíochtaí ón Aire FTF bunaithe ar aisghabháil na gcostas agus na speansas a thabhaíonn SBCI chun na seirbhísí a leagtar amach sa Chomhaontú Comhair CGS a sholáthar. Ní dhéanann SBCI aon bhrabús ná cailteanas airgeadais agus na seirbhísí á soláthar (féach ar Nóta 15.8).

De bhun comhaontú dar dáta an 28 Meán Fómhair 2020 idir an tAire FTF agus SBCI (an “Comhaontú Comhair CCGS”), ghlac SBCI le ról oibritheoir CCGS thar ceann an Aire FTF. Faigheann SBCI íocaíochtaí ón Aire FTF bunaithe ar aisghabháil na gcostas agus na speansas a thabhaíonn SBCI chun na seirbhísí a leagtar amach sa Chomhaontú Comhair CCGS a sholáthar. Ní dhéanann SBCI aon bhrabús ná cailteanas airgeadais agus na seirbhísí á soláthar (féach ar Nóta 15.8).

7.2 Aisghabháil costais scéime

De réir comhaontú idir an tAire TBM, an tAire FTF agus SBCI dar dáta an 15 Nollaig 2017, arna leasú agus arna nuashonrú ar an 27 Samhain 2020, (an “Comhaontú Comhair BLS/CWCS Leasaithe”), aisghabhann SBCI na costais as a ról in BLS/CWCS a reáchtáil (féach ar Nóta 15.7).

De réir comhaontú idir an tAire TBM, an tAire FTF agus SBCI dar dáta an 21 Nollaig 2018, arna leasú agus arna nuashonrú ar an 24 Iúil 2020, (an “Comhaontú Comhair maidir leis an Scéim lasachta d'Fhás sa Todhchaí”), aisghabhann SBCI na costais as a ról sa Scéim lasachta d'Fhás sa Todhchaí a reáchtáil (féach ar Nóta 15.9).

De réir comhaontú idir an tAire TBM agus SBCI dar dáta an 20 Nollaig 2016, arna leasú ar an 20 Lúnasa 2020, (an “Comhaontú Comhair Talmhaíochta”), aisghabhann SBCI na costais as a ról sa Scéim Talmhaíochta a reáchtáil, lena n-áirítear costas na bhfóirdheontas ráta úis (féach ar Nóta 15.6).

7.3 Ioncam frithráthaíochta airgeadais

	2020 €000	2019 €000
Speansais ráthaíochta		
Scéim lasachta Talmhaíochta	(95)	(350)
BLS/CWCS	(763)	(245)
Ioncam frithráthaíochta		
Scéim lasachta Talmhaíochta	95	383
BLS/CWCS	763	245
	-	33

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

7.3 Ioncam frithráthaíochta airgeadais (ar lean)

Amhail an 31 Nollaig 2020, tá SBCI tar éis a bhreithniú an dócha go ndéanfar íocaíochtaí faoina ráthaíochtaí airgeadais agus an aithnítear fáiltais faoina fhrithráthaíochtaí airgeadais. Aithníonn SBCI speansais ráthaíochta €858k (2019: €595k) sa tréimhse. Fritháirítear é sin le hioncam frithráthaíochta €858k (2019: €628k) a ndíorthaíonn €429k (2019: €314k) de ó ioncam iarchurtha ó na hAirí faoi na comhaontuithe scéime ábhartha.

	2020 €000	2019 €000
Ioncam táille ráthaíochta		
An Scéim Iasachta d'Fhás sa Todhchaí	1,160	-
BLS/CWCS	145	-
	1,305	-

Baineann ioncam táille ráthaíochta le táillí atá iníoctha ag iasachtóirí ar aghaidh atá rannpháirteach sa Scéim Iasachta d'Fhás sa Todhchaí agus aithint an ioncaim iarchurtha ó na hAirí ábhartha a bhaineann le BLS/CWCS.

8. Speansais oibriúcháin

	Nóta	2020 €000	2019 €000
Costais inaisíoctha le GBCN	8.2	6,151	5,740
Táillí an Bhoird	9	118	95
Amúchadh	11	296	473
Speansas fóirdheontais úis na Scéime Talmhaíochta	8.1.1	687	1,608
Speansais táille ráthaíochta	8.1.2	1,114	-
Speansais eile	8.1.3	2,920	1,487
		11,286	9,403

8.1.1 Speansas fóirdheontais úis na Scéime Talmhaíochta

Cuimsíonn speansas fóirdheontais úis na Scéime Talmhaíochta speansas a thabhaigh an Chuideachta agus fóirdheontas ráta úis á chur ar fáil aige d'iasachtóirí ar aghaidh a bhí rannpháirteach sa Scéim Talmhaíochta.

8.1.2 Speansais táille ráthaíochta

Baineann speansas táille ráthaíochta le táillí a tabhaíodh le haghaidh frithráthaíochtaí le haghaidh na Scéime lasachta d'Fhás sa Todhchaí agus BLS/CWCS.

8.1.3 Speansais eile

Cuimsítear i speansais eile gach speansas eile a íocann an Chuideachta go díreach. Cuimsítear leo sin go príomha costais mhargaíochta €0.69m (2019: €0.48m) agus táillí dlí agus gairmiúla €2.2m (2019: €0.76m).

8.2 Costais inaisíochta le GBCN

	Nóta	2020 €000	2019 €000
Costais foirne GBCN	8.2.1	3,168	2,700
Seirbhísí gnó	8.2.2	2,735	2,959
Táillí gairmiúla		188	35
Costais oibriúcháin eile		60	46
		6,151	5,740

8.2.1 Costais foirne GBCN

Áirítear le costais foirne GBCN an luach saothair (le costais pinsin san áireamh) agus costais eile a bhaineann leis an bhfoireann, ar nós costais foirne sealadaí, costais earcaíochta agus costais oiliúna foirne, a bhaineann le comhaltaí foirne GBCN a shanntar go díreach do SBCI. Cuireadh na costais ar fad a bhain le sochair fostaithe leis na costais i rith na bliana airgeadais agus ní dhearnadh aon chostais a chaipitliú dá réir.

8.2.2 Seirbhísí gnó

Cuimsíonn costais seirbhísí gnó costais a tabhaíodh i rith na bliana airgeadais i ndáil leis an áitreabh ina bhfeidhmíonn an Chuideachta agus costas na seirbhísí tacaíochta a sholáthraíonn GBCN.

8.3 Luach Saothair

Éilítear na nochtuithe seo a leanas i ndáil le luach saothair faoin gCód Cleachtais chun Comhlachtaí Stáit a Rialú, 2016:

8.3.1 Sochair chomhiomlána fostaithe

	Nóta	2020 €000	2019 €000
Sochair ghearrthéarmacha na foirne	8.3.2	2,503	2,081
Ranníocaíochtaí an fhostóra do chostais árachas shóisialta		251	211
		2,754	2,292

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

8.3.1 Sochair chomhiomlána fostaithe (ar lean)

Ba é 28 (2019: 23) líon iomlán na gcomhaltaí foirne (coibhéis lánaimseartha) amhail deireadh na bliana. Tá na costais phinsin €0.34m (2019: €0.27m) a thabhaigh an Chuideachta le linn na bliana airgeadais san áireamh i gcostais foirne GBCN i Nóta 8.2. Léiríonn na costais phinsin a mhuirearaítear sa Ráiteas ar Ioncam Cuimsitheach ranníocaíochtaí a rinne an chuideachta le scéim GBCN i gcomhréir le moltaí achtúireacha. Níl aon mhéideanna curtha san áireamh sna ráitis airgeadais seo i dtaca le dliteanais phinsin. Aithnítear na sócmhainní agus dliteanais ábhartha i gCuntas Riaracháin GBCN.

8.3.2 Sochair ghearrthéarmacha na foirne

	2020 €000	2019 €000
Buntuarastal	2,452	1,929
Pá a bhaineann le feidhmíocht	-	103
Liúntais	51	49
	2,503	2,081

8.3.3 An príomhphearsanra bainistíochta

	2020 €000	2019 €000
Táillí an Bhoird agus sochair ghearrthéarmacha an lucht bainistíochta	902	985
Pá a bhaineann le feidhmíocht	-	76
Liúntais	44	42
Árachas sláinte	4	5
	950	1,108

Is iad na comhaltaí Boird, an Príomhoifigeach Feidhmiúcháin agus an fhoireann ardbhainistíochta a thuiriscíonn go díreach don Phríomhoifigeach Feidhmiúcháin príomhphearsanra bainistíochta SBCI. Leagtar amach thuas luach iomlán na sochar fostaithe le haghaidh an phríomhphearsanra bainistíochta (gan ranníocaíochtaí an fhostóra le costais árachais shóisialaigh san áireamh).

Ní áirítear ansin luach na sochar pinsean a tuilleadh sa tréimhse. Is baill iad an príomhphearsanra bainistíochta (seachas an Bord) de scéim pinsean GBCN agus ní leathnaíonn a dteidlíochtaí ina leith sin thar théarmaí na scéime eiseamláirí pinsean seirbhíse poiblí.

8.3.4 Luach saothair agus sochair an Phríomhoifigigh Feidhmiúcháin

	2020 €000	2019 €000
Nicholas Ashmore (An Príomhoifigigh Feidhmiúcháin)		
Tuarastal bliantúil	250	250
Pá a bhaineann le feidhmíocht	-	25
Sochair inchánach bhliantúla	24	23
Ranníocaíochtaí leis na scéimeanna pinsin le sochar sainithe	36	36
	310	334

Áirítear na méideanna a íocadh leis an bPríomhoifigigh Feidhmiúcháin sna costais inaisíoctha le GBCN. Is ball é an Príomhoifigigh Feidhmiúcháin de scéim pinsean GBCN agus ní leathnaíonn a theidlíochtaí ina leith sin thar théarmaí caighdeánacha na scéime eiseamláirí pinsean seirbhíse poiblí.

9. Táillí agus speansais an Bhoird

Íoctar táille bhliantúil €15,750 (2019: €15,750) le Stiúrthóirí áirithe, mar a shonraíonn an tAire Airgeadais de réir Bhunreacht SBCL. Íoctar táille bhliantúil €31,500 (2019: €31,500) leis an gCathaoirleach. Ní bhfuair na Stiúrthóirí aon sochair ná luach saothair eile, lena n-áirítear sochair scoir, mar thoradh ar a gcuid seirbhísí don Chuideachta.

	2020 €	2019 €
Comhalta Boid		
Barbara Cotter	44,195	15,750
Tom McAleese	15,750	15,750
Rosheen McGuckian	3,162	15,750
AJ Noonan	15,750	15,750
Richard Pelly	15,750	15,750
Marguerite McMahon	7,183	-
Eilis Quinlan	15,750	15,750
	117,540	94,500

Toghadh Barbara Cotter mar chathaoirleach an Bhoird ar an 12 Márta 2019. Áirítear sa bhliain reatha méadú ar tháillí boird ón dáta tofa go dtí an 31 Nollaig 2020.

Ní bhfuair an Príomhoifigigh Feidhmiúcháin, comhaltaí foirne GBCN ná oifigeach na Roinne Airgeadais (Eoin Dorgan) aon luach saothair maidir lena mballraíocht ar an mBord.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

9. Táillí agus speansais an Bhoird (ar lean)

Déantar speansais fhaofa a aisíoc le Stiúrthóirí ar bhonn dearbhaithe. Baineann speansais le taisteal chun freastal ar chruinnithe in oifigí SBCI i mBaile Átha Cliath. I rith na bliana airgeadais, tabhaíodh iad seo a leanas i ndáil le speansais na gcomhaltaí Boird:

	2020 €	2019 €
Comhalta Boird		
Richard Pelly	232	833

Áirítear na speansais a íocadh leis na Stiúrthóirí a bhaineann le taisteal i speansais eile i Nóta 8.

10. Muirear cánach

Tá an Chuideachta díolmhaithe ó cháin chorparáide de bhua alt 23(1)(b) d'Acht SBCI 2014.

11. Sócmhainní doláimhsithe

2020	Costas €000	Amúchadh carntha €000	Glanluach de réir na leabhar €000
Iarmhéid amhail an 1 Eanáir 2020	2,046	(1,496)	550
Fálacha	4	-	4
Amúchadh	-	(296)	(296)
Iarmhéid amhail an 31 Nollaig 2020	2,050	(1,792)	258

2019	Costas €000	Amúchadh carntha €000	Glanluach de réir na leabhar €000
Iarmhéid amhail an 1 Eanáir 2019	1,917	(1,023)	894
Fálacha	132	-	132
Diúscairtí	(3)	-	(3)
Amúchadh	-	(473)	(473)
Iarmhéid amhail an 31 Nollaig 2019	2,046	(1,496)	550

Baineann sócmhainní doláimhsithe le bogearraí TF a cheannaigh an Chuideachta i rith na bliana airgeadais. Áirítear amúchadh a muirearaíodh i rith na bliana airgeadais i speansais oibriúcháin sa Ráiteas ar Ioncam Cuimsitheach.

Ní raibh aon sócmhainní (2019: 0 sócmhainn) á bhforbairt ag deireadh na bliana airgeadais. Níor tabhaíodh aon chailiteanais bhearnaithe ar na sócmhainní bogearraí i rith na bliana airgeadais.

12. Infheistíochtaí

	2020 €000	2019 €000
Infheistíochtaí arna sealbhú go tráth aibíochta	3,538	-

I mí na Samhna 2020, fuair SBCI scairsheilbh sa Chiste Eorpach Infheistíochta ón mBanc Eorpach Infheistíochta. Fuair SBCI ocht scair ar chostas €442,238 in aghaidh na scaire.

13. Iasachtaí agus infháiltais

	2020 €000	2019 €000
Iasachtaí d'iasachtóirí ar aghaidh dlíte laistigh d'aon bhliain amháin	107,370	148,977
Iasachtaí d'iasachtóirí ar aghaidh dlíte tar éis níos mó ná bliain amháin	345,000	406,450
	452,370	555,427

Léirítear scoilteadh na n-iasachtaí d'iasachtóirí ar aghaidh idir iasachtaí urraithe agus neamhurraithe anseo thíos:

	2020 €000	2019 €000
Urraithe	180,442	175,800
Neamhurraithe	271,928	379,627
	452,370	555,427

Ag deireadh na bliana airgeadais, bhí iasachtaí in eisiúint ag SBCI d'ocht n-iasachtóir ar aghaidh (2019: sé iasachtóir ar aghaidh). Is bainc iad trí cinn de na hiasachtóirí ar aghaidh sin (2019: trí bhanc), agus is soláthraithe maoinithe neamhbhainc iad na cúig iasachtóir ar aghaidh eile (2019: trí sholáthraí maoinithe neamhbhainc). Maireann na téarmaí atá fágtha fós ar iasachtaí na n-iasachtóirí ar aghaidh idir 0.5 agus 5 bliana agus gearrann SBCI ús ag Euribor sé mhí móide corrlach. Ag deireadh gach bliana airgeadais, déanann an Chuideachta measúnú an bhfuil fianaise oibiachtúil ann go bhfuil na hiasachtaí iasachtóra ar aghaidh bearnaithe (féach ar Nóta 4.10). Tar éis measúnú bearnaithe ar na hiasachtaí amhail an 31 Nollaig 2020, chinn an Chuideachta gur cheart táille bhearnaithe €nialas (2019: €nialas) a thabht. Ag deireadh na bliana airgeadais, bhí gealltanais iasachta nach raibh tarraingthe anuas dar luach €83m (2019: €60m) ag an gCuideachta.

14. Airgead agus coibhéisí airgid

	2020 €000	2019 €000
Airgead agus coibhéisí airgid	37,451	31,902

Áirítear san airgead tirim a bhí i seilbh na Cuideachta amhail an 31 Nollaig 2020 an t-airgead tirim le haghaidh gníomhaíochtaí oibriúcháin agus cistiú a cuireadh ar fáil don Chuideachta chun íoc as na costais a bhaineann le reáchtáil Scéim Tacaíochta Sreafa Airgid na Talmhaíochta, Scéim Iasachta an Bhreathimeachta agus Scéim Iasachta Caipitil Oibre COVID-19 agus an Scéim Iasachta d'Fhás sa Todhchaí. Tá tuilleadh faisnéise faoi na scéimeanna sin i Nóta 15.

15. Bainistíocht riosca

Bíonn sé mar aidhm ag an gCuideachta a bheith feasach ar riosca agus a rioscaí a bhainistiú go gníomhach. Mar gheall ar na gníomhaíochtaí ríthábhachtacha a rinne SBCI agus tábhacht a dhea-chlú, tá béim láidir ar raon cuí rialuithe riosca a chur i bhfeidhm.

Bíonn sé mar aidhm ag SBCI rioscaí a bhainistiú go heolach agus go réamhghníomhach, de réir a inghlacthachta riosca, ar bhealach a fhágann go mbíonn an leibhéal riosca ag teacht leis an mbunghníomhaíocht ghnó. Déanfaidh SBCI athbhreithniú ar aon rioscaí nua a thagann chun cinn agus glacfar cinneadh maidir le glacadh agus bainistiú na rioscaí sin.

Is iad na príomhchatagóirí rioscaí a shainaithníonn agus a bhainistíonn an Cuideachta ina cuid gníomhaíochtaí ó lá go lá agus a d'fhéadfadh an tionchar is mó a imirt ar a ráitis airgeadais na rioscaí creidmheasa, leachtachta agus riosca margaidh.

Beartas agus Creat Bainistíochta Riosca

Tá an Bord freagrach as an Inghlacthacht Riosca na Cuideachta a leagan síos agus as maoirsiú agus stiúradh na bainistíochta riosca ar fud SBCI. Chuige sin, shainordaigh an Bord go ndéanfaí bainistíocht riosca a chomhtháthú agus a leabú in atmaisféar agus i gcultúr SBCI.

Bíonn an Coiste Iniúcháireachta agus Riosca freagrach as maoirseacht a dhéanamh ar chur i bhfeidhm Bheartas agus Chreat Bainistíochta Riosca SBCI agus féachann sé lena chinntiú go soláthraíonn samhail rialachais bainistíochta riosca SBCI leibhéil iomchuí neamhspleáchais agus dúshláin. Tuairiscíonn an Coiste Iniúcháireachta agus Riosca don Bhord go neamhspleách dá bhrí sin.

Tá Beartas agus Creat Bainistíocht Riosca SBCI ag comhlíonadh phrionsabail an Chóid Cleachtais chun Comhlachtaí Stáit a Rialú, 2016.

Braitheann SBCI ar na seirbhísí a chuireann GBCN ar fáil do ghnéithe áirithe den bhainistíocht riosca, eadhon:

- bainistíocht leanúnachais gnó;
- seirbhísí comhlíonta agus dlí;
- seirbhísí iniúcháireachta inmheánaí.

An chéad líne chosanta:

Bíonn lucht bainistíochta SBCI freagrach as bainistíocht laethúil na Cuideachta ó lá go lá agus as a chinntiú go mbíonn rialuithe cuí i bhfeidhm agus ag feidhmiú go héifeachtach. Tuairiscíonn an lucht bainistíochta air sin leis an gCoiste Iniúcháireachta agus Riosca. Seo iad na príomhchéimeanna sa phróiseas bainistíochta riosca:

- Na rioscaí a d'fhéadfadh tionchar a imirt ar SBCI ag baint amach a chuspóirí bunaithe, nó é sin a chosc, a shainaithint;
- I gcás gach riosca a shainaithnítear, a thionchar a chinneadh agus an dóchúlacht go dtarlóidh sé;
- I gcás gach riosca a shainaithnítear, a chinneadh an féidir glacadh leis an riosca ina iomláine nó ar cheart é a mhaolú nó a sheachaint;
- I gcás gach riosca a shainaithnítear, beag beann ar a thionchar nó an dóchúlacht go dtarlóidh sé, bearta maolaithe chun riosca a laghdú a bhreithniú;
- I ndiaidh bearta maolaithe a chur i bhfeidhm, athbhreithniú a dhéanamh ar thionchar iarmharach agus an dóchúlacht go dtarlóidh sé, chomh maith le stádas criticiúlachta gach riosca a shainaithnítear;
- Athbhreithniú agus monatóireacht a dhéanamh ar rioscaí agus bearta maolaithe go leanúnach.

15. Bainistíocht riosca (ar lean)

An dara líne chosanta:

Tugann feidhm Riosca SBCI agus feidhm Comhlíonta GBCN, i ndáil le sainréimsí freagrachta, dúshlán agus maoirseacht neamhspleách chun a chinntiú go gcuirtear Beartas agus Chreat Bainistíochta Riosca SBCI i bhfeidhm go héifeachtach.

An tríú líne chosanta:

Feidhmíonn feidhm Iniúcháireachta Inmheánaí GBCN, faoi mhaoirsiú Choiste Iniúcháireachta agus Riosca SBCI, mar chuid den tríú líne chosanta trí dhearbhu neamhspleách, réasúnta, riosca-bhunaithe a sholáthar do na príomhpháirtithe leasmhara maidir le chomh fóna agus atá córas bainistíochta riosca SBCI, a rialachas agus dhearadh agus éifeachtacht oibríochta na timpeallachta rialaithe inmheánaigh.

15.1 Riosca creidmheasa

Is é riosca creidmheasa an riosca is suntasaí do ghnó SBCI. Is é riosca creidmheasa an riosca go gcruthódh páirtí amháin in ionstraim airgeadais caillteanas don pháirtí eile trí mainneachtain íoc as a oibleagáid. I bhfocail eile, eascraíonn riosca creidmheasa go príomha as mainneachtain fhéideartha iasachtóra ar aghaidh a iasachtaí a aisíoc go hiomlán le SBCI. Bíonn an Chuideachta neamhchosanta freisin ar riosca creidmheasa i leith ráthaíochtaí a eisítear d'iasachtóirí ar aghaidh, agus frithráthaíochtaí a fhaightear ón gCiste Eorpach Infheistíochta.

Chun a phríomhchuspóirí a bhaint amach agus a shainordú a chomhlíonadh, ní mór do SBCI glacadh le leibhéal áirithe riosca creidmheasa. Mar bhunphrionsabal, agus i gcomhréir lena Ráiteas ar Inghlacthacht Riosca, féachann SBCI le riosca creidmheasa a ghlacadh ar bhealach stuama a ghlacann leis an leibhéal is ísle is féidir de riosca creidmheasa is gá lena chuspóirí a bhaint amach. Dá bhrí sin, déanann SBCI a neamhchosaint do riosca creidmheasa a bhainistiú go cúramach agus déantar an riosca sin a thomhas, a mheasúnú agus a rialú le haghaidh gach idirbheart nó teagmhas creidmheasa a ghlactar.

Déanann SBCI iarracht a neamhchosaint ar riosca creidmheasa a íoslaghdú trí thabhairt faoi phróiseas fairsing díchill chuí roimh aon chinntí iasacht nó ráthaíocht a chur ar fáil. Áirítear i bpróiseas bainistíochta riosca creidmheasa na Cuideachta an méid seo a leanas:

- Measúnú cuimsitheach ar gach iasachtóir ar aghaidh ionchais, a lucht bainistíochta, cumas oibriúcháin, taithí ar fhrithghealladh creidmheasa, feidhmíocht airgeadais, bainistíocht riosca, córais, tairiscint táirge agus acmhainn aisíocaíochta;
- Cruinnithe leis an lucht bainistíochta;
- Measúnú ar fheidhmíocht airgeadais gach iasachtóra ar aghaidh ionchais trí leas a bhaint as an bhfaisnéis atá ar fáil, lena n-áirítear cuntais iniúchta, cuntais bhainistíochta agus réamh-mheastacháin airgeadais;
- Dícheall cuí tráchtála neamhspleách i leith soláthraithe maoinithe neamhbhainc;
- Dícheall cuí dlíthiúil neamhspleách;
- Anailís ar acmhainn aisíocaíochta an iasachtóra ar aghaidh, lena n-áirítear léiriú soiléir agus réasúnach ar acmhainn an iasachtóra ar aghaidh a oibleagáidí a chomhlíonadh agus fiacha SBCI a íoc ina n-iomláine;
- Athbhreithniú agus moladh Choiste Creidmheasa SBCI le haghaidh gach contrapháirtí ionchais;
- Comhthaobhacht imleor a fháil i leith iasachtaí (nuair is cuí), lena n-áirítear urrús muirir seasta nó chomhlúthaigh thar shócmhainní an iasachtóra ar aghaidh;
- Forchoimeádtar gach cinneadh creidmheasa don Bhord, nó do choistí cuí an Bhoird;
- Monatóireacht agus athbhreithniú leanúnach ar shaoráidí creidmheasa;
- Athbhreithniú rialta ar chomhlíonadh na gcúnant agus na ngealltanais faoi seach, agus aon téarmaí agus coinníollacha a fhorchuireann SBCI;
- Próiseas athbhreithnithe foirmiúil ar iasachtóirí ar aghaidh a dhéantar ar bhonn bliantúil, ar a laghad, maidir le gach iasachtóir ar aghaidh faofa;
- Measúnú ar riachtanais chomhthaobhachta i gcomhthéacs cúinsí éagsúla, lena n-áirítear láidreacht airgeadais an iasachtóra ar aghaidh;
- Frithráthaíochtaí agus/nó airgead tirim a fháil le haghaidh cúlchistí caillteanais chun dliteanais ráthaíochta SBCI a chlúdach go hiomlán nó i bpáirt.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

15.1 Riosca creidmheasa (ar lean)

Amhail an 31 Nollaig 2020, is é €628.2m (2019: €683.4m) an neamhchosaint uasta ar riosca creidmheasa d'iasachtaí, airgead tirim agus ráthaíochtaí. Cuirtear an neamhchosaint uasta sin ar riosca creidmheasa i láthair thíos de réir aicme na hionstraime airgeadais, agus áirítear leis freisin gealltanais iasachta na Cuideachta amhail deireadh na bliana airgeadais:

	2020 €000	2019 €000
Iasachtaí agus infháltais	452,370	555,427
Airgead agus coibhéisí airgid	37,451	31,902
	489,821	587,329
Gealltanais iasachta	82,500	60,000
Urrúis	55,900	36,100
	628,221	683,429

Léiríonn ráthaíochtaí glan-neamhchosaint na scéimeanna ráthaíochta ábhartha mar a shonraítear i Nótaí 15.6, 15.7 agus 15.9. Leagtar amach sa tábla thíos cáilíocht chreidmheasa shócmhainní airgeadais SBCI, a ndearna Standard & Poor rátáil ar chuid díobh. Baineann 'gan ráta' le heintitis neamhbhainc.

	2020 €000	2019 €000
AAA	18,724	16,957
A+ go A-	28,729	34,987
BBB	261,927	359,585
Gan ráta	180,441	175,800
	489,821	587,329

15.2 Riosca leachtachta

Is é riosca leachtachta an riosca nach féidir le SBCI a oibleagáidí fiachais gearrthéarmacha a chomhlíonadh. Is é sin an riosca caillteanais a eascraíonn as cás nach mbeidh dóthain airgid thirim ann chun oibríochtaí ó lá go lá a chistiú agus nach mbeidh SBCI in ann sócmhainní a thiontú ina n-airgead tirim go tráthúil. Áirítear le próiseas bainistíochta riosca leachtachta SBCI:

- Cloí le Beartas Bainistíochta Riosca Leachtachta agus Margaidh SBCI agus teorainneacha lena mbaineann;
- Bainistíocht éifeachtach ar riachtanais chistithe ó lá go lá, lena n-áirítear monatóireacht ar shreafaí airgid ionchais amach anseo, e.g. ceangaltais iasachta amach anseo, chun a chinntiú gur féidir riachtanais a chomhlíonadh de réir mar a bhíonn siad dlite;
- Bainistíocht sócmhainní agus dliteanas trí mhonatóireacht a dhéanamh ar an bpróifíl aibíochta a shonraítear i Ráiteas SBCI ar an Staid Airgeadais chun a chinntiú go gcoimeádtar dóthain acmhainní airgid thirim agus/nó go mbunaítear cistiú i gcásanna gur dócha go dtarlódh neamhréireanna, rud a íoslaghdóidh dá réir an tionchar ar eis-sreafaí leachtachta;

15.2 Riosca leachtachta (ar lean)

- Riosca leachtachta a bhainistiú trí phróifíl aibíochta shócmhainní agus dhliteanais SBCI a ailíniú, chomh fada agus is féidir, a chuirfidh deireadh mar sin le riosca athmhaoinithe nuair is féidir. Faigheann SBCI cistiú fadtéarmach ar ráta comhlúthach óna mhaoinitheoirí, agus nuair is féidir, socraíonn sé struchtúir éirim agus sceideal aisíocaíochta a iasachtaí chun próifíl aibíochta an chistithe sin a léiriú;
- Maolán leachtachta airgid a chothú le dul i ngleic le haon riachtanais leachtachta ghearrthéarmacha a d'fhéadfadh a theacht chun cinn.
- Tugtar achoimre sa tábla thíos ar uainiú na n-aisíocaíochtaí conartha atá dlite ag SBCI. Cuirtear na méideanna i láthair gan lascaine. Áirítear dliteanais eile €67.5m (2019: €50.8m) (féach ar Nóta 19) ann freisin. Cuimsítear i méideanna dlite "laistigh de bhliain amháin" ús fabhráithe agus dliteanais eile, cuimsítear i méideanna dlite "i ndiaidh bliain amháin" aisíocaíochtaí príomhshuime iasachta le maoinitheoirí.

	Laistigh de bhliain amháin €000	1 go 5 bliana €000	I ndiaidh 5 bliana €000	Iomlán €000
Aisíocaíochtaí 2020 dlite	100,869	295,238	21,429	417,536
Aisíocaíochtaí 2019 dlite	105,016	404,762	49,405	559,183

15.3 Riosca margaidh

Is é riosca margaidh an riosca go luaineoidh luach cóir nó sreafaí airgid amach anseo ionstraime airgeadais de bharr athruithe ar phraghsanna an mhargaidh. Cuimsítear riosca ráta úis i riosca margaidh SBCI comhdhéanta. D'fhéadfadh rioscaí margaidh eascairt as suíomhanna oscailte i dtáirgí ráta úis, atá neamhchosanta ar ghluaiseachtaí margaidh idir ghinearálta agus sonrach, chomh maith le hathruithe ar luaineacht rátaí úis. Bainistíonn SBCI a riosca margaidh de réir Bheartas Bainistíochta Riosca Leachtachta agus Margaidh SBCI agus teorainneacha lena mbaineann.

15.4 Riosca ráta úis

Bíonn SBCI neamhchosanta ar riosca ráta úis ar a iasachtaí agus infháltais agus ar a airgead agus coibhéisí airgid. Nuair is féidir, léiríonn saoráidí iasachtaithe SBCI próifíl riosca ráta úis na gcomhaontuithe iasachtaithe bunúsacha chun teagmhais de neamhréireanna ráta úis ábhartha a laghdú a oiread agus is féidir. Sainaitheoidh SBCI aon riosca iarmharach, agus déanfaidh sé monatóireacht agus bainistiú air.

Toisc go bhfuil próifíl riosca reatha SBCI le haghaidh cistiú agus iasachtú ar aghaidh ar bhonn ráta comhlúthach sé mhí, tá a neamhchosaint ar riosca ráta úis teoranta. Fritháirítear den chuid is mó aon neamhréireanna a thagann chun cinn mar go n-athshocraítear rátaí úis. I gcás neamhréir athshocraithe mhór nó i gcás nach ionann bunúis na socruithe, féachadh SBCI leis na suíomhanna sin a fhálú.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

15.4 Riosca ráta úis (ar lean)

Leagtar amach thíos na méideanna atá neamhchosanta ar riosca ráta úis amhail an 31 Nollaig 2020:

	2020 €000	2019 €000
Sócmhainní airgeadais		
Airgead agus coibhéisí airgid	37,451	31,902
Iasachtaí agus infháltais	452,370	555,427
	489,821	587,329

	2020 €000	2019 €000
Dliteanais airgeadais		
Cistiú agus iasachtaí	350,000	508,334

Riosca airgeadra

Níl SBCI neamhchosanta go díreach ar riosca airgeadra, mar go ndéantar a ghníomhaíochtaí cistithe agus iasachta ar fad in euro.

15.4.1 Tomhas riosca margaidh

Íogaireacht riosca ráta úis

Ní gá go léiríonn an fhaisnéis a sholáthraítear san anailís íogaireachta thíos an t-athrú iarbhrí ar luach cóir a thabhoídh SBCI faoi ghnáthdhálaí margaidh mar go coimeádtar seasmhach gach athróg, de bharr teorainneacha praiticiúla chun críoche ríofa, seachas an toisc shonrach riosca margaidh.

Léirítear sa tábla seo a leanas an íogaireacht ráta úis a eascraíonn as méadú nó laghdú de 50 bonnphointe ar an ráta úis (EURIBOR sé mhí). Tomhaistear an riosca mar thionchar an ghlanluacha reatha ar shreafaí airgid na n-iasachtaí infhaighte agus iníoctha mar gheall ar an athrú sin ar rátaí úis. Socraítear na rátaí úis amhail an 31 Nollaig 2020.

Anailís Íogaireachta Ráta Úis – gluaiseacht 50bp

	+50bp €000	-50bp €000
2020		
Glantionchar ar shreabhadh airgid	(361)	(412)
2019	+50bp €000	-50bp €000
Glantionchar ar shreabhadh airgid	(6)	(1,079)

15.4.1 Tomhas riosca margaidh (ar lean)

Níl na híogaireachtaí ráta úis siméadrach mar gheall ar thosca éagsúla, lena n-áirítear próifíl aibíochta na punainne agus dátaí íocaíochta úis na n-iasachtaí. Bainistítear próifíl aibíochta na punainne go gníomhach agus athróidh sí le himeacht aimsire

15.5 Bainistíocht caipitil

Níl SBCI faoi réir riachtanais chaipitil a fhorchuirtear go seachtrach. Tá an Chuideachta tiomanta do chinntiú go bhfuil dóthain caipitil aige toisc go bhfuil riosca ann nach mbeadh sé in ann aon chaillteanais chreidmheasa fhéideartha a iompar dá ndéanfaí a chaipiteal a bhainistiú go míchuí. Ar an 15 Deireadh Fómhair 2020, d'eisigh SBCI 50 milliún scair dar luach €1.00 an ceann i gcaipiteal SBCI dá scairshealbhóir aonair, an tAire Airgeadais. Amhail an 31 Nollaig 2020, is é €85m (2019: €35m) scairchaipiteal íochta SBCI. Anuas air sin, tá caipiteal inghlaoite €165m (2019: €215m) ar fáil do SBCI ar féidir léi a ghlaach dá lánrogha ón Aire Airgeadais, mar a fhoráiltear in alt 11(6) d'Acht SBCI 2014.

Áirítear le próiseas bainistíochta riosca caipitil SBCI cloí leis na riachtanais maidir le leordhóthanacht chaipitil i Ráiteas SBCI ar Inghlathacht Riosca lena chinntiú go mbíonn dóthain caipitil aige chun aon chaillteanais fhéideartha a iompar. Déanann an Bord athbhreithniú ar an leordhóthanacht chaipitil mar chuid dá athbhreithniú rialta ar thuairisciú riosca ag gach cruinniú sceidealaithe den Bhord.

15.6 Scéim Iasachta Tacaíochta Sreafa Airgid na Talmhaíochta ("an Scéim Talmhaíochta")

Rinne SBCI comhaontú leis an Aire TBM in 2016 faoina bhfuair SBCI airgead tirim dar luach €25m ón Aire TBM chun tacú le cruthú agus reáchtáil na Scéime Talmhaíochta. Faoi Scéim Talmhaíochta, d'eisigh SBCI ráthaíochtaí d'institiúidí rannpháirteacha i leith iasachtaí a thug na hinstiúidí do FBManna talmhaíochta. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir chaidhp phunainne fhoriomlán 15% agus punann uasta €150m.

Amhail deireadh na bliana airgeadais, tá dliteanas teagmhasach €16.9m (2019: €17.4m) ag an gCuideachta a bhaineann le caillteanais chreidmheasa fhéideartha a chlúdaítear faoin scéim. Fritháirítear an dliteanas teagmhasach €16.9m sin go páirteach le comhaontú frithráthaíochta ón gCiste Eorpach Infheistíochta dar luach €8.45m, agus le hairgead tirim dar luach €8.45m a shealbhaítear mar chúlchiste caillteanais (ón €25m a fuarthas ón Aire TBM). Mar thoradh air sin, is é €Nialas (2019: €Nialas) glan-neamhchosaint SBCI ar chaillteanais chreidmheasa faoin Scéim Talmhaíochta. Úsáidtear iarmhéid an chistithe a fuarthas ón Aire TBM le fóirdheontais ráta úis a íoc leis na hinstiúidí rannpháirteacha, a thugtar ar aghaidh ina n-iomláine d'iasachtaithe FBM, agus le SBCI a aisíoc as na costais a bhaineann leis an scéim a reáchtáil.

I mí Lúnasa 2020, d'aisíoc SBCI €4.6m de chistí barrachais nár úsáideadh leis an Aire TBM. Chuir an tAire TBM an €4.6m sin d'íocaíocht ranníocaíocht an Aire TBM le SBCI i bhfeidhm ar an gcostas a bhain leis an méadú €500 milliún ar leathnú FGLS.

15.7 Scéim Iasachta an Bhreathimeachta ("BLS") agus Scéim Iasachta Caipitil Oibre COVID-19 ("CWCS")

Rinne SBCI comhaontú leis an Aire TBM agus leis an Aire FTF in 2017, faoinar réamhioc na hAirí €23m le SBCI lena úsáid in BLS chun tacú le fiontair a raibh tionchar ag an mBreathimeacht orthu. I rith na bliana airgeadais, leasaíodh an scéim chun caipiteal oibre a sholáthar freisin d'fhiontair a raibh tionchar ag COVID-19 orthu faoi BLS/CWCS cónasctha. Rinne SBCI comhaontú nuashonraithe leis na hAirí freisin ionas go bhféadfaí teorainn na scéime a mhéadú ó €300m go €337.5m.

Faoi BLS/CWCS, d'eisigh SBCI ráthaíochtaí creidmheasa chuig institiúidí rannpháirteacha i leith iasachtaí do ghnóthaí a raibh tionchar ag an mBreathimeacht agus/nó COVID-19 orthu. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir punann uasta €300m.

Amhail deireadh na bliana airgeadais, tá dliteanas teagmhasach €89.2 (2019: €27.8) ag an gCuideachta a bhaineann le caillteanais chreidmheasa fhéideartha a chlúdaítear faoin scéim. Fritháirítear an dliteanas teagmhasach sin go páirteach le comhaontú frithráthaíochta ón gCiste Eorpach Infheistíochta dar luach €44.6m, agus le hairgead tirim dar luach €17.1m a shealbhaítear mar chúlchiste caillteanais (ón €23m a fuarthas ó na hAirí). Mar thoradh air sin, is é €27.5m (2019: €Nialas) glan-neamhchosaint SBCI ar chaillteanais chreidmheasa faoi BLS/CWCS. Úsáidtear iarmhéid an chistithe a fuarthas ó na hAirí le SBCI a aisíoc as na costais a bhaineann leis an scéim a reáchtáil, lena n-áirítear costas fhrithráthaíocht an Chiste Eorpaigh Infheistíochta.

15.8 An Scéim Ráthaíochta Creidmheasa ("CGS") agus Scéim Ráthaíochta Creidmheasa COVID-19 ("CCGS")

Ceapadh SBCI mar oibritheoir na Scéimeanna ar fad a chruthaítear faoi na hAchtanna um Ráthaíocht Chreidmheasa 2012 go 2020 thar ceann an Aire FTF. Níl aon neamhchosaint riosca creidmheasa ag SBCI do na ráthaíochtaí a eisítear faoi na Scéimeanna sin. Is ról riaracháin amháin é ról SBCI agus déanann SBCI an riosca oibriúcháin a eascraíonn as próiseáil iocaíochtaí agus éileamh a bhainistiú faoina phróisis agus nósanna imeachta inmheánacha (féach ar Nóta 7).

15.9 An Scéim Iasachta d'Fhás sa Todhchaí (FGLS)

Rinne SBCI comhaontú leis an Aire TBM agus leis an Aire FTF in 2018, faoinar réamhíoc na hAirí cistiú le SBCI chun FGLS dar luach €300m a bhunú chun tacú le hiasachtaí infheistíochta fadtéarmaí le fiontair in Éirinn. I rith na bliana airgeadais, leasaíodh an scéim agus thug na hAirí tiomantas €42m san iomlán a sholáthar do SBCI chun tacú le teorainn scéime mhéadaithe €800m.

Faoi FGLS, d'eisigh SBCI ráthaíochtaí creidmheasa chuig institiúidí rannpháirteacha i leith iasachtaí do ghnóthaí incháilithe. Clúdaíonn ráthaíochtaí SBCI 80% de chaillteanais chreidmheasa ar bhonn iasacht ar iasacht, faoi réir punann uasta €800m. Rinne SBCI comhaontú frithráthaíochta leis an gCiste Eorpach Infheistíochta chun 80% dá neamhchosaint ráthaíochta a fhritháireamh.

Amhail deireadh na bliana airgeadais, tá dliteanas teagmhasach €288.5 (2019: €69.8) ag an gCuideachta a bhaineann le caillteanais chreidmheasa fhéideartha a chlúdaítear faoin Scéim. Fritháirítear an dliteanas teagmhasach sin le comhaontú frithráthaíochta ón gCiste Eorpach Infheistíochta dar luach €230.8m agus le cúlchiste caillteanais €29.3m (mar a gheall na hAirí), a bhfuarthas €21.9m de mar airgead tirim faoin 31 Nollaig 2020. Mar thoradh air sin, is é €28.4m (2019: €2.9m) glan-neamhchosaint SBCI ar chaillteanais chreidmheasa faoi FGLS.

15.10 Riosca comhdhlúthachta

Is é riosca comhdhlúthachta an riosca go nochtfar SBCI ar aon neamhchosaint aonair nó grúpa neamhchosaintí a d'fhéadfadh caillteanais sách mór a chruthú go mbagrófaí acmhainn SBCI leanúint ag feidhmiú mar ghnóthas leantach.

Bainistíonn SBCI an riosca sin trí chloí leis na teorainneacha a leagtar amach sa Ráiteas ar Inghlacthacht Riosca a d'fhaomh an Bord agus a ndéanann an Bord athbhreithniú rialta air. Sainmhínítear sa Ráiteas ar Inghlacthacht Riosca na huasmhéideanna saoráidí creidmheasa a dhéantar a tiomnú do chatagóirí áirithe iasachtaithe, i dtéarmaí iomlána agus i gcomparáid le saoráidí creidmheasa tiomanta foriomlána SBCI. Tugtar aghaidh freisin sa Ráiteas ar Inghlacthacht Riosca ar an riosca comhdhlúthachta i measc mhaoinitheoirí SBCI tríd an uas-chomhdhlúthacht a cheadaítear i dtéarmaí neamhchosaint do mhaoinitheoir amháin a shainmhíniú.

Tá sé i gceist go gcinnteofaí leis na bearta seo go bhfuil punann fhoriomlán na próifíle riosca sách éagsúlaithe, agus nach bhfuil neamhchosaint gan chúis ar chomhdhlúthacht riosca iomarcach inti.

Tá príomh-chomhdhlúthacht thíreolaíoch SBCI ar shócmhainní riosca in Éirinn, agus baineann príomh-chomhdhlúthacht eárnála an riosca le hinstiúidí airgeadais, a eascraíonn as a shainordú reachtúil chun creidmheas a chur ar fáil d'eintitis agus do dhaoine sa Stát, mar a leagtar amach in Acht SBCI 2014. Is é €452.4m (2019: €555.4m) neamhchosaint riosca na Cuideachta ar chomhdhlúthacht thíreolaíoch óna iasachtaí agus infháltais.

Tá príomh-chomhdhlúthacht dliteanas na Cuideachta le maoinitheoirí Éireannacha agus Eorpacha.

16 Luach cóir sócmhainní agus dliteanas airgeadais

16.1 Comparáid idir luach de réir na leabhar agus luach cóir

Tugtar achoimre sa tábla thíos ar shuimeanna glanluacha agus ar luachanna córa na sócmhainní agus na ndliteanas airgeadais nach gcuirtear i láthair i Ráiteas na Cuideachta ar an Staid Airgeadais ag a luach cóir.

Leibhéal 1 – sócmhainní agus dliteanas airgeadais a thomhaistear le praghsanna luaite margaidh (neamhchoigeartaithe).

Leibhéal 2 – sócmhainní agus dliteanas airgeadais arna dtomhas le teicnící luachála ina n-úsáidtear sonraí margaidh inbhraite.

Leibhéal 3 – sócmhainní agus dliteanas airgeadais arna dtomhas le teicnící luachála ina n-úsáidtear sonraí margaidh dobhraite.

Tomhaistear luachanna córa na n-ionstraimí airgeadais sin de réir an ordlathais luacha chóir seo a leanas:

Sócmhainní airgeadais 2020	Luach de réir na leabhar €000	Leibhéal 1 €000	Leibhéal 2 €000	Leibhéal 3 €000	Luach cóir €000
Airgead agus coibhéisí airgid	37,451	37,451	-	-	37,451
Infháltais eile	2,556	-	-	2,556	2,556
Iasachtaí agus infháltais	452,370	-	-	452,370	452,370

2019

Airgead agus coibhéisí airgid	31,902	31,902	-	-	31,902
Infháltais eile	1,023	-	-	1,023	1,023
Iasachtaí agus infháltais	555,427	-	-	555,427	555,427

Dlíteanas airgeadais 2020	Luach de réir na leabhar €000	Leibhéal 1 €000	Leibhéal 2 €000	Leibhéal 3 €000	Luach cóir €000
Dlíteanas eile	67,536	-	-	67,536	67,536
Cistiú agus iasachtaí	350,000	-	-	350,000	350,000

2019

Dlíteanas eile	50,820	-	-	50,820	50,820
Cistiú agus iasachtaí	508,334	-	-	508,334	508,334

16.2 Prionsabail tomhais an luacha chóir

Iasachtaí agus infháltais agus cistiú agus iasachtaí

Tá luach cóir na n-ionstraimí airgeadais sin cothrom lena luach de réir na leabhar de bharr chuspóir/chineál sainithe na saoráidí sin. Tá an luach de réir na leabhar ag costas amúchta.

17. Infháiltais eile

	2020 €000	2019 €000
Aisghabháil chostais riaracháin na Scéime dlite	1,925	666
Frithráthaíocht infhaighte	-	297
Ioncam táille ráthaíochta	631	-
Aisghabháil táille iasachtóra ar aghaidh dlite	-	39
Ús infhaighte	-	21
	2,556	1,023

18. Cistiú agus iasachtaí

	2020 €000	2019 €000
Cistiú agus iasachtaí dlite laistigh de bhliain amháin	33,333	54,167
Cistiú agus iasachtaí dlite i ndiaidh bliain amháin	316,667	454,167
	350,000	508,334

Ráthaigh an tAire Airgeadais na dliteanais chistithe sin, mar a cheadaítear faoi alt 18 d'Acht SBCI 2014.

Ag deireadh na bliana airgeadais, bhí iasachtaí gan íoc ag SBCI le dhá mhaoinitheoir (2019: trí mhaoinitheoir). Is institiúidí airgeadais Eorpacha iad an dá mhaoinitheoir sin. Maireann na téarmaí atá fágtha fós ar na hiasachtaí sin idir 1 agus 8 mbliana agus gearrtar ús ar SBCI ag Euribor sé mhí móide corrlach. I gcás na bhfiach sin atá dlite i ndiaidh cúig bliana, is meascán d'aisíocaíochtaí príomhshuime leathbhliantúla agus cnap-aisíocaíochtaí iad na haisíocaíochtaí ag brath ar théarmaí an chomhaontaithe cistithe is infheidhme.

Amhail deireadh na bliana airgeadais, bhí €330 milliún (2019: €380 milliún) ag an gcuideachta i saoráidí cistithe nach raibh tarraingthe anuas.

19. Dlíteanais eile

	2020 €000	2019 €000
An tAire TBM iníoctha		
An Scéim Talmhaíochta	13,015	18,572
BLS/CWCS	10,447	8,354
An tAire FTF iníoctha		
BLS/CWCS	16,117	12,994
An Scéim Iasachta d'Fhás sa Todhchaí	25,348	9,292
Méideanna dlite do GBCN	912	826
Fóirdheontas úis iníoctha	333	500
Táille frithráthaíochta iníoctha	850	-
Dlíteanais eile	514	282
	67,536	50,820

Mar a leagtar amach i Nóta 15.6, in 2016 réamhíoc an tAire TBM €25m le SBCI lena úsáid sa Scéim Talmhaíochta chun tacú le FBManna san earnáil talmhaíochta in Éirinn. Aithníodh méid €1m (2019: €2.0m) in ioncam eile i rith na bliana agus fuasclaíodh €4.6m eile chun ranníocaíocht an Aire TBM do leathnú FGLS a chistiú (féach ar Nóta 7), rud a d'fhág iarmhéid €13m (2019: €18.6m). Bíonn cistí nach n-úsáidtear le linn shaolré na Scéime Talmhaíochta in-aisíoctha leis an Aire TBM. Aicmíodh cistí a réamhíocadh faoin Scéim Talmhaíochta mar dhliteanas deontais faoi FRS 102 Cuid 24.

Ar an gcaoi chéanna, mar a leagtar amach i Nóta 15.7, in 2017 réamhíoc an tAire TBM agus an tAire FTF €23m le SBCI lena úsáid in BLS chun tacú le fiontair a raibh tionchar ag an mBreatimeacht orthu. I rith na bliana airgeadais, leasaíodh an scéim chun caipiteal oibre a sholáthar freisin d'fhiontair a raibh tionchar ag COVID-19 orthu faoi BLS/CWCS cónasctha. Cuireadh €6.8m eile ar fáil le haghaidh leathnú ciste BLS/CWCS ó €300m go €337.5m in 2020. Aithníodh méid €1.5m (2019: €0.7m) in ioncam eile i rith na bliana, rud a d'fhág iarmhéid €26.6m (2019: €21.3m). Bíonn cistí nach n-úsáidtear le linn shaolré BLS/CWCS in-aisíoctha leis an Aire TBM agus leis an Aire FTF.

Chomh maith leis sin, mar a leagtar amach i Nóta 15.9, réamhíoc an tAire TBM agus an tAire FTF €22.9m le SBCI lena úsáid in FGLS chun tacú le hiasachtaí infheistíochta fadtéarmaí le fiontair. Fuarthas €12.4m de sin ón Aire FTF in 2020. Aistríodh méid €4.6m eile go dtí FGLS ón Scéim Talmhaíochta in 2020. Aithníodh méid €0.9m (2019: €1.1m) in ioncam eile i rith na bliana, rud a d'fhág iarmhéid €25.4m (2019: €9.3m). Bíonn cistí nach n-úsáidtear le linn shaolré FGLS in-aisíoctha leis an Aire TBM agus leis an Aire FTF.

TUARASCÁIL BHLIANTÚIL & RÁITIS AIRGEADAIS SBCI – Nótaí leis na Ráitis Airgeadais ar lean

20. Soláthairtí le haghaidh dliteanas

	2020 €000	2019 €000
Iarmhéid amhail an 1 Eanáir	-	33
Muirir ar ioncam cuimsitheach	-	(33)
Iarmhéid amhail an 31 Nollaig	-	-

Amhail an 31 Nollaig 2020, tá SBCI tar éis a bhreithniú an dócha go ndéanfar íocaíochtaí faoina ráthaíochtaí airgeadais. De réir FRS 102.21, d'aithin SBCI €Nialas (2019: €Nialas) i leith éilimh dhóchúla. Fritháiríodh na héilimh a íocadh in 2019 le haisíocaíocht 50% ar luach na n-éileamh ón gCiste Eorpach Infheistíochta faoin bhfrithráthaíocht. Braitheann uainiú agus méid deiridh na n-éileamh ar fháil iarbhair na n-éileamh ón iasachtóir ar aghaidh ábhartha.

21. Anailís aibíochta ar shócmhainní agus ar dhliteanais

Léirítear sa tábla thíos miondealú na sócmhainní agus na ndlíteanas sin ina bhfuil gné neamhreatha lena mbaineann ceart conartha í a aisghabháil nó a shocrú níos mó ná 12 mhí tar éis an dáta tuairiscithe. Léiríonn méideanna reatha na méideanna sin a bhfuiltear ag súil lena n-aisghabháil nó socrú laistigh de 12 mhí le haghaidh gach sócmhainne agus dliteanais.

2020	Reatha €000	Neamhreatha €000	Iomlán €000
Sócmhainní airgeadais			
Iasachtaí agus infháltais	107,370	345,000	452,370
Dlíteanais airgeadais			
Cistiú agus iasachtaí	33,333	316,667	350,000

2019	Reatha €000	Neamhreatha €000	Iomlán €000
Sócmhainní airgeadais			
Iasachtaí agus infháltais	148,977	406,450	555,427
Dlíteanais airgeadais			
Cistiú agus iasachtaí	54,167	454,167	508,334

Tugtar tuilleadh sonraí i Nóta 15.2 maidir le hamscála tuartha shocrú an chistithe agus na n-iasachtaí sin atá dlite lena n-aisiúc níos mó ná 12 mhí tar éis an dáta tuairiscithe.

22. Luach saothair an iniúcháir

	2020 €000	2019 €000
Iniúchadh ar ráitis airgeadais	36	34

Ní sholáthraíonn an tArd-Reachtaire Cuntas agus Ciste (mar iniúcháir seachtrach) aon seirbhís ráthaíochta, comhairle chánach ná neamhiniúcháireachta eile do SBCI.

23. Cothromas

Is é scairchaipiteal údaraithe na Cuideachta €250,000,000 a roinntear ina 250,000,000 scair dar luach €1.00 an ceann. De réir alt 11 d'Acht SBCI 2014, féadfar scairchaipiteal údaraithe na Cuideachta a mhéadú chuig méid eile, suas le €1,000,000,000 ar a mhéad, de réir mar a chinneadh an tAire Airgeadais le hordú ó am go ham.

Ar an 15 Deireadh Fómhair 2020, ar iarratas an Bhoird, d'eisigh an Chuideachta 50 milliún scair dar luach €1.00 an ceann don Aire Airgeadais. D'íoc an tAire Airgeadais as an tsuibscríbhinn sin trí thiontú láithreach iasachta €50m go cothromas, iasacht a réamhíoc an Ciste Infheistíochta Straitéisí d'Éirinn le SBCI ar an 15 Deireadh Fómhair 2020, de réir alt 11(7)(a) d'Acht SBCI 2014.

Amhail an 31 Nollaig 2020, shuibscríobh an tAire Airgeadais le haghaidh 85,000,000 (2019: 35,000,000) de scaireanna údaraithe na Cuideachta, agus eisíodh dó iad.

24. Dlíteanas teagmhasacha

Faoi théarmaí na Scéime Talmhaíochta, d'eisigh an Chuideachta ráthaíochtaí páirteacha caidheáilte chuig na hiasachtóirí rannpháirteacha ar aghaidh chun 80% de chaillteanas chreidmheasa ar bhonn iasacht ar iasacht a chlúdach, faoi réir chaidhp phunainne fhoriomlán 15% agus punann uasta €150m. Mar thoradh air sin, amhail deireadh na bliana airgeadais, tá dlíteanas teagmhasach €16.9m (2019: €17.4m) ag an gCuideachta a bhaineann le caillteanas chreidmheasa ráthaíochta airgeadais a chlúdaítear faoin Scéim Talmhaíochta.

Faoi théarmaí BLS/CWCS, d'eisigh an Chuideachta ráthaíochtaí páirteacha chuig na hiasachtóirí rannpháirteacha ar aghaidh chun 80% de chaillteanas chreidmheasa ar bhonn iasacht ar iasacht a chlúdach, faoi réir punann uasta €300m. Mar thoradh air sin, amhail deireadh na bliana airgeadais, tá dlíteanas teagmhasach €89.2 (2019: €27.8) ag an gCuideachta a bhaineann le caillteanas chreidmheasa ráthaíochta airgeadais a chlúdaítear faoi BLS/CWCS.

Faoi théarmaí FGLS, d'eisigh an Chuideachta ráthaíochtaí páirteacha chuig na hiasachtóirí rannpháirteacha ar aghaidh chun 80% de chaillteanas chreidmheasa ar bhonn iasacht ar iasacht a chlúdach, faoi réir punann uasta €800m. Mar thoradh air sin, amhail deireadh na bliana airgeadais, tá dlíteanas teagmhasach €288.5 (2019: €69.8) ag an gCuideachta a bhaineann le caillteanas chreidmheasa ráthaíochta airgeadais a chlúdaítear faoi FGLS.

25. Sócmhainní teagmhasacha

Rinne SBCI comhaontú frithráthaíochta leis an gCiste Eorpach Infheistíochta chun ráthaíochtaí SBCI faoin Scéim Talmhaíochta a fhritháireamh i bpáirt. Is é €8.5m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíochtaí SBCI do na hiasachtóirí ar aghaidh. Dá réir, tá sócmhainn theagmhasach suas le €8.5m (2019: €8.5m) ag SBCI a bhaineann leis an Scéim Talmhaíochta amhail deireadh na bliana 2020.

Rinne SBCI comhaontú frithráthaíochta leis an gCiste Eorpach Infheistíochta freisin chun ráthaíochtaí SBCI faoi BLS/CWCS a fhritháireamh i bpáirt. Is é €44.6m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíocht SBCI do na hiasachtóirí ar aghaidh. Dá réir, tá sócmhainn theagmhasach suas le €44.6m (2019: €13.9m) ag SBCI a bhaineann le BLS/CWCS amhail deireadh na bliana 2020.

Rinne SBCI comhaontú frithráthaíochta leis an gCiste Eorpach Infheistíochta freisin chun ráthaíochtaí SBCI faoi FGLS a fhritháireamh i bpáirt. Is é €230.8m luach na frithráthaíochta agus tá téarmaí agus coinníollacha na frithráthaíochta sin i gcomhréir le ráthaíocht SBCI do na hiasachtóirí ar aghaidh. Dá réir, tá sócmhainn theagmhasach suas le €230.8m (2019: €55.9m) ag SBCI a bhaineann le FGLS amhail deireadh na bliana 2020.

26. Nochtadh páirtithe gaolmhara

26.1 Páirtithe gaolmhara

An tAire Airgeadais

Is leis an Aire Airgeadais amháin an scairchaipiteal eisithe. Féadfar scairchaipiteal údaráithe na Cuideachta a mhéadú ón leibhéal reatha, €250,000,000, chuig méid eile, suas le €1,000,000,000 ar a mhéad, de réir mar a chinneadh an tAire Airgeadais le hordú ó am go ham, de bhun alt 11(1) d'Acht SBCI 2014.

GBCN

Cuireann GBCN seirbhísí foirne agus tacaíochta gnó do SBCI. Muirearaítear na costais a thabhaíonn GBCN ar SBCI, de réir théarmaí an Chomhaontaithe Seirbhíse idir SBCI agus GBCN. Anuas air sin, soláthraíonn GBCN cistiú do SBCI.

Eintitis eile faoi riail an Rialtais

Is páirtithe gaolmhara de SBCI iad an Ciste Infheistíochta Straitéisí d'Éirinn agus Bainc-Aontas Éireann plc mar go bhfuil gach ceann faoi riail an Aire Airgeadais.

Airí agus Ranna Rialtais

Is páirtithe gaolmhara de SBCI iad an Roinn Talmhaíochta, Bia agus Mara (TBM) agus an Roinn Fiontar, Trádála agus Fostaíochta (FTF), agus a gcuid Airí faoi seach, mar go bhfuil an dá Roinn sin faoi riail Stát na hÉireann agus is é an Stát úinéir deiridh na Cuideachta.

An príomhphearsanra bainistíochta

Nochtar príomhphearsanra bainistíochta SBCI i Nóta 8.

26.2 Idirbhearta agus iarmhéideanna le páirtithe gaolmhara

Saoráid Iasachta an Aire Airgeadais agus an Chiste Infheistíochta Straitéisí d'Éirinn

Eisíodh na gnáthscaireanna breise seo a leanas, dar luach €1.00 an cheann, i gcaipiteal na Cuideachta don Aire Airgeadais:

- i mí Feabhra 2017 – 25 milliún; agus
- i mí Dheireadh Fómhair 2020 – 50 milliún.

Rinneadh an dá eisiúint scaireanna thuasluaite a chistiú trí iasachtaí €75m a réamhíoc an Ciste Infheistíochta Straitéisí d'Éirinn le SBCI a thiontú ina gcothromas. Tá iarmhéid nialais ar shaoráid iasachta an Chiste Infheistíochta Straitéisí d'Éirinn faoi láthair (2019: €Nialas), agus tá €165m ar fáil mar chistiú tiomanta faoin tsaoráid sin.

Athmhuirearú GBCN

Tabhaíonn GBCN costais as SBCI a reáchtáil, costais a athmhuirearaíonn siad ar an gCuideachta. Ba é €6.2m (2019: €5.8m) iomlán na gcostas sin don bhliain airgeadais. Nochtar tuilleadh sonraí ar na costais sin i Nóta 8. Nochtar gealltanais léasa oibriúcháin i Nóta 27. Tá €0.9m (2019: €0.9) iníoctha le GBCN ag deireadh na bliana airgeadais.

Bogearraí a d'fhorbair GBCN

Cheannaigh SBCI bogearraí a d'fhorbair GBCN go himheánach ar chostas €4k (2019: €132k) i rith na bliana airgeadais. Baineann €Nialas (2019: €Nialas) den €0.9m iníoctha le GBCN ag deireadh na bliana airgeadais le ceannach bogearraí.

Ionstraim Fiachais SBCI

Ní raibh aon nótaí iasachta gan íoc a d'eisigh an Chuideachta chuig GBCN ag deireadh na bliana airgeadais (2019: €25m). Fuair an Chuideachta ús diúltach €67k (2019: €369k) ó GBCN i dtaca le nótaí iasachta a eisiúint.

An Scéim Iasachta d'Fhás sa Todhchaí

Fuair an Chuideachta €12.4m (2019: €1.5m) san iomlán i rith na bliana airgeadais ón Aire FTF le húsáid in FGLS. Tá tuilleadh sonraí faoi FGLS agus an cistiú a fuarthas i rith na bliana airgeadais i Nóta 19.

Scéimeanna Ráthaíochta Creidmheasa

I rith na bliana airgeadais d'aithin an Chuideachta ioncam €1.5m (2019: €0.29m) le haghaidh aisghabháil ar a chostais riaracháin as a ról mar oibrítheoir na Scéimeanna a cruthaíodh faoi na hAchtanna um Ráthaíocht Creidmheasa 2012 go 2020 thar ceann an Aire FTF. Bhí €0.81m (2019: €0.13m) den ioncam sin infhaighte ag an gCuideachta amhail deireadh na bliana airgeadais. Féach ar Nóta 7 chun tuilleadh faisnéise a fháil faoi ról SBCI sna Scéimeanna sin.

Bainc-Aontas Éireann plc

Tá iasachtaí €130m (2019: €215m) do Bhainc-Aontas Éireann plc eisithe ag an gCuideachta chun críche iasachtaithe ar aghaidh do FBManna na hÉireann. Bhí na hiasachtaí sin fós gan íoc amhail deireadh na bliana airgeadais agus áirítear iad sna figiúirí iasachtaí agus infháltas sa Ráiteas ar an Staid Airgeadais.

An príomhphearsanra bainistíochta

Nochtar idirbhearta leis an bpríomhphearsanra bainistíochta i Nóta 8.

27. Gealltanais

I mí Feabhra 2019, d'aontaigh SBCI léas do chóiríocht oifige ag 1 Duga an Státhchiste, Cé an Phoirt Thuaidh, Baile Átha Cliath 1, go dtí mí na Bealtaine 2033. Tabhaíodh muirir cíosa €291k (2019: €178k) sa tréimhse. Tá na bunchíosanna todtachaí ainmniúla iníoctha faoin léas oibriúcháin nach féidir cur ar ceal mar a leanas:

	2020 €000	2019 €000
Laistigh de bhliain amháin	291	292
Laistigh de 2 bhliain go 5 bliana	1,168	1,168
Os cionn 5 bliana	2,160	2,452
	3,619	3,912

28. Nochtadh leasa

Is comhlacht forordaithe poiblí é SBCI chun críocha na nAchtanna um Eitic in Oifigí Poiblí 1995 agus 2001. Tá ceanglais maidir le nochtadh leasa freisin ar Stiúrthóirí faoi Acht na gCuideachtaí, 2014, faoi Bhunreacht na Cuideachta agus faoin gCód Cleachtais chun Comhlachtaí Stáit a Rialú (2016). Tá nósanna imeachta i bhfeidhm ag SBCI chun cabhrú le Stiúrthóirí agus le comhaltaí foirne a n-oibleagáidí maidir le nochtadh leasa a chomhlíonadh i rith na tréimhse atá á hathbhreithniú.

29. Teagmhais tar éis dheireadh na tréimhse tuairiscithe

Ní raibh aon teagmhais tar éis dheireadh na tréimhse tuairiscithe a déileodh coigeartú ar na ráitis airgeadais ná nochtadh iontu.

30. Na ráitis airgeadais a fhaomhadh

D'fhaomh na Stiúrthóirí na ráitis airgeadais ar an 22 Aibreán 2021.

Corparáid Baincéireachta
Straitéiseach na hÉireann
Foirgneamh Dhuga an Stáitchiste,
Cé an Bhalla Thuaidh,
Baile Átha Cliath 1, D01A9T8, Éire.

T 01 238 4000 | www.sbc.gov.ie



Here to build business.
Strategic Banking
Corporation of Ireland